

**SEVENTH LEGISLATIVE ASSEMBLY OF MIZORAM
(FOURTH SESSION)**

LIST OF BUSINESS

FOR ELEVENTH SITTING ON TUESDAY, THE 25th NOVEMBER, 2014
(Time 10:30 AM to 1:00 PM and 2:00 PM to 4:00 PM)

QUESTIONS

1. **Questions** entered in separate list to be asked and oral answers given.

LAYING OF PAPER

2. **Pu LALSAWTA, Minister** to lay on the table of the House a statement of correction on the reply given on the 18th November, 2014 to Unstarred Question No. 17, Ballot No. 22 asked by Dr. K. Beichhua regarding "Sorkar leiba chungchang".

MOTION FOR ELECTION TO FINANCIAL COMMITTEE

3. **Pu R. ROMAWIA, Minister** to move motion for Election to Financial Committee.

FINANCIAL BUSINESS

DISCUSSION AND VOTING ON DEMANDS

4. **Pu ZODINTLUANGA, Minister** to submit to the Vote of the House various Demands under his charge.
5. **Pu LAL THANZARA, Minister** to submit to the Vote of the House various Demands under his charge.
6. **Pu LALRINMAWIA RALTE, Minister** to submit to the Vote of the House various Demands under his charge.

NGURTHANZUALA
Secretary

....

** Please see Bulletin Part-II Sl. No. 63 dated 19th November, 2014 for Demands to be moved by Ministers.

SPEAKER : Thiltha ti atan Krista Isuaah chuan siama awmin, ama kutchhuak kan ni si a; chu thil tha tih chu kan awmna turin Pathianin a buatsaih lawk a ni.
(Ephesi 2:10.)

Tunah zawhna no. 164-na kan la anga, zawt turin zawhna neitu mhember zahawm tak Pu Lalruatkima i lo sawm ang.

Pu LALRUATKIMA : Pu Speaker, Starred Question 164-na zawk a ni a. 64 na nilovin (Speaker : 164 na a ni aw, za ka sawi lai kha ilo hre hman lo a ni ang). Mike kha a kal lo a ni ang e, kan inen deuh thap a, awle, ka lawm e, Finance department changtu Minister zahawm tak chhan atan:-

- (a) Kum 2010-2015 chhungin Urban Local Body sum engzatnge hmuh a nih ? year wise in engzatnge ?
- (b) Hun tiam chhungin AMC work agency, etc., te hnenah sum hi pek chhuah a nih loh avanga penalty interest engzatnge chawi a nih ? A year wise-in engzatnge ?
- (c) A hun takah work agency AMC, etc te hnenah eng vanga pek chhuah loh nge a nih tih ka zawt e.

SPEAKER : Finance minster zahawm tak, Pu Lalsawta a chhang turin i lo sawm ang.

Pu LALSAWTA, MINISTER : Pu Speaker, member zahawm tak Pu Lalruatkima zawhna chhanna :-

- a) Kum 2010-2011 inkar chhungah hian GBG ah ₹ 864 lakhs a ni a, GPG ah hmuh a awm lova, a vai chuan ₹ 864 lakhs a ni. 2011-2012 chhung ah GBG ah ₹ 1107 lakhs a ni a; tin, GPG ah hian ₹ 68.5 lakhs a ni a, a vai belhkhawmin ₹ 1175 lakhs leh 5000 a ni 2012-2013 ah hian GBG ah ₹ 1245 lakhs leh 13000 a ni a; tin, GPG ah alo tam tawh a, ₹ 1163 lakhs nuai 1163 leh 63000 a ni a, a vaia belhkhawmin nuai 2408 leh 76000 a ni a. Kum 2013-14 ah hian GBG-ah nuai 1436 leh 4300. GPG-ah hianin nuai 490 leh 44000 ani a, a vaia belhkhawmin nuai 1926 leh 87000 a ni a. Tun kum 2014-15 chhung hian GBG-ah 708, nuai 718 leh 11000 a ni a. Tunah chuan a belhkhawmin nuai 718 leh 11000 a ni.
- b) 2010-11 chhung hian ₹ 35096 a ni a, 2011-12 chhung hian ₹ 1087493 a ni a, 2012-13 chhung hian ₹ 3328381 a ni a, 2013-14 chhung hian

₹ 6285000 a ni a, 2014-15 chhung hian AMC-ah sum la transfer fel huna chhut tur a ni.

- c) Guidelines to 13th Finance Commission's awarded grants-in a sawi danin banking infrastructure awm thatna hmunah chuan urban local bodies grant sorkar laipuiin a rawn released chu ni 5 chhungin working agencies hnenah transfer tur a ni. Banking infrastructure awm that lohna state-ah erawh chuan working agencies hnena fund transfer theih hun chhung chu ni 10 chhung a ni ang. Department tan hun bi tuk chhungin pekchhuah hi thil theih loh tluk a ni a. Grant release-na lehkha te hi ni 10 ral hnuah te finance department-in a dawn chang a awm. Hei mai bakah hian implementing/work agencies te hnenah finance department-in grant release a hriattir hnu leh a taka grant hmantheihna a awm inkarah hian tihfel hmasak ngai tam tak a awm a, chung zinga thenkhat chu:-

- (1) Implementing/works agencies ten fund allocation finance department-ah an dil a ngai a, allocation tihfel a nih hnuah expenditure sanction an dil leh a ngai bawk. Expenditure sanction dilna chuan finance department-a finance commission and monitoring cell leh expenditure control branch-te a paltlang a tul a ni.
- (2) A chung a tarlan anga engkim kalpui a nih hnuah implementing/work agencies ten bill an siam leh a ngai a, treasury office kal tlangin fund chu draw a hman theih a ni chauh a ni. State sum leh pai dinhmun a zirin fund hi draw mai theih loh pawhin a awm thei bawk a ni.

Tin, an zawhbelh dawn thoin ka ring a, helaiyah hian engvanga harsatna nge tuna kan sawi piah lamah khan Pu Speaker, ka'n sawi nghal law law ang a. Kum 2014-15 chhunga sum kan figure tarlante hi finance department figure a ni. Chu chu department dangte nena in englo kan nih avang khan kan figure kha kan tilang lo thei lova. Tin, hun tiam chhunga works agency AMC te leh a dangte hnena sum pek chhuah hman a nih loh avanga penalty interest figure tarlan hi a concern department figure anga tarlan a ni thung. Chumi awmzia chu finance department hian heta penalty hi an chawi leh chawi loh chungchang kan hre ve vak lo a ni tih a work agency te khan an hria a. An hriat ang ang kan va zawt a, anni min hrih dan ang kha vawiinah hian ka rawn tarlang mai a ni.

- (3) Implementing emaw works agency ten fund allocation leh expenditure sanction an dil hian a process hi hun reilo te chhunga tihfel mai theih loh a ni fo a. Uluk taka thiltih a ngaih thin avangin hetiang implementing agencies te pawhin an pawisa hmanna tur azirin thil tih

tur tul tih hmasak ngai a awm thei a. Chuvangin hun tiam chhunga sum pek chhuah hi thil harsa tak a ni.

(4) Khing a chung a tarlan takah khian penalty interest chawi chhanna chu a hnuai ami angte hian a khaikhawm theih ang. (1)-na fund release-na copy hmuh tlai vang. Chumi awmzia chu khu lam atangin 'kan rawn sanction e' ti mah se a sanction na order kan hmuha kan account-ah a luh loh kha chuan lehkhain emaw correspondent-in emaw hei kan rawn thawn e ti mah se a sanction order kha a pawimawh thin a, an allocation sanction proposal department-in an process hun chhung a rei. Keimahni lam ai mah khan an proposal kha a rei ve thin a. Tin, fund allocation leh sanction proposal finance department-a process hun chhung pawh a lo awm ve a. Kar tawp lama process a nih chuan, entirnan, Zirtawpniah process ta se, Inrinni leh Pathian ni te a lo tlak kha chuan ni 2 kha kan chan lo thei lo thin a. Chungte chuan pawisa pek chhuah a titlai ve thei a.

Tin, ULB (Urban Local Bodies) grants te hi a sum hrawm leh amah a len thin avang hian Treasury-a bill thehluh a nih hnuah pawh over draft hlauhawm changte a awm thin a. Chumi awmzia chu hei hi kan sawi fo thin a Pu Speaker, sawi fiah deuh thain ka hria a. State-in sum kan neih hi tuizem a lo tlingkhawm ang hi a ni a. Hetah herh haw reng theih a ni a, herh haw reng theih kha keini chauh hian kan herh haw ta lova, Reserve Bank of India in hetah hian in leiba, hetah hian pek a hun e, an lo herh haw a, a lo phai mai a. Chutiang chuan kan leiba kan rulhna te leh thil dang ang chiah khan keimahni chauhin kan tih loh, kan operate loh kha a awm ve a. Tin, chubakah khami kha a phai lutuk chuan, a awm loh khan ways and means atanga kan puk te a lo ngai a, chu chuan ni chuti zat, khati zat tih te a lo ngai a, chutiang chuan kan inven reng a ngai a.

Engvangin nge chutiang chu a tlem theih, khuta tangin pawisa an rawn thawn a ni si a, tih hi zawhna a ni a. Mahse kan sawi tawh thin angin, nimin lamah te pawh kan ngaihthlak angin, department tam takah kan officer fel tak tak te awm thin mahse, budget-a pek piah lam, excess expenditure tam tak a awm kha chuan he rama kan pawisa hman tur piah lam department-in an lo hman teuh khan chuan, kan pawisa kha a chhuak lo thei lo a, a chhuah kha chuan a thawl ta a. Tin, inthlan te kan lo nei a, MP te, MLA Election te, Distric Council thlengin, khang thilah khan pawisa awm lawk a nih thin loh avang te leh an mahni department-in hlawh an neih loh pawha keiniin hlawh lo pek talh talh kan lo tum thin avang hian, sum ama hmanna tura hman loh kha tam tak a awm ve thin a, khangte avang khan sum hmun nghak kan tih kha a tlem lutuk lohna turin, khatieng hrawm lian lutuk, local bodies ami te kha kan pek theih loh chang hi a awm thin a ni. Tin, Urban Local Bodies Grant hi a lian tham a, chutiang.....

Pu LALRUATKIMA : Pu Speaker, khawngaihin ka zawhna bak kha a tam ta riau mai, a wind – up a ni ber a, hun a tlem si a.

SPEAKER : I zawta, a chhang a, lo tibuai lo mai rawh.

Pu LALSAWTA, MINISTER : A hriat duh loh chuan ka duhtawk ang e. Ka lawm e.

SPEAKER : Zawhbelhna.

Pu LALRUATKIMA : Kha minute 10 lai he zawhna chhan nan khan kan hmang ta a, a lawmawm khawp mai a, a tawn tawnin harsatna kha a rawn hre ve ve a. Nia, General Basic Grant leh General Performance Grant kan hmuh dan zawng zawng kha chiang takin a rawn highlight a, a lawmawm ka ti a. Chutih lai chuan a hre chiang bawk a, kan Minister zahawm tak khan, helaia Finance Department hnena UD & PA ten an sum hmuh an website atanga an han hriat kha, theihtawp chhuaha bawhzui ran kha an duh ve thin a ni. Chumi kawngah chuan Finance lam te nen an version kha a inan thin loh avangin, tun hnuah chuan kan ngaihtlak tak ang khan lo hmanhmawhpui sela, penalty interest kha chawi ngai lo se a lawmawm hle ang, zawhna tur zawng zawng kha a rawn sawi vek tawh avangin chu chu ka'n ngen tel a ni e.

SPEAKER : Zawhbelhna awm lovah ngai ila, zawhna dangah kan kal thei e. Zawhna 165-na, amah Pu Lalruatkima bawk a solo mai a ni ang chu.

Pu LALRUATKIMA : Pu Speaker, ka sawi tawh ang khan, pawh fuh a ni a ka vannei a ni e. Ka Starred Question No 165-na, Animal Husbandry & Veterinary changtu Minister zahawm tak chhan atan –

- a) School of Veterinary Science Lungpher khuaah Laboratory & Library Building sak a ni em?
- b) Sak a nih chuan Sanction amount eng zat nge ni a, engtikah nge sanction a nih?
- c) Tender a ni em? A nih chuan tunge contractor? tih ka zawt e.

SPEAKER : A changtu Minister zahawmtak Pu C.Ngunlianchung a chhang turin ilo sawm ang.

Pu C. NGUNLIANCHUNGA, MINISTER : Pu Speaker, Aizawl West – II bialtu
MLA zahawmtak zawhna chhanna chu –

- a) Sak a ni.
- b) Sanction Amount chu ₹ 35,60,500/- a ni, sanction ni chu 18th Jan, 2013 a ni.
- c) Tender a ni. Contractor hming chu :- 1) Smt. Lalrohlu, Bethlehem Veng, 2) Shri. K.Vanlalthanga, Bethlehem Veng a ni e.

*Speech not Corrected

SPEAKER : Zawhbelhna, Pu Ruatkima.

Pu LALRUATKIMA : Pu Speaker, laboratory-ah hian nuai 15 dah a ni a, mahse kan han en a , a sakna hnu hma kan hmu lo a. Chulalah chuan MNF sorkar lai khan Laboratory Building hi sak a ni a, chei that a ni bawk si lo a, ti khan a ngai ngai khan a awm ta ringawt mai a. Boys hostel kha chu chei that a ni a, lecture hall pawh kha sak a ni bawk si lo a, khalai kha enge a awmzia min hrilh thei em tih ka'n zawhbelh a ni.

SPEAKER : Minister zahawmtak sawm ila.

Pu C. NGUNLIANCHUNGA, MINISTER : Pu Speaker, heng building te hi RKVY hnuai atanga thawh a ni a, a fund pawh hi Lunglei District DVO hnena transfer niin Lunglei treasury atanga draw vek a ni a. Hetah hian building awmsa te a chhiat avangin repair te leh a tulna vangin tuna building hi an sa a, amaherawhchu boys hostel atan hman a ni, remchan zawkna vangin. Khilalah khian zirlai, Para – vet naupang 20 lai kan neia, chungte mamawhna vangin Boys Hostel atan hman mek a ni.

*Speech not Corrected

SPEAKER : Zawhbelhna Pu Ruatkima.

Pu LALRUATKIMA : Pu Speaker, nichin khan kan Minister zahawm tak khan lecture hall te, laboratory building te kha sak awm ang khan a rawn sawi a, khilalah khan boys hostel chauh sak kha a ni leh si a, chulai chu enge ni a chhan kha a rawn sawi a, nichin khan min chhang fel law law se tha tur hi a ni a. Laboratory building sorkar hmasaa sak tawh tun hnaia

sak miah loh kha, sak ang khan kan hre ta tlat mai a, tun mai khan, khami sakna tur sum kha boys hostel sak nan hman a nih leh tak thu kan lo hria a, kha kha thil awm dan a ni a. Laboratory building kha sak a ni lo tih min pawmpui a, ka lawm khawp mai.

SPEAKER : Zawhbelhna a awm chuang lo a, zawhna dangah kan kal thei a, zawhna no- 166 na, a neitu Er.Lalrinawma, member zahawmtak ilo sawm ang.

Er. LALRINAWMA : Pu Speaker, ka lawm e. Labour, Employment & Industrial Training Department changtu Minister zahawmtak hnena ka zawhna chu –

- a) Tun dinhmunah Chhiahtlangah hian ITI dah tumna a awm em?
- b) Awm ta se, engtikah nge hna hi tan theih a nih ang, tih ka zawt e.

SPEAKER : A Department neitu Minister zahawmtak Pu Lalrinmawia Ralte ilo sawm ang.

Pu LALRINMAWIA RALTE, MINISTER : Pu Speaker, Tuikum bialtu MLA zahawmtak Er. Lalrinawma zawhna Starred Question No. 166 chhanna chu: –

- a) Chhiahtlangah ITI dah tum a ni.
- b) Tihfel turte tihfel zawh velah hna hi tan tur a ni ang.

SPEAKER : Zawhbelhna Pu Rinawma.

Er. LALRINAWMA : Pu Speaker ka lawm e. Kan Minister zahawmtak chhan atan ka zawhbelhna chu – A hna hi tu kuta pek tur nge, Department-in a thawk mai dawn nge, tih kha pakhatna ni ta se, 2) Estimate engzat nge? 3) A huntiam chhung, a zawh hun chhung tur kha engzat nge tih ni ta selangin. Tin khilayah khian Bukpui te nen khianin, ram intihbuaina ti ilang, P & E te nen, buai han ti ila, an rawn hauh deuha, chulayah chuanin a hna tan tawh laiah khian harsatna a tawk deuh a, kan hriat angin contractor pawhin hma an la a, mahse kha mi ram chungchangah khanin enge maw inbiak fuhlohna a awm avangin a hna te kha an chawlhlan lailawk a, khangte kha sawifel a ni tawh em? Contractor hian a hna a chhunzawm leh thuai thei ang em? tih kha ka zawhbelhna a ni e.

SPEAKER : Chhangturin Minister zahawmtak sawm ila.

Pu LALRINMAWIA RALTE, MINISTER : Pu Speaker, Starred Question 166 neitu, Er.Lalrinawma, Tuikum bialtu MLA zahawmtak zawhbelhna – Hna hi tu kuta dah tur nge? Tu kuta dah nge tih chu- Hna hi tender chhuah a ni a, firm pathumin an chhang a, mimal leh firm pathumin an chhanga, chung zinga a chhang hniam ber Nextcom Consultancy Firm kutah pek a ni. Tin, estimate hi Central scheme pakhat Enhancing Skill Development Initiative in North East Region, tih hnuai sum hirawn pek a ni a. Hemi atang hian ITI pahnih sak tur a ni a, cheng nuai sangkhat zahnih sawmli pali leh sangriat a ni a, pahnih atan hian. Hmun hniha kan then chuan nuai za ruk sawmhni pahnih leh singthum leh sangkua tihna tluk a ni mai awm e. Tin, a ram chungchangah khan kan MLA in a sawi ang khan tlemin harsatna kan nei deuhva. Contractor-te pawn earth work te an tan a, amaherawhchu Power & Electricity ram a lo ni a, Chhiahtlang V/C te leh House Leader te nen pawh an lo en tawh a kha kha an duh si a, amaherawchu formality engemawtia han tihfel a ngai a, kan buaipui chho zel a tunah chuan a ram hi tihfel thawhkhat a ni tawh a. ITI ram tur hi chu thliar fel a ni tawh a ni. Chu chu reiloteah hna hi tan theih a ni tawh ang. A sak zawh hun tur tak hi min hre thiam se ka chhang thei mai lo tlat a, remchangah kan inpe thei ang.

Pu VANLALZAWMA : Pu Speaker, ka lawm e. Minister zahawm tak khan min chhang nghal thei mai em aw ka hre lova, ITI din turah chuan eng subject te nge an introduce ni dawn, ti khan min hrilh nghal mai thei em le.

SPEAKER : Minister chhang turin i lo sawm ang u.

Pu LALRINMAWIA RALTE, MINISTER : Pu Speaker, ka chhang thei mai lova, ITI kan zir thin pangngai hi a ni ang han ti ngawt dawn ila, Labour Ministry leh Directorate General and Labour & Employment lam khuan ITI zira a course tur hi duh an nei deuh tawh tlat mai a, Aizawl te pawh hi model ITI ah siam tum a ni tawh a, mahse kan zir tur kha tlang turin min ti tawh a, churang chuan member zahawm tak zawhna kha huai takin ka chhang thei lo a ni Pu Speaker.

SPEAKER : Zawhna dang 167-ah kan kal anga, a zawt turin Dr.K.Beichhua ilo sawm ang.

Dr. K. BEICHHUA : Pu Speaker ka lawm e. Finance Department Minister ka zawhna chu –

- a) Mizoram state sorkar hian pawisa engzatnge leiba a neih ?
- b) K.Deposite a dah hi engzat chiah nge tunah hian tih kha ka zawhna a ni e.

SPEAKER : Finance Minister chhang turin ilo sawm ang.

Pu LALSAWTA, MINISTER : Pu Speaker ka lawm e. Tun dinhmunah kan leiba hi a hriat theih mai lova, tuna confirmed figure chu 2012 – 2013 ah chuan 5114.20 crore a ni e. Tun dinhmunah hian K. Deposite ah 535.24 crore a awm. ‘Tun’ tih hian vawiinah pawh hian a hriat theih loh a ni. A chhan chu K. Deposite hi chhuak reng, lut reng a nih vang a ni.

Dr. K. BEICHHUA : Pu Speaker kan leiba kan tih khan leibaah khan chi hrang hrang a awm ka ring a, kan Minister khan min chhan theih chuan, Central sorkarah leiba engzat nge kan neih ? Company hnenah engzat nge kan bat ? Contractor-te hnenah kan bat engzatnge tih leh mimal anga kan batte kha min hrih thei ang ngem tih kha ka zawhna a ni e.

Pu LALSAWTA, MINISTER : Pu Speaker chutiang ang zawngin ka lo inring miah lo va, amaherawchu a tlangpui thu chuan leiba kan tih hi sorkarin keimahni accounta kan bat hi a awm a, public account ah hian kan ba bawk a, chu chu belh vek a ni a. GPF-a an rawn dah zawng zawngte pawh liabilities vekah kan chhiar. Chuvang chuan kan pukna deuh ber chu NABARD leh Life Insurance Corporation ah te a ni a. Tin, market borrowing kan tih te leh leiba kan tih ang tak hi a nei tlem pawl tak state rau rauah hian kan ni a. Leiba hi sawi mawi theih a ni lova, amaherawhchu Gujarat te chuan vbc nuaikhat chuang an nei a, economic investment vang te pawh a ni ang a. Kan dinhmun hrim hrimah hian kan hriat theih chin hnai te ami hi kan member zahawm tak khan a lo hriat ve duh takin Andhra Pradesh hian vbc nuai khat leh singruk leh sangkua leh sawmriat leh pathum leh nuai sawmsarih an ba a, Arunachal-in vbc 4430 an ba a, Assam-in vbc 32496 an ba a ni. Keini aia ba tlem chu Meghalaya hian vbc 4964.58 an ba, keini aiin nuai ruk velin an ba tlem a ni. Chu chu general deuh hlekin ka’n sawi mai thei a, tuna kan bat chin ang chuan chumi, chumi, tih ang khan ka sawi mai thei lo a ni.

SPEAKER : Starred Question No.168-na zawt turin Pu Lalthanliana ilo sawm ang.

Pu LALTHANLIANA : Pu Speaker ka lawm e. Sericulture Department Minister chhan atan ka starred question 168 na -

- a) Kum 2008-2013 chhungin Sericulture Department hian NLUP atan sum engzatnge a hman ?
- b) Mulberry bik atan sum engzatnge hman a nih ? tih ka zawt e.

SPEAKER : Awle, Dr. B.D. Chakma lo sawm ila.

Dr. B.D. CHAKMA, MINISTER : Pu Speaker ka lawm e. Kan member zahawm tak zawhna chhanna chu hengte hi a ni: -

- a) Development ₹ 14,93,20,215.00
Infrastructure ₹ 1,74,13,367.00
Total - ₹ 16,67,33,582.00 (Rupees sixteen crore sistry seven lakh thirty three thousand five hundred eighty two) only.
- b) ₹ 14,93,20,215.00 (Rupee fourteen crore ninety three lakh twenty thousand two hundred and fifteen) only.

SPEAKER : Zawhbelhna a awm lo maw? Aw, a awm loh chuan zawhna No. 169-naah kan kal ang a, a neitu MLA zahawm tak Pu Lalruatkima lo sawm ila.

Pu LALRUATKIMA : Pu Speaker, Sports & Youth Services Minister zahawm tak chhan atan ka Starred Question 169-na -

- a) Sports Training Centre Phulpui-ah hian sum engzat nge sen a nih tawh?
- b) Eng hnate nge thawh a nih?
- c) Tute nge contractor ?
- d) Contractor-te hnathawh hrang hrang Estimate Amount engzat te nge?
- e) Hnate hi tender chhuah an ni em tih ka zawt e.

SPEAKER : A changtu Minister zahawmtak Pu Zodintluanga chhang turin sawm ila.

Pu ZODINTLUANGA, MINISTER : Pu Speaker, kan Member zahawmtak Pu Lalruatkima Starred Question 169-na chhanna chu :-

a) Sports Training Centre Phulpui-ah hian sum ₹ 293,45,754 sen a ni tawh a, a approved amount chu ₹ 394,00,000 a ni.

b) Heng hnate hi thawh a ni:-

- 1) Earth cutting
- 2) Fencing of Football Ground
- 3) Construction of Pavilion
- 4) Construction of Retaining wall (Unit-I) at Football ground
- 5) Construction of Retaining wall (Unit-II) at Football ground
- 6) Construction of stone masonry side drain at Football ground
- 7) Construction of Basketball Court
- 8) Construction of gallery and fencing of Basketball Court
- 9) Construction of Volleyball Court
- 10) Construction of retaining wall & fencing of Volleyball Court
- 11) Construction of Indoor Stadium
- 12) Construction of approach road
- 13) Construction of gallery and pavilion for Volleyball Court.

c) Contractor-te chu heng mite hi an ni :-

- 1) Pu R.Renghnuna, Dinthar, Aizawl
- 2) Pu Lalchhuanawma, North Lungleng
- 3) Pu H. Vanlalduha, Zarkawt
- 4) Pi Lalramchhani, Samtlang
- 5) Pu Rochuangkima, Mission Veng
- 6) Pu Darthuama, Ramhlun North
- 7) Pu A. Siamkima, College Veng
- 8) Pu F. Lalhundika, Electric Veng
- 9) Pu P. Pazawna, Ramhlun North

- 10) Pu Lalhmingthanga Sailo, Thakthing
- 11) Pu Dorawta, Chanmary, Lunglei
- 12) Pu Malsawmtluang, Nursery Veng
- 13) Pu Henry Lalthlamuana, Khatla

d) Contractor-te hnathawh hrang hrang Estimate Amount chu hetiang hi a ni :-

- 1) Earth cutting of Football ground- R.Renghnuna - ₹ 52,59,760.00
- 2) Fencing of Football Ground - Lalchhuanawma - ₹ 12,61,800.00
- 3) Construction of Pavilion - H.Vanlalduha - ₹ 80,62,977.00
- 4) Construction of R/wall (Unit-I)-Lalramchhani - ₹ 11,83,800.00
- 5) Construction of R/wall (Unit-II) – Rochuangkima - ₹ 15,89,400.00
- 6) Construction of stone masonry side drain at Football ground - Darthuama - ₹ 4,84,400.00
- 7) Construction of Basketball Court – A.Siamkima - ₹ 17,84,000.00
- 8) Construction of gallery and fencing of Basketball Court - F.Lalhundika - ₹ 7,02,000.00
- 9) Construction of Volleyball Court – P.Pazawna - ₹ 8,47,200.00
- 10) Construction of retaining wall & fencing of Volleyball Court -Lalhmingthanga Sailo - ₹ 5,27,550.00
- 11) Construction of Indoor Stadium - Dorawta – ₹ 77,58,271.00
- 12) Construction of approach road - Malsawmtluanga - ₹ 48,71,884.00
- 13) Construction of gallery and pavilion for Volleyball Court - Henry Lalthlamuana - ₹ 4,94,000.00

e) Heng hna zawng zawngte hi Tender an ni a. Pu Speaker, NEC-ah a Final Installment hi nikum lam atanga nawr tawh a ni a. Sorkar inthlakah te File pending te a lo awm a. Hna tam tak hi thawh zawh loh niin, pawisa pawh hi tam tak kan la ba a ni tih kha ka sawi tel nghal a ni e. Ka lawm e.

*Speech not Corrected

SPEAKER : Aw le, Pu Ruatkima zawhbelhna.

Pu LALRUATKIMA : Pu Speaker, ka lawm e. Sawlaih Sports Training Centre tha tak mai kan nei a, a lawmawm khawp mai a. Helaih hian ka zawhbelh duh chu RTI a

kan dilah hian Pu Speaker, Estimated Cost-ah khan ₹ 339,87,828 a ni a. Chutah chuan hna hi zawh fel vek tawh ang (Construction of Indoor Stadium at Phulpui tih loh hi chu) completed an ni tawh a. Chuti a nih chuan a amount difference kha 40 lakh chuang a ni a. RTI min chhanna hi a dik ta lo nge ni a, engnge ni a awmzia? Tin, pawisa an senso RTI a kan dawn leh tun ami hi a inmil lo teuh mai a, kha kha engnge a chhan tih ka zawt a. Tin, Football ground saw peih fel a ni tawh a, mahse, goal ban a awm lo a ni. Goal ban awm lo saw peih fel ni tawh si-ah khan a dik lo niin ka hria a. Saw saw min tihran sak thei em tih kha ka'n zawhbelh a ni a.

Tin, a dang leh ah chuan Pu Speaker, Volleyball Court leh Basketball Court-ah sawn a tlang lamah sawn gallery a awm a. Amaherawhchu, gallery hnuaiyah khan lungrem a awm si lova, lei ko pang mai kha a ni a. Soil erosion kha awm ta se, gallery kha chu chim mai tur a ni mai a. Lungrem loh san zawng saw 10 ft dawn emaw a nih ka ring a, ka teh chiah lova saw mi chungah sawn gallery PCC in an siam phei a, Gallery lawna tur step pawh a awm lova, chulaiah chuan retaining wall leh step siam leh theih a ni em tih kha ka'n zawh belh bawk a ni e.

SPEAKER : Pi Awmpui i lo ko ang.

Pi VANLALAWMPUII CHAWNGTHU : Pu Speaker, ka lawm e. Sports & Youth Services Department hnuaiyah hian Hrangturzo Bialah hmalakna tur chi hrang hrang awm niin ka lo hria a. Khawngaihin Minister-in eng ang hmalakna-te nge a nih tih kha min hrilh thei em?

SPEAKER : Aw le, Minister-in chhang vek sela.

Pu ZODINTLUANGA, MINISTER : Pu Speaker, zawhna neitu zahawm tak Pu Ruatkima zawhna RTI chungchang kha zawh tawh hi a awm nual a, zawh deuh vek tawh ang pawhin a sawi theih a. Amaherawhchu, Bill la pek loh, pawisa kan la hmuh theih loh avanga last installment kan la pek loh, chungah chuan a Contractor-te lam pawhin mi an la hreng ve deuh nana zo lo angreng deuh a, zo lo han tih dawn a zo angreng deuh te pawh saw an awm nual a. Tunah hian 94 lakh hi la dawn loh kan nei a. Chutiang chuanin RTI a zawhna leh khalai kan inchnanna kha a inmil deuh turah chuan ka ngai a. Tin, a figure kha NEC atanga minrawn pek amount leh state share kha an khaikawp emaw ni aw RTI lamah ka ti a. A total in 394 lakh hi state share leh NEC atanga an sanction a kan neih a ni.

Tin, tun August ni 20, 2014 khan NEC-a an technical mi, official-te leh State Government-te pawhin a hmun an va en a. Chungah te pawh chuanin kan final theih lohna, la hawn theih lohna, a finishing kan la tih lohna kan Member zahawm takin a sawi ang khan siamthat ngai hlek hlek te pawh NEC atangin ti turin an ti a. Chungte pawh chu contractor-te kan hrilh a, hma la turin, a thalo lai an tih te pawh kha an siamtha leh tawh a. Pu Speaker, sanction kan neih ve leh contractor te bill pek tur kan neih hunah chuan a hna, a tul ang angte kan tihfel hunah chuan hawng turin kan inpeih tawh a ni tih kha he House zahawm tak hi ka rawn hrilh duh a.

Tin, Hrangturzo Bialtu zahawm tak zawhna kha North Vanlaiphai Playground siam nan cheng nuai ruk tun financial year atan kan dah a. Tin, Sailulak Playground siam nan cheng nuai nga kan dah a. Khawlailung Playground siam nan cheng nuai nga kan dah a, Biate Playground siam nan cheng nuai nga, Leng Playground leveling siamthat nan cheng nuai nga kan dah bawh a ni tih kha Hrangturzo bial bikah ka chhanna a ni. Ka lawm e.

*Speech not Corrected

SPEAKER : Pu Lalruatkima, i zawt hmem tawh viau a nia.

Pu LALRUATKIMA : Pu Speaker ka lawm e. Ka fiahlo deuh hlek a. Sawlai Phulpui Sports Training Centre-ah sawn hmanni lawkah Aizawl khawpui chhungah bomb a puak a, man kan nei a ni. Chumi man te zing ami chuan hna a thawk ni khan a lang a, engtin nge hna pek a lo nih ve reng tih kan Minister zahawm tak ka zawt e.

SPEAKER : A puah hmaa pek lo ni se. Minister zahawm takin han chhang sela.

Pu ZODINTLUANGA, MINISTER : Pu Speaker, tunge an man le, tu kha nge ni ang le bomb puakah khan ?

*Speech not Corrected

Pu LALRUATKIMA : Pu Speaker, Pu H.D. Lalhmangaiha kha bomb puakah khan man a ni a. Chutah chuan Volleyball Court siam hna a thawk a ni. Mahse, kan

Minister zahawm tak chhannaah hi chuan a hming a lang miah lo va. Mahse, hna a thawh thu kha a hrechiantu chu mi engemaw zat an awm a ni. Kha kha engnge ni hna a lo hmuh ve ringawt dan kha?

Pu ZODINTLUANGA, MINISTER : Pu Speaker, Sorkar-in kan hriat chu Tender chhangtute hi an ni a. Tute hi nge he tender-a Contractor kan pekte bak hi tute nge Sub-Contractor an hmante, tute nge an chhawr leh chhawn hi Sorkar-in kan hre tawh lova. Tin, bomb tipuaktu an lo man pawh kha tun kum chhunga an man a nih ka ring a. Heng hi nikum lampanga thawh a ni a. A hrim hrimin officiala kan contractor te chu tender rawn chhangtute hi an ni a. Chu contractor chuan tute nge an hman, Liana, Thanga hi tute nge an hman kan hriatpui ngailo tih hi Pu Speaker, ka chhanna a ni e.

*Speech not Corrected

SPEAKER : A dik ang lungawi tum la a tha ang e. Zawnha No. 170-na Er. Lalrinawma, MLA zahawm takin zawt se.

Er. LALRINAWMA : Pu Speaker ka lawm e. Kan Finance Minister zahawm tak hnena ka Starred Question No. 170-na chu - Kum 2014-2015 chhung hian heng Scheme NRHM, PMGSY, IAY, MGNREGA, JNNURM, NSAP-ah te hian Government of India atangin Fund engzat nge rawn transfer a nih tawh a, engzatnge release a nih tawh tih ka zawt e.

SPEAKER : Awle, Minister zahawm tak Finance changtu Pu Lalsawta sawm ila.

Pu LALSAWTA, MINISTER : Kan chhiar nawn kher ang e, a danglam deuh avangin. Kum 2014-2015 chhung hian heng scheme NRHM, PMGSY, IAY, MGNREGA, JNNURM, NSAP-ah te hian Government of India atangin Fund engzat nge rawn transfer a nih tawh a, engzatnge release a nih tawh tih chhanna chu hetiang hi a ni e. Kum 2014-2015 chhung hian heng scheme NRHM, PMGSY, IAY, MGNREGA, JNNURM, NSAP atanga sum/fund kan dawn dan chu hetiang hi a ni. 1) NRHM - ₹ Vbc 3666.92, fund released chin chu ₹ Vbc 1427.73 a ni. PMGSY-ah hian ₹ Vbc 5474.00 fund transfer

tawh a ni a, release kan tilang lo va. IAY-ah hian ₹ Vbc 455.24 a ni a, transfer turin buatsaih mek a ni. Tin, MGNREGA tih hi ₹ Vbc 6708.13 a ni a, fund released tawh chin chu ₹ Vbc 4495.28 a ni a. NSAP-ah hian Pu Speaker, ₹ nuai 415.30 a ni , a vaia belhkhawm ₹ Vbc 16719.59 hi fund transfer tawh a ni a, tin, chuta tanga released tawh chu ₹ Vbc 5923.01 a ni a. JNNURM atang hian fund kan la dawng ngai lo a ni tih kha ka chhanna a ni e.

SPEAKER : Zawhbelhna, Pu Lalrinawma

Er. LALRINAWMA : Pu Speaker, he laia JNNURM tih tur kha printing mistake a niin ka hria a, kei pawh karawn chhiar dik a, kha kha tihsual palhah min lo ngaih sak ula. Helaiyah kan thelhuh lai kha chuan kan ziaak dik a, a rawn chhuak leh lam hi kei pawh zing lamah ka hmu a mak ka ti deuh a. Kha kha tihsual, printing mistake a nih ka ring deuh a.

Tin, ka zawh duh chu a bik takin helaia zokhaw lam min nghawng deuh, ni za inhlawhna, MGNREGA bika a bang kha eng hunah nge min tihchhuah sak theih ang? Tin, kan Rural Development Department te pawhin “ni za inhlawhna” a tling chiah tawhlo nain hei hi Krismas hma te hian tun aia tam zawk hian hma min lakbelh sak thei ang em? Chumi atan chuan min thehchhuah sak thei ang em tih ka zawt e.

SPEAKER : Minister zahawm tak sawm ila chhang turin.

Pu LALSAWTA, MINISTER : Pu Speaker, zawhna neitu Er. Lalrinawma zawhbelhna leh a han sawfiahna JNHURM tih kha khatiang khan a lo kal si avangin hetiang abbreviation hi a tam em a, khawilai emawah hian fund hi an lo hria ang a, kan chhang sual palh ang tih hlauh avangin a nih ang ang khan kan han chhang a, JNNURM chu ni se chuan kan hre thei turah kan ngai a, chuvangin, ka lo inring tawh lo va.

Tin, ni za inhlawhna han tih mai ang MGNREGA ami kha hun tawi te, Krismas hmaa an lak theih dan tur kawng kha chu kan thiam ang angin kan han ti ang a, theihtawp kan lo chhuah ang e tih kha ka chhanna a ni e.

SPEAKER : 171-naah kan kal thei ta a, zawt turin Pu Lalruatkima, MLA zahawm tak i sawm ang.

Pu LALRUATKIMA : Pu Speaker, ka lawm e. Ka Starred Question No. 171-na, Animal Husbandry & Veterinary Department changtu Minister zahawm tak chhan atan;-

- a) Kum 2013-14 ah Vety Rest House Selasih-ah sak a ni em ?
- b) Sanction Amount engzat nge, engtikah nge sanction a nih ?
- c) Tender a ni em ? Tunge Contractor/Work Agency ?
- d) Physical achievement engnge tih ka zawt e.

SPEAKER : Awle, a changtu Minister zahawm tak Pu C.Ngunlianchunga sawm ila chhang turin.

Pu C. NGUNLIANCHUNGA, MINISTER : Pu Speaker, zawhna 171-na chhanna chu :-

- a) Sak a ni e.
- b) Sanction Amount chu ₹ 35,00,500/-, sanction ni chu ni 19.3.2013 a ni e.
- c) Tender a ni lo. Amaherawhchu, work agency atan hian Vanlalhruaia cornet stone associate hman a ni.

SPEAKER : Zawhbelhna Pu Ruatkima.

Pu LALRUATKIMA : Pu Speaker, 'tender a ni lo,' an ti a nuai 35 lai kha tender loh a ni a, duh duh kha an thlang ta mai nge ni ka ti a. Tender ni se a chhang hniam deuh te pawh an lo awm ang a, chu chu engvanga tender lo nge tih ka zawt a. Vanlalhruaia kha engtin nge an thlan theih dan tih ka zawt tel bawk e.

SPEAKER : A chhang turin Minister zahawm tak ilo sawm ang.

Pu C. NGUNLIANCHUNGA, MINISTER : Pu Speaker, zawhbelhna, tender awm tak a nia a ti a, he hna hi Department lamin Work Agency atan Vanlalhruaia kha kan sawi tak ang khan chhawr a ni a. Thil man sang chho zel te leh a sensote

ngaihtuahin helaiah hian Department-in in tha tak a duh avang khan Vanlalhruaia kha work agency atan a hmang ta mai a ni. Tin, hna tha kan duh a, a building te pawh tha takin tunah khian sak a ni a. Engvanga pek nge tih kha chu an duhsaka an pe a ni mai.

*Speech not Corrected

Pu LALRUATKIMA : Khawngaihin Pu Speaker, GFR kalh a, duhsak zawngte kan pe han tih ringawt kha eng nge ni a thiamna bik kha a lo awm thei a, duhsak zawngte kan inpek zel dawn chuan a fel lo thei a ni. Khalai a chhanna kha clarify rawh se. A dik lo tlat House record a awm atan.

PU C. NGUNLIANCHUNGA, MINISTER : Pu Speaker, sawi tak ang khan hna tha kan duh a, a thawk thei ngei tur, amah hi engineer a ni bawk a, chuang chuan kan duhsaka, hna tha kan duh bawk avangin a rintlak a, kan ring a, kan pe a ni.

*Speech not Corrected

SPEAKER : A rintlak a, an pe a ni. Zawhbelhna.

Pu JOSEPH LALHIMPUA : Khawngaih takin helam i rawn hawi ve ngai lo deuh a. I remtihain Pu Speaker, Vety Minister zahawmtakin clarification siam se tih duh ka nei a. Starred question no. 165-na, MLA zahawm tak Pu Lalruatkima zawhnaah khan Lungpher farm-ah khan Laboratory leh Library sak a nih thu leh tangkai zawkna leh mamawh zawkna avangin Boy's Hostel an luah thu kha a sawi a, khami a sawi zawh khan kan member zahawm tak Pu Lalruatkima khan Laboratory leh Library an sak loh thu an pawm tihna a ni maw a rawn ti a. Mipuiin ngaihndan dik lo an nei ang tih ka hlau deuh a. Ka lo hriat ve dan chuan kan Minister zahawm tak khan Laboratory leh Library building hi kan sa zo a, amaherawhchu mamawhna avangin Boy's Hostel-ah hman a ni a ti a, nakinah hian building bo a awm tih te hi pawnlama sawi a awm palh takin khalai kha a sawifiah theih chuan Pu Speaker, ka rawn zawt nawn leh a ni e.

SPEAKER : Nichin khan siam nghal awm a nia, mahse Minister-in han chhang fel se.

Pu C. NGUNLIANCHUNGA, MINISTER : Pu Speaker, ka chhannaah khan a chiang a, kan sa a, amaherawhchu mamawhna avang zawkin Boy's Hostel atan kha

building kha hman a ni tiin ka chhang. A duh dan kha a rawn sawi ve deuh mai niin ka ngai a, ka chhannaah khan a chiang tawkin ka hria.

*Speech not Corrected

SPEAKER : A nih leh zawhna 172-naah kan kal thei. A zawt turin MLA zahawm tak Er. Lalrinawma ilo sawm ang.

Er. LALRINAWMA : Pu Speaker, ka lawm e. Horticulture Department changtu Minister zahawm tak hnena ka starred question no. 172-na chu:- Horticulture Department-in thlai phun tur a sem thin hi a phun hun taka phun theih tura hma lak theih a ni em? tih ka zawt e.

SPEAKER : Awle, a changtu Minister zahawm tak Pu P.C. Lalthanliana sawm ila.

Pu P.C. LALTHANLIANA, MINISTER : Pu Speaker, member zahawm tak zawhna starred question 172-na chhanna chu hetiang hi a ni. Horticulture Department-in thlai phun tur a sem thin hi a phun hun taka phun theih tura hma lak theih a ni e.

*Speech not Corrected

SPEAKER : Zawhbelhna, zawhna neitu Pu Lalrinawma ilo sawm ang.

Er. LALRINAWMA : Pu Speaker, hei kan hriat angin thingtlang lamah chuan thing phun tur han thehchhuah chungchangah hian a hun lova kan dawn thin avanga buaina hi a tam em em mai a. C&AG Report-ah khan kha kan hmu nghe nghein ka hria a, District Council chhungah te pawh. A theih chuan eng ruahmanna te nge an neih tih kha min hrilh thei em tih ka zawt e.

SPEAKER : Awle, Minister zahawm tak sawm ila chhang turin.

Pu P.C. LALTHANLIANA, MINISTER : Pu Speaker, Member zahawm tak zawhna kha thil pawimawh tak leh kan mamawh a ni a. Thlai tiak kan sem angte hi a hun taka sem theih tura department duh dan a ni a. Amaherawhchu, duh ang vekin thil hi

a tih theih lova, harsatna engemaw te hi a awm thei a. Tin, kan thlai phun hun tih hi tlemin department lamte ngaihdan leh kan Zopa technology te hi tunlai hunah a inang chiah thei lo thin a, sawi zau hrim hrim ka duh a.

Tun hma chuan Zopa-in thil tiak kan pawt phawi a, Ipte puiah kan ak a, phun turin kan kal mai a. Khatiang anih kha chuan June thla phun ngei ngei, ruahtui tam laia phun hi thil tul tak a ni a. Tun laiah chuan Bud te kan ti a, Poly Pot te kan ti a. Chuvangchuan, July pelh, August, September thleng pawha phun hian a nung thei a ni tih a ni a. Chuvangchuan, Poly Pot-ah engkim ruahman hi tunlai technology a lo ni tawh a. Engpawhnisela, June vela kan thlai tiak ang chi hi chu phun hi a tha ber tih hi a ni tawp mai a. A chhan chu, thal a lo nih a khua a lo ro khan lo phun hma na na na kha chuan a tuar thei thin a ni an ti a. Chutiang chuan tunah hian theih ang tawkin hma kan la a. A bik takin hemia harsatna kan tawh chhan hi NLUP-ah thlai tiak tam tak vawikhatah sem a ngai a, chu chu kan problem a ni a. Department-in kan scheme-a kan neih mission hnuai a ni emaw RKVY hnuai a kan sem emaw, heng ang chi ho hi chu Pu Speaker, a hun takah a tlangpuiin kan sem a. Amaherawhchu, NLUP hnuai a Serthlum kan tih ang chi te, hengho hi a nuai a nuai tel mamawh a lo ni a. Kan ramah kan mamawh Planting Material duh ang a lo awm mai lova. Hmundang, State dang atang tea lak luh te a lo ngai a. Chutiang a lo nih a, a hlawm lova thil tih a lo ngaih khan tlemin duh angin kan ti thei lova. Tun kumah hian NLUP a bik takin, Planting Material te a hun taka phun theih turin hma kan la a. Kan lo luh hma lawk pawh khan kan Chief Minister zahawm tak hnenah pawh ka report a, kan harsatna te. Chutiang chuan tunah hian kan inbuatsaih a. Planting Material lo lakluh theih tur ang chi zawng zawng kan neih ang Nagpur kan lak luhna thin tunah hian order siam kan tum a.

Tin, Mizoramah hian Nursery 59 kan nei a, chung te pawh chu nakuma June-ah a hun taka Sorkarin thlai tiak a mamawhte supply duh an nih chuan, pe thei tur an nih chuan tun atanga an lo inruahman a ngai a. Chung chu a inruahman em, hman lo em tih te pawh chu NLUP lam, Official te nen rual tlanga joint verification te nei a, June-ah thlai tiak phun tur hi engzat chiah nge kan neih ang, eng anga hma lak tur nge tih te pawh hi theih ang ang chuan kan inruahman ve tan a. Inruahman hi a theih a, amaherawhchu, a hun taka pek hi a har thin a ni tih hi chu kan hriat tlan chu a tha khawp mai. Pu Speaker, ka lawm e.

*Speech not Corrected

SPEAKER : Awle, nichina zawhna 170-na typing mistake awm anga sawi kha a ni lo, zawhna zawttuin a ziah ang thlapin kha zawhna kha chhut a ni tih House ka hriattir e.

Zawhna 173-na zawt turin zawhna neitu Er. Lalrinawma, Member zahawm tak sawm ila.

Er. LALRINAWMA : Pu Speaker ka lawm e. Labour, Employment & Industrial Training Department changtu Minister zahawm tak hnena ka Starred Question 173-na chu - Labour, Employment & Industrial Training Department hian mahni hlawhfa chhawrte hlawh pe duh lo hremna dan a nei em? tih ka zawt e.

SPEAKER : Zawhnate chhang turin a changtu Minister zahawm tak Pu Lalrinmawia Ralte sawm ila.

Pu LALRINMAWIA RALTE, MINISTER : Pu Speaker, Tuikum Bialtu MLA zahawm tak Starred Question 173-na Labour, Employment & Industrial Training Department hian mahni hlawhfa chhawrte hlawh pe duh lo hremna dan a nei em? tih chhanna chu, “Nei e” tih a ni e.

SPEAKER : Zawhbelhna

Er LALRINAWMA : Pu Speaker, ka lawm e. Contractor tam takte hnuaiiah miin hna an thawk a,

Er. LALRINAWMA : hlawh pe thei lo, hlawh la lo tam tak an awm a. Heng harsatnate hi solve a ni tawh em? Chutiange chu mi engzat nge an lo solve tawh tih ka zawt e.

SPEAKER : Minister-in chhang sela.

Pu LALRINMAWIA RALTE, MINISTER : Pu Speaker, Member zahawm tak Er. Lalrinawma zawhna, chutianga hlawh pe duh lo hremna dan te a nei a nih chuan Department hian hrem emaw mi harsatna sut kian a nei tawh em tih kha zawhna awm tak a ni a. Payment of Wages Act, 1936 Section 20 sub section (1), Section 20 sub section (5), Section 20 sub section (6) te, tin,

Minimum Wages Act, 1948 Section 22 Clause (a) te hmang hian heng hi hrem theih a ni a. Mahse, kan han inzawt kual chiam a, hetia tlangkama sawi hi chu a tam a, mahse ziaka khatia a Department a harsatna sukiang tura va zualko, va pun chiah hi sawi tur kan la nei lo tlat mai a ni. Kan inzawh pawhin tlangkam hriat hi chu a mimal ang chuan an lo nei na meuh a, Department hotute pawhin. Mahse, dan lekkawha hma laksak tura ngenna kha a awm tlat loh avangin mahni bengvara thawh chhuah ngawt chi a ni si lova, harsatna hi a awm thin, a zawttu zawhna ang khan. Mahse, lo sutkiansak emaw va thinsak emaw sawi tur kan la nei lo.

SPEAKER : Awle, zawhna hun a tawp e.

Pu R. LALZIRLIANA, MINISTER : Pu Speaker, khawngaih takin lawk, zawhna tho, zawhna tho ti ilar, a hun a tawp a. Nimin ka question-ah khanin Mizoram sorkarin kum ruk kal ta chhunga IR battalion enkawlnana sum sen ral leh Central sorkar atanga hmuh tih kha ka chhang a. Tah chuanin, Central sorkar atanga sum hmuh kum ruk chhung khan vaibelchhe 31 leh 8,75,000 a ni a, Mizoram sorkar sum sen ral ve thung kum ruk chhung khan vaibelche 565 leh 37,800 ka tiin ka hria a. Khami kha helai House chhunga kan thusawi reng reng hi Assembly Secretariat lamin ni 15 chhunga correction nei turin lehkha minrawn pe a, kan chhannate anrawn ziaak chhuak vek a, kan lo correct a. Nizan chanchinthar Zonet News kha ka en a, chutah chuan Mizoram sorkarina heti zat a sen hi a tam lutuk em a, Home Department-ah kan zawt fiah a, chuvangin, nuai 565 zawk a ni e anrawn ti a. Kha kha tukinah AIG-I, hemi minrawn petu, hei hi Rupees in lakh a ti lova, Rupees in crore arawn ti a, hei hi irawn ti si a ka ti a. A dik alawm kha kha, kei pawh minrawn zawt a Zonet-in, a dik alawm a chhanna kha ka ti a. Mahse, nizanah khan an correct leh tho mai a, a ti a. Khatiang anga a dik lova anrawn puan luih kha an tih tur a ni dawn em ni heng news te hian tih kha ka zawt che a ni.

*Speech not Corrected

SPEAKER : A ni lovang. House-a englo kha chu House-a record ang khan news reporter te hian report thei sela a tha khawp ang.

Pu JOHN ROTLUANGLIANA, MINISTER : Pu Speaker, nimina Food Security Act a Mizoram pumpui mihring a tuam theih zat kha nuai 7 leh sangkhat tiin ka sawi a, heta ka speech-ah pawh hian minrawn pe a. Nuai 7 leh sangkhat tiin ka sawi kha News ah khan nuai 7 leh sangkhat tiin anrawn puang a. Kha pawh kha a dik lo a ni, Pu Speaker.

SPEAKER : A dik lo kha chu he House-a kan sawi kha a dik ber a ni tih kha mipuiin min hriatpui se. Tunah hian Special Mention turin Pu Lalrinawma sawm ila, sawi belh a thiang lova, i chhiarchhuak ringawt ang.

Er. LALRINAWMA : Pu Speaker, ka lawm e, hun tha tak min pek avangin i remtihna in ka'n chhiarchhuak ang e.

Rangvamual National Highway No. 54 na leimin chungchang. Tunlaia Mizoram Aizawl khawpui ei leh bar kan lakluhna leh zin veivakten harsatna nasa tak kan tawh mekna National Highway No. 54 Rangvamual bula leimin leh thenfai hna kal mek chungchang hi he House zahawm takah hian harsatna lian zawk a lo thlen hmaa kan him tlan theihnan he harsatna thleng mek hi mawhphurhna lain he hun hman hi rawn dil ka ni. Helai leimin hi September thla ni 1.9.2014 vel atangin a intan niin thla hnih chuang zet Zoram mipuite min tibuai tawh a. In leh lo engemaw zat thiah a ni a, ruahtui pawh a tla tawh lo chungin nitin deuhthaw lei a la tla heuh heuh a. National Highway No. 54-na pawh theihpatawpin chhun zan zawmin thenfai reng thin a ni. Tunhnaiah pawh thenfai hna thawh a tul avangin ni li chuang zet kawngpui khar a ni tawh a. A la tla mai thei leh a muala tawlh mai thei a nih avangin lirthei kal vel leh mipui tan a him lova, sorakarin uluk zawk leh chak zawka hma a lak a tul takzet a ni.

Kan hriat tlan angin helai ram min mek bulah hian Pu Ramthanmawia of Laipuitlang leh Pi Lalnguri of Saron Veng te inhmun tur an lai a. Pi Lalnguri hian a inhmun hi kum bul lam khan a lai tawh a, Pu Ramthanmawia hian May thla chawhnu lamah laiin August thlaah a lai zo a. Leimin tan hun hi September thla laihawl vel ruahsur vanglai taka intan a ni. Hetianga leimin nasa tak a awm avangin District lam thuneitu Aizawl DC, (District Disaster Management Chairman) kaihhruaina leh hmalakna avangin helai hmun hi zir chiangin a concerned official ten tum hnih tum thum an tlawh tawh a. Leilung lam thiam Geologist te pawhin an enin an zir chiang a. Helai ramah hian lei nghet lo lei khi tam tak a la awm a. Kawngpui kam mual tha lai mual thuthmun laih chet a nih avang leh a chhaklamah khur tam tak awm leh tui lut thei khur tam tak avang te, 132 KV line inthlung leh inpawt mar po mai te leh chhan dang vang tam tak pawh a ni thei ang e. Hengte avang hian chhiatna lian zawk a thlen loh nan kan ei leh bar lakluhna kawngpui khar fo ngai te hi sorkar hian uluk zawk leh nasa zawka a ngaihven a tul a ni.

Vawiina kan hmalak dan en hian duhthu a sam lo hle a. He leimin thenfai hna hi a tir atangin sorkarin kutthlakna a la nei lova, a bulhnaia inhmun laitu chhungkaw pahnih la bitum tir

ngar ngar an ni a. Dan ang thlapa inhmun an neih inhmun an laih dawn pawha Department te phalna thlapa lai an nih lai ni si, an duh vang reng pawh ni lo, an vanduaina kal meka cheng nuai tam tak minimalin helai hmun thenfai nan an sum leh pai an seng tawh a ni. Tin, he lei paihfai zel hi an tan phurrit a tling takmeuh meuh tawh a. Chuvangin, District thuneitute lamah pawh an tlin tawh ngang lo tih thu an thlen tawh niin a lang bawk a ni.

Kan sorkar hian a khua leh tuiten harsatna an tawh mek hi hriain thapui thawh ve a hun tawh lawm ni ? Department ang pawhin tan la ve a, fur ruahtui a tlak hma leh chhiatna lian zawk a tawh hma hian nu leh pa chan changin hma lak a hun tawhin ka hria a, he House zahawm takah hian ka han sawi chhuak a ni e. Pu Speaker, ka lawm e.

SPEAKER : Awle, tunah chuan laying of papers kan la ang a. Pu Lalsawta, Minister zahawm takin tahrík ni 18 November, 2014 a Unstarred Question No. 17, Ballot No. 22-na, Dr. K. Beichhua, Member zahawm tak zawhna a chhanna chungchanga statement kha correction a ngai a. Chu chu House-ah han lay se la. Minister zahawm tak i sawm ang.

Pu LALSAWTA, MINISTER : Pu Speaker, November ni 18-a he House zahawm taka Unstarred Question No. 17, Ballot No. 22-na, he House member zahawm tak Dr. K. Beichhua zawhna chhanna ‘Sorkar leiba chungchang’ a figure dik lo palh awm kha a tihdikna vawiih hian he House zahawm takah hian ka rawn dah e. Ka lawm e.

SPEAKER : Awle, a copy kha member-te hnenah sem ni se.

Tunah chuan Financial Committee a thlanna tur motion election kan neih a ngai a, chumi thlanna tur motion chu Parliamentary Affairs Minister zahawm tak Pu R.Romawia’n rawn move se, amah i lo sawm ang.

Pu R. ROMAWIA, MINISTER : Mr Speaker Sir, with your permission and the approval of this August House, I give notice of my intention to move the following motion in this House in regards to election to Financial Committee. That the members of this House do proceed to elect in the manner required by the sub-rule 1 of rule 2, 200 and 252 of the rules of Procedure and Conduct of Business in Mizoram Legislative Assembly to served as member of Committee on Estimates, Mizoram Legislative Assembly for the unexpired portion of the term. Thank you.

SPEAKER : Kan hriat angin Financial Committee 3 kan nei a, PAC, Estimate Committee leh Committee on Public Undertaking kan nei a, hengah hian member 7 aia tamlo an awm vek tur a ni a. Tunah hian Estimate Committee-ah member 5 chauh kan nei a, Committee kan siam tantirh lai khan, kan MLA zahawm tak NI. Lalawmpuii Chawngthu hi member ala ni lova. Chuvangchuan, tunah hian khami thlanna tur member kan tlem lutukna Estimate Committee a tihtamna tur Motion kha a ni a, wawiin dar 4 thleng hian nomination file theihna hun kan hawng a, wawiin dar 4 thlengin nomination in file dawn a ni.

Tunah chuan financial Business-ah khan kan lut leh tawh ang a, Discussion and Voting on Demands ah kan kal ang a. Kan hriat angin wawiin hian Minister 3 chan kan sawiho dawn a, a hmasa berin Pu Zodintluanga, Minister zahawm takin a demand No. 22, 25 leh 46 te hi House a move turin sawm ila, tunah i sawm nghal ang u.

Pu ZODINTLUANGA, MINISTER : Mr Speaker Sir, on the recommendation of the Governor of Mizoram and with your permission Sir, I move the demand No.22,25 and 46 for rupees 44103.78 lakhs only for meet in expenses during 2014-2015 in respect of the following Departments:-

Demand No. 22 Sports & Youth Services	-	₹ 2844.40 lakh
Demand No. 25 Public Health Engineering	-	₹ 17529.20 lakh
Demand No. 46 Urban Dev. & Poverty Alleviation	-	<u>₹ 23730.18 lakh</u>
Total	-	₹ 44103.78 lakh

Thank you Sir.

*Speech not Corrected

SPEAKER : Awle, arawn move ta a, Minister dang kan sawm mai ang a, Pu Lal Thanzara, Minister zahawm tak a demand No. 24,47 and 48 te move turin sawm ila, a zavaiin cheng nuai 42049.38 rawn move sela.

Pu LAL THANZARA, MINISTER : Mr Speaker Sir, on the recommendation of the Governor of Mizoram and with your permission Sir, I move the demand No.24,47 and 48 for

rupees 42049.38 lakhs only for meet in expenses during 2014-2015 in respect of the following Departments:-

Demand No. 24, Health & Family Welfare	-	₹ 32931.60 lakh
Demand No. 47, Minor Irrigation	-	₹ 7711.78 lakh
Demand No. 48, Information & Communication Tech.		<u>₹ 1406.00 lakh</u>
Total	-	₹ 42049.30 lakh

Thank you Sir.

SPEAKER : Tunah Minister dang Pu Lalrinmawia Ralte., Minister zahawm tak sawm ila, a demand No. 28,33,36 & 37 te move turin i sawm ang.

Pu LALRINMAWIA RALTE, MINISTER : Mr Speaker Sir, on the recommendation of the Governor of Mizoram and with your permission Sir, I move the demand No.28,33,36 and 37 for rupees 19625.48 lakhs only for meet in expenses during 2014-2015 in respect of the following Departments:-

Demand No. 28, Labour Employment & Industrial Training	-	₹ 1677.00 lakh
Demand No. 33, Soil & Water Conservation	-	₹ 5220.97 lakh
Demand No. 36, Environment & Forest	-	₹ 11080.95 lakh
Demand No. 37, Cooperation	-	<u>₹ 1646.56 lakh</u>
Total	-	₹ 19625.48 lakh

Thank you Sir.

SPEAKER : Awle, kan Minister zahawm tak pathum ten an demand chan hrang hrangte House a ngaihtuah ho leh pass turin anrawn move ta a. An pathum ta kha kan sawiho leh mai dawn a, Member zahawm takte chan kha minute 10 a ni tih kha hria ila, minute 10 chhunga sawi zawh i tum ang u. Tunah i sawi tan ang u, Pu K. Sangthuama

Pu K. SANGTHUAMA : Pu Speaker, ka lawm e. A hmasa lam hi hun a thawl duh mah mah zawkin ka hria a, kan sawi hmasa leh chawt mai teh ang. Pu Speaker a indawt dan khan sawi ila a vai chuan kan sawi hman dawn chuang lova minute 10 chhung lek kha a nia, Demand No. 22-na kan Minister zahawm tak Pu Zodintluanga chan Sport chungchang kha tawitein han sawi ka duh a. Sport-ah hma kan sawn a a lawmawm, Minister chak tak kan nei a chutih rual chuan a bial angin han sawi i la bial kan nei theuh bawk a, bial dang chu kan insawipui hman lutuk lo ang a, chuvangin ka bial lamah hian hma min zu lak sak ve se ka duh khawp mai a. Sairang te khu training centre a tam, a tha khawp mai a, a lum a phai lam te nen pawn a climate pawh a inang viau a, tin field laih tur kan nei nual a khung khu min rawn hriat sak se vawiinah hian ka ngen duh a. Amah a chak bawk a Vanlaiphaiah te pawh khan a dah tam viau mai a, nichin a sawi ang khan, minlo hriat sak ve deuh se tih kan ngen duh a.

Tin PHE Demand No. 25-na hengah te hian tui a tha vak lo a Sairang-Dinthar te, Sairang ah te, Sihhmui, PTC, Lungverh, Phunchawng, Rangvamual te, Sakawrtuichhun, Tuivamit , Central jail veng, Tanhril, Chawlhmun, Luangmual, Zonuam, Govt. complex, Zotlang, Chawnpui heng velah hian duh thu a sam lo deuh a. A tlangpuiin khawpui chhungah hian kan ziaawm viau a. Heng hovah hian hma min lak sak sela. Tui connection mumal taka kan neih theihna te, Sairang police station ah te khuan pahmih(2) chiah in tui connection an nei mai a, kha kha an inchawi tawm a, a harsa angreng. Sairangah chuan tui haw huau huau mahse a lak chhawn ngawt theih lova, a lo tui hnai lova, in tlak bawk si lo a. Hei hi min hriat sak sela, thapui min chhuah sak turin vawiinah, hian kan ngen duh bawk a ni. Kha kha PHE ah chuan duhtawk phawt mai i la.

Tin hei Demand No. 46-naah hian Urban Development and Poverty Alleviation tih hi urban rau rauah chuan keini bial hi kan urban lutuk lova, khu laiah khuan pawisa engemawzat kan neih thin ah hian hma min rawn lak sak turin vawiinah hian ka ngen leh duh a. Tin khawpui chhungah hi chuan kan thawk deuh mawlh mawlh a, helai Dawrpui pheia kan kawng siam te leh hmun dang dangah te hian mawi tak tak siam a awm a, a tha a, nasa takin hna thawh a ni a. Tin khawpui chhunga hmun tlafual deuh hi rawn ngaipawimawh ve sela tih kha vawiinah hian kan sawi duh a. Poverty alleviation tih ang deuh hian retheihna umbo tihna angah lo ngai ta ila, hengah hian hma tun aia chak zawkin la leh se langin a tha awm mang e aw tih ngaihnan ka'n siam a, ka ngen nghal bawk a nih chu . Kha kha tawk mai sela khami demand-ah, tihloh chuan kan sawi zo lo leh anga hun te in pek belh dil ruai a ngai thin a.

Kan Minister zahawm tak Pu Lal Thanzara demand no 42-na Health and Family Welfare tih hi health lam hi a pawimawh em em a, ka rilrua ka vei ngun ber zinga mi health and education a ni ve tlat mai a. Hei hi a pawimawhna hi kan hre theuh a, tun ai hian tan la lehzial se, kan Minister-in theihtawp a chhuah a tan pawh a la nasa tih kan hria a, a lawmawm a. Doctor leh nurse tam zawk lak theih dan rawn ngaihtuah zel ni ta selangin, heng doctor leh nurse hi duhtawk kan neih lo chu kan hria a, sum leh pai harsatna pawh hre chung chungin hengah hian rilru lian tak nei se a thain ka hria a.

Tin tunlaih nausen thihna Saiha lamah te pheih chuan nausen thihna tam tak a awm tih kan hria a, hengah te hian tan nasa takin a la tih kan hria a, tan la lehzial turin wawiinah hian ka sawm duh a. Tin tunlaih vaccine vanga nausen 6 lai thi kan awm hi heng hi enge ni a chhan zawn chhuah ngai riau in hriatna ka nei a. Nizan pawh thi chhung zinga mite an rawn kal a, an han jection a chhunah tichuan zan dar 12 dar 1 velah a boral ta mai a, chuvangin hei hi a chhan kan Minister hian theihtawp chhuah sela, kan damdawi vang kha nge a dahnaah te a lo tha tawk lo nge ni, tiang te pawh thil awm thei a ni a. Chuvangin chhungkaw tam takin helaiah hian buaina kan neih avangin hun kal leh zel tura kan fimkhurnan theihtawp tan han la se tih tunah hian ka chah duh bawk a.

Tin Saiha damdawi in saw sakna a rei tawh a tawng mawi lo ni suh sela kum 40 kal ta vela va sak ve a ni a, wawiin thlengin sak that la ni lovin ka hria a, saw saw ngaihtuah ran atan a tha khawp mai a, kan Minister zahawm tak hnenah hian Saiha damdawi in saw a rei tawh bawk a, wawiinah hian sak that an ruahman em ka hre lo a, sak that an phu khawpin ka hria a.

SPEAKER : Warning a ni mai.

Pu K. SANGTHUAMA : Tin kan TB hospital tunhmaa kan neih thin pawh hi kum 40 kal taa ka sak a ni a, tunah cancer hospital kan ramah cancer kan tam em em avangin an han let a, khi te pawh khi tihlena tihthat leh a phu khawpin ka hria. Tin Sairang damdawi in nimin khan sak tum a ni e an ti a, lawmawm khawp mai a, a tha tawhlo a tunhmaa sak a ni a. Tin quarter erawh chu 2 sak a ni a, a dang khu a chhe khawp mai a, khu pawh khu thuan that theih ni se kan lawm khawp ang.

Tin Civil hospital hmanni khan an sawi a ICU te pawh tun aiin changtlung zawkin tih ni se an ti a, a thain ka hria a. Tin private ward hi hmanni pawh khan kan sak belh dawn an ti a.

Heng hi sak belha, a luah man te pawh sorkarah tam tak a lo kal thei a, heng hi sak belh a nih chuan a lawmawm khawp ang a. Kan Minister-ten han bei sela a that ka ring a, tin district tina damdawi in kan neih te pawh tihchantlun dan te ngaihtuah zel ni bawk sela. Tin Specialist te pawh hi thingtlang lamah te district lamah te pawh hian tun aia tam zawka sem zai theih ni sela. Hmannia an sawi ang khan thingtlang lama hriselna a lo that chuan khawpui lam chu tlemin kan ziaawm deuh turah pawh kan ngai a, thingtlang lama kan damdawi in neih chhunte leh health sub-centre kan neih ang te hi tun ai hian ngaihsak lehzual ta ilangin, tichuan thingtlang lam atangin hriselna a bul lam atangin tan ta ila, hriselna lamah chuan hma kan sawn phawt chuan ramin hma a sawn tihna a ni a.

Education leh hriselna hi kan ngaihpawimawh a heta kan hmalakna hi tun ai a chak zawka kan lak theih chuan kan ram hian thanna tam tak a nei ang tih hi hriatsa a ni a. Chuvangin, damdawi in leh hriselna chungchangah hian tun aia nasa lehzuala tan la tur hian sorkar hi ka'n ngen duh bawk a ni. Kha kha khati lai ah chuan tawk mai sela, a dang minor irrigation, information communication te kha chu ka sawi lo mai anga.

Tin Demand no. 28-na Pu Lalrinmawia Minister zahawm tak chanpualah pawh hian Environment and Forest chungchang chauh hi sawi ta ila. Tunah hian wood base industry kan tih te, hmanna ka sawi tawh bawk tuna tihtawp a nih tak te. Tin teak hralh pawh hi tunah tihtawp a ni ta a hriatna ka nei a, hei hi a dik chiah em ka hrelo a, kan Minister-in a hre chiang anga. Hengte hi titawp lova miin eizawna tamtak an neihna a nih avangin ngaihtuahnarawn hmang leh se, a rang lama tih theih ni se a tha khawpin ka hria a. Khawthlang lamah te ama bialah te teak a tam a, chuvangin khung khu tunah hian a hralhna tihtawp a ni ta anrawn ti a. Hengte hi a hralh chhuah theih dan leh miin an lei chhawn theih dan thapui thawhin tanrawn la leh se tih hi ka'n ngen duh bawk .

Tin sum hman danah hian forest lamah hian a fel zan lovin kan hria a, Tamdilah te pawh khian kan pawisa hman dan a dik tawk lo viauin a lang a. Chuvangin he department-ah hian fimkhur lehzual ila a tha a hriatna ka nei a. Minute khat chiah Pu Speaker, khawngaihtakin.

Forest chungchangah National Bamboo Mission tih hi kum 2010 vel atang khan tun thleng hian crore 70 vel sanction hmuh tawh niin kan hria, ka'n zawh chianna atangin. Chuvangin kan enkawl danah te leh forest kan enkawl dan hrim hrimah hian kan Officer-te hi fimkhur deuh se a thain ka hria a. Sum enkawl dana kan fimkhur loh chuan House-ah pawisa tam tak tak pass

mahila a hmanna lam kha a that tawh loh chuan ramin hma a sawn thei lova, mahni zawn theuhah khan kan Officer-te leh kan sorkar hnathawk hrim hrim pawh kan chah duh chu, ministry tanpui zawng hian hma la ila, pawisa tam tak kan hmaa lo kal hi kan hmandik phawt chuan vawiina kan budget hi a tlem lo, a tam khawp ka ti tlata kei chuan. A hmanna lam hi a dik phawt chuan hna nasa tak kan thawk thei ang tih ka ring a. Minister hmalaknate hi Officer-te leh Sorkar hnathawk hian vawiin ai hian sorkar hi tanpui ila, sorkar kan ta a ni tih hria ila, kan pawisa hmanah fimkhur turin sorkar hnathawk zawng zawngte ka chah duhin ka ngen duh a ni Pu Speaker, ka lawm e.

SPEAKER : Pu P.C. Zoram Sangliana

Pu P.C. ZORAM SANGLIANA : Pu Speaker, vawiinah Minister pawimawh leh zahawm tak takte demand kan han sawi dawn a ni a, a point te tea sawi leh tlema han ham thui deuh hlek duhte ka nei ve a. Demand No. 22-na Sports Department kaltlang hian kan bialah malsawmna tam tak kan dawng a Sport Complex min han tihpuitlin sak te, Taekwondo ho tana training centre Rengtekawna an buatsaih tur te leh Hmar Veng Multipurpose Centre sorkar hmasain a lo hlawhchhampui thak tawh, MNF Sorkar Block President-in a sak, tlu mai tur min han tundin sak leh tangkai taka an hmang te khu lawmawm kan ti em em mai a. Hma min laksak zel tur phul lem min phah sak tur te leh thildang tam tak sawi tur a awm a, he Department enkawltu Minister leh Department chungah hian lawmthu ka sawi a ni tihah khan ka'n duhtawh mai ang a.

Demand No. 25-na Public Health Engineering Department-ah hian kan bialah hma min laksak nasa em em mai a. Bairabi WSS hnate chu 95% zawh a ni tawh a, tin, electric te pawh tlem han tihfel chauh hmabak a ni tawh a. Electric Department a thawktute leh Minister-te an tangrual tha bawh nen hengte hi hawn theih mai tura hma an han la hi lawmawm kan ti a. Kolasib tuilakna thawm thatna atana nuai 200 zet mai an hmang tangkaia tui lakna pump han thlak te khu a manhla em em mai a, pump pawh a thar kan nei nual a, hemi kaltlang hian Kolasib atanga Bilkhawthlir-te an lo sem ve thin pawh kha tunah chuan Christmas hma hian Bilkhawthlir pawh tui a hrana pek an ni dawn a, chumi a nih chuan Kolasib bik pawh tui kan hnianghnar lehzuaw dawn a ni tih kha ka'n sawitel duh a. Tin, Kolasib, District Capital ve meuhah hian Department hmalakna avangin tui chawia eizawng mi pahnih/khat bak hi an awm tlatlo mai a, chu chuan khawpuiah tui hnianghnarin min pe a ni tih a tilang Chiang em em a, chu chu ka sawi duh a ni.

Demand No. 46-na, UD & PA ah hian mi retheite In 300 min sak sak a, chanchinbuah te pawh kan lo hmu maithei a. Chhungkaw 12 la luahlo an awm a, khamite kha kumin chhung ngei hian luah lut vek turin khawtlang hotute leh Department hotuten hma an la a ni tih House-a han sawi hi thil chhuanawm tak anih avangin ka sawi duh a. Tin, Community Hall-te pawh Vengthar-ah leh Hmar Veng-ah min sak sak tawh bawk a. Tin, Venglai Field Stadium puitling ni turin nuai 2688 chuang daih mai sanctioned hmu tawhin hna tan mai theih tura min han peih sakte hi kan lawm a. Kan Chief Minister-in min lo sawipui tawh kan Auditorium-te pawh Minister leh Department ten chak takin hma min lakpui zel a ni tih han hriatte hi bial angin lawmthu ka sawi duh a.

Tin, Tlawng lui khuan Bairabi khu a nekchep zel a, hmanni lawk pheii chuan Chhim Venga kan YMA President In pheii chu tuiin a tichhia a, chung ang tui danna tur atan chuan vawiinah chak takin Department-in hma min laksak a, kan nghakhlel em em a, a khawpui Bairabi cheina tur nen lam hetianga min han hria hi kan lawm em em a ni tih ka'n sawi duh a.

Demand No. 28-na Labour, Employment & Industrial Training-ah hian tawite ka sawi duh chu, contractor tena 1% an dahkhawm hi lo dawn ve dan te a awm em, term hmasa lamah te khawilalah emaw a hlawm hlawk hlawka kal thin ang lo khan lo dawn ve kan va beisei ve tih ka sawi duh a. Tin, L & E bultum hian Mizoram Youth Commission-ten thalai rual tam tak eizawna ngel nghet an neih theihna tur atan an buatsaih a. Kan hria a tukin chanchinbu kan chhiar khan political party pakhat President khan heng beidawnga lo hawte hi sorkar hian zangnadawmna a pe tur a ni, hengte hi tunhma atangin House-a ka lo sawi tawh thin a nia ti a han chhiara ama bultum vek niawm taka a sawi vel kha chanchinbu-ah kan lo chhiar a. Heng beidawnga lo hawte hi Mizoram Youth Commission kaltlanga tirh an ni reng em tih te, Bangalore leh Goa-a Mizoram Sorkarin a tirhte hi beidawnga lo ho an awm em ? Chubakah NERLP hnuaiia Orient Limited Institution, Kolkata-a tirh te beidawnga lo haw sawi awm hi MYC te tirh a ni reng em ? Hengte hi hrilhfiyah pahin kan Minister zahawm takin a wind-up pahin Mizoram sorkar hian MYC kaltlangin thalai engzat nge a tirhchhuah tawh a, chumi kaltlang chuan hna mi engzatin nge hmu tawh, a rem pheii chuan an hna hmuhte nen lam min hrilh sela ka duh a, chu chu ka'n sawi duh a.

Demand No. 33-na Soil & Water Conservationah hian, anmahni kaltlanga loneitu rethei leh harsa tak takten Hmunphiah hmanga eizawna an hmu te hi keini district-ah pheih chuan Hmunphiah eizawng kha hman kuma lawmman sem tumkhan pakhatna an ni nghe nghe a. Chutiang khawpa malsawma Department kaltlanga an han hmute leh wawiina an hmachhawp chihrang hrangte lawmawm han tih rual hian kan Kolasib khawpuiah an Department ram khawtlang leh mipuiten kan han ngaihtuaha ram ruak an hman loh ni a kan hriat mihringte chenna atana Inmun kan dil Revenue thlang pawha kan lo sawi tawh kha min phalsak hram sela, chenna neilote tan hmun min peksak dawn tihna a ni a tih hi ka'n dil tel duh baw a.

Demand No.36-na Environment & Forests Department-ah hian Mizoram Forests Establishment & Regulation of Saw Mill and Woodbase Industries Amendment Rules hman a la nih loh avang hian a tuar ber district kan niin kan hria a, churang chuan hman hlan kan nghakhlel hle mai a, hman a nih vat theih nan ka'n ngen duh a.

Demand No.37-na Cooperation. Khawvel ram hrang hrang leh India ram State changkang ber berte hi cooperation movement avanga changkang, ei leh bar leh a bikin small scale industry-ah pheih chuan hmasawna leh changkanna thlentun an ni a. Hemi hi Mizoram-ah hian duh ang hian kan la ngai pawimawh tawklo ni hian ka hre thin a. Tunah Minister chak takin hman an la a, miten kan hre tan chho ta hle mai hi lawmawm ka ti a. He Society hi hmang tangkai ta ila, corporation a ni emaw kan GPD te thlang hian a thlang sang sawt ang tih hi a chiang em em mai a. Khawvel hmun changkang ti a kan sawi thin khaw chhak ramte leh khaw thlang ramte pawh an changkanna chhan chu cooperation department hi an hman tangkai vang a ni a. India rama state changkang ber ber wawiina kan Prime Minister, Narendra Modi state Gujarat leh Andhra Pradesh te pawh hi an changkanna chhan chu he cooperation department hi an hman tangkai vang leh chuta mite thiamna an skill ang ang kha an hman tangkai vang a ni a. Churang chuan kan Public Undertaking te leh heng ang society-te hi hman tangkai ni se a lawmawm hle ang tih ka sawi duh a.

Demand No. 24-na Health Department bik ka sawi hman hian Minor Irrigation Demand No. 47-ah hian ka bial hi kan district hi ti te pawhin sawi ila, potential area kan ni a, hetah hian hna nasa takin min thawhsak thin a. Tunah pawh an hmachhawp han enin kan nghakhlel em em mai a, heng angte hi a taka min rawn thawh zawm turin ka han ngen duh a.

Demand No. 24-na Health & Family Welfare Department hi Pu Speaker, a mimal leh chhungkua ang pawhin House member zingah hian he Department mamawh ber leh hlawkpui ber, tangkaipui ber hi ka niin ka hria a. Chuvangin hetah hian ka rilru leh ngaihtuahna ka seng hnem deuh bik a. Hmun hrang hrang, damdawiin hrang hrang, private leh sorkar Hospital a kan awmna atangte leh chungah chuan anmahni enkawltu hrang hrangte ka ti ti pui ve thinnaah hian eng eng emaw department ho leh Minister hoa chak taka hma an lakna kawngah hian kumthar lo kal leh zel tur atan te hian tichaktu tur atan a remchan takin ti a, ziaka han pek mai pawh a awm chang pawhin han sawichhuah hi thain ka hria a, ka'n sawi duh a. A bik takin Mission bikah hian a state sorkar zawk hi harsatna siamtu kan ni em aw tiin ngaihtuahna ka nei a. A chhan chu, an sum leh pai hmuh te hren sak loh theih loh dinhmunah kan din thin vang te pawh a ni ang a. A hunah hna an thawh theih loh avang hian financial achievement hi a hniam dawn niin a lang tlat a ni. Chumi avang chuan an dawn leh tur te thleng hian an plan aiin a tlem dawn niin a lang a. Crore 125 plan an neihah hian approved tawh siah khan crore 20 pawh thlaruk ral hnu pawhin an la hmang theilo niin ka hria a, hengte hi kan Health Minister pawhin a ngaihtuahsak a tulin ka hria a, ka'n sawi tel duh a.

Tin, Directorate of Health Services-ah hian Director tak hi mumalin appointment an la hmu lovin ka hria a, tuna charge la mektu hian Public Health Service Rule angin Public Health Degree emaw Diploma emaw, any other approved management course tih ang chi kha a neilo niin ka lo hria a. Chu chu tun thleng hian pending ni awm tak, pending a nih chiah loh pawhin charge la mai mai ang deuh a ni a. A hnuai lama awm te hi tling sa awm mahsela, he department lo kalpui thin danah khan seniority a kalpui thin a nih avang hian chutiang chuan kalpui loh theih loh a ni a. Management leh Planning thiam bik Doctor, Public Health zir bik angte hi heng atan hian awm thei ni ta sela a van tha dawn em tih ten ngaihtuahna ka lo nei a. Department tan mai pawh ni lovin mipui leh sorkar tan pawh a tha zawk ang tih ka ring a.

Public Health Tegure siam bik hi Pu Vaivenga, Health Minister a nih lai khan Consultative Member-ah ka awm ve thin a, a hnenah khan ka lo sawi ve fo tawh thin a. Public Health Doctor zir hi 10 vel chauh kan neiin ka hria a, chumi avang chuan Medical Doctor han ti mai ila, chungte nen chuan a intam hleih em mai a, hriat loh hi an hlawh phah deuh niin ka hria a. Mahse hei hi hmun dang danga Hospital changtlungah chuan heng mithiamte hi hman an nih thin avangin an tangkai phah thin ni hian a lang a.

Mahse decision mumal awm loh vang nge, a hmaa kan kal dan phung pangngai hi a tha a lawm ti a kohhran rorel dan anga kalpui mai ang hian a kal em ni aw, tih tur a ni a. Chutah tak chuan helai bawr hi kan sorkar tanlak tharna atan kan duhthawh deuh hlek a ka sawi ve a.

MSACS bikah hi chuan PD tur hian IFS an nih loh vek pawhin Public Health-a experience neite dah tur an ni a. Amaherawhchu, tawng mawilo ni suh sela, kan Doctor tam ber leh Senior ber berte hi Clinician Doctor te an ni a, chungte chuan administration lamah leh leadership lamah hian experience an nei chau tlat mai a, a hmaa mite tih dan ang khan an ti leh mai thin lo thei lova, chunglai tak te pawh chu he department hian harsatna a tawhna niin ka hria a. Pu Speaker, chung avang chuan kan hotute hian hriselna kan ngaipawimawh a kan titha em em a, Medical College hial din turin kan inbuatsaih a. Tunhnai lawka he department kaltlanga National Award an han dawna chhan kha he department a grass root level a hnathawktuten an thawhrah a ni tih hi kan pawm dan leh kan hriat dan te a lo ni a. Chutiang a lo nih chuan Medical College pawh changtlung kan mamawh em em niin ka hria a. Doctor thate leh helai Mizo Doctor kan neih te pawh hetiangka kan inbuatsaih mek, a bial mite leh a infrastructure lam thlengin a inbuatsaih that em em laiin, mithiamte training-na turte hi tunah hian a tirha tirh chhuah hial te hi a tulin ka ring tlat a. Chungtiang ang deuh chu kan Medical College hlawhtlinna tur atan pawh kan hotute ngaihtuahnaah a tel ngeiin ka ring a, kha kha ka thahnemngaihnaah ka'n sawi duh a ni.

Wawinah hian a tlangpuiin kan Doctor-te hi mihringte enkawltu, Clinical Doctor ti ila, tawng mawilo a ni awm love, an ni a. He department-in an mamawh ber nia ka lo hriat ve mai mai chu Administrator tha leh Experience nei hi an mamawh niin ka hria a. Chumi lamah chuan Administration leh Management lam thiamte hi an chak thiam a pawimawhin ka ring a.

Nichina ka sawi ang khan Pu Speaker, he department chungchang kan sawi avang hian Doctor-te leh thawktute rilru ka tina hle ang tih ka hlau hle a, keimah leh kan chhungkua tluka he department mamawh leh anmahni kaltlanga malsawmna dawng hi an awm lo a ni. Tunah ngei pawh hian he hun Session-a kan awm thei te pawh hi anmahni a chhun a zan, englai pawha kan mamawh huna min tanpuina thin rah a ni tih hi ka hrechiang a, churang chuan khang ka thahnemngaihnaah ka'n sawi avang khan kan Doctor-

te leh thawktu Department-te an rilru ka lo tina a nih chuan an ngaihdamna ka han dil a. Amaherawhchu, min hriatsak tura ka duh chu, ka thahnemngaihna a ni tih hi ka sawi a, Pu Speaker, hun tam tak min pek belh avangin ka lawm e.

*Speech not Corrected

SPEAKER : Awle, Pu T.T. Zothansanga,

Pu T.T. ZOTHANSANGA : Pu Speaker ka lawm e. Demand 24-na Health atang khan kan tan ang a. Hei hmanni October ni 30 khan Champhai Civil Hospital kan Chief Minister zahawmtak hovin hawn a ni tawh a. Tunah khian Nursing School hawn leh theih tep tawhin ruahmanna a kal mek a, a hmasain kan sorkar chungah lawmthu ka sawiduh a. Tin, chutihruah chuan mamawh han sawina hunte pawh a ni ve bawk a, hei a tharin an ding ve tawng tawng a ni mai a, thawmthat hlir ngaiin a in chu a ding ve luah na a, mamawh tam tak kan nei a, chung zinga tlemte han sawichhuah ka duh zingah chuan tunah khian Solar hmangin kan khawsa a ni a, a current connection neih mek khi a zo lova, tunah khian Transformer lian tak hi kan mamawh a ni. Hmanniah ka han zawt vel a, a Connected Load chu 195.9 kilo watt daih kha a lo ni a. Kan Transformer neih pangngaiin a zo si lova, tichuan a thar kan Hospital-a fit tur khian kan mamawh angte SDO, P&E hnenah Estimates te kan han siamtir a, nuai 26 ang vel chuan tha takin a zo thei dawn niin kan hria a. Kha kha ka ngaipawimawh khawp mai a. Khua an dur a Solar lam a thatloh hi chuan kan thim deuh rup mai a ni, min hriatpui ka duh a.

Tin, vanneihthlak takin Operation Theatre tha tak mai kan nei tawh a, hmun hnih hmun thum laiah kan nei tawh a. Tunah khian a fai a, a thianghlim a duhthusam pawh a ni. Amaherawhchu, hmun hnih a inzai turin a mihring lam, a Staff kan indaih lova tunah khian, a Staff lamah khian Genecology leh Surgery te pawh hi kan ti thei ve ve tawh nain, a hranah kan ti thei tlat lo mai a, hmanrua kan neih tawk loh avangin. Chu a hmanrua chu Directorate lamah te emaw kan la rawn dil thin a nga, a minister changtu pawhin min lo hriat sak hram hram theih kha ka duh a ni.

Tin, Hospital-ah hian bawhlhlawh hi a lo hnawh hma khawp mai a, bawhlhlawh hal ralna incenerator kan tih hi kan Hospital hluih khian kan nei a, han sawn leh mai chi a ni si lova, tuna a tharah khianin a thar dah vat khi a ngai khawp mai a. Khi khi kan Minister zahawm takin min lo chhinchhiah sak theih chuan ka lawm khawp ang.

Tin, hmannah kan Pharmacist neih lai Chawia chu Falkawnah min sawn sak daih mai a, a thar min pe leh si lova, Pharmacist nei lovin Champhai District chu kan awm ta ringawt mai a, min lo hriat sak bawk se ka'n duh a. Staff kan indaihlohna hi a nasa khawp mai a, a tlem berah Nurse 5 tal hi chu min rawn pe thei sela chu kan lawm khawp ang. Tunah khianin a flat 3 ah khian kan duty hlei thei lova, 2 chiah tunah kan luah rih a ni. Kha kha min hriatpui ka'n duh a ni.

Tin, a Mizoram level-ah hei Medical College kan han nei thei tur hi ka lawm khawp mai a. Referral Hospital sawlai Falkawna mi kan han tih mai tur te hi ka nghakhlel a. Hei zawhna leh chhannaah a lan danah hianin Credit facility hmanga hmundanga refer te hi mi 1475 lai te kan lo awm lehngal a kum khat chungin, khang angte kha a bo hun hi ka nghakhlel hle a ni tih kha ka'n sawi duh a ni.

Tin, Pu Speaker, Demand 47-na Minor Irrigation ah khanin hei tui a vang tual tual a, phai Lo nei kan tam si khilamah, tichuan kan tui mamawhna a sang a, phai lo neite chuanin tui kan lo mamawh ngawih ngawih a, potential area kan lo ni bawk si a. Chuvangin Minor Irrigation hi tihchak hi kan nghakhlel em em a ni tih kha ka'n sawi duh a. Tin, a theih phei chuan Mizorama phai zawl zau ber leh Hnahlan lamah te pawh khitianga phai ngah em em kan lo nih bawk si avang khianin a Division ang hian min rawn pe thei se kan duh leh zual a. Hei Power-ah te PHE ah te, a division-in kan awm tawh a, chu chu neih theih hun hi dingdihlipin kan thlir a ni tih kha ka sawi duh a ni.

Tin, Demand 28-na Labour & Employment-ah khan Pu Speaker, ka'n sawi duh a chu tuna kan Officer neih lai khi tlem lai deuh khan Aizawl lamah min lak sak dawn a, ani khi a awm loh chuan midang min rawn pek ngei ngei kan mamawh dawn a ni. Tlem lai deuha an lak thlak lai khanin rawn dah tumna kha a awm lo niin kan hria a. Ani khi a awm lo a nih chuan L.D.C. hovin District Employment khi a awm dawn a ni a. A ngai khi a awm reng theih lohva, min lak thlak sak a nih rau rau chuan Officer dang min pe leh ngei turin kan beisei a ni.

Tin, chubakah hei worker cess kan han tih Contractor atanga chhiah kan han lak ang chi, nichina kan hmaa mi ten an han sawi ang khan, Champhaiah khian khawn ve theih mai ni se ka duh khawp mai. District Officer an awm ve a, hemi contractor-te atanga an han cut tur, contractor tereuhte, thawk tam lo te teina sorkara an chhunluh tur ang, nei leh nei lova Aizawl an zu pan tang tang hi a buaithlak ka ti a, chuvangin District Employment Officer a awm ve tho

avangin khilayah an tax chhunuhna remchang tak tur khi min siam sak kan duh bawk a, Contractor-ina Aizawl an pan kher hi a buaithlak duh a ni tih kha ka'n sawi duh a.

Tin, chubakah khami an cess an cut pawisa hman dan chungchangah khan ka hmaa min a rawn sawi ang khan, mipui hian hman theih a ni tih kha ka bialah khi chuan kan la hre mang hauh lo mai a. Hei hi rualkhai deuh takin Mizoram pumpuiah hianin awareness campaign ang deuh hian ti thei ta ila chuan kan tha viau awm mang e ka ti a.

Tin, Pu Speaker, ka lawmna deuh mai chu ka bialah khian tunah ITI changtlung deuh maiin Zote bulah din turin hma kan la mek a, khi khi a contractor te leh engtik hun chhunga thawh zawh tur nge tih te kha nakinah min rawn reflect tel theih chuan ka lawm khawp ang tih kha ka'n sawi tel duh a ni.

Tin, Demand 36-na Environment & Forest-ah khan Pu Speaker, kan sawi duh chu, hman deuh atang khan kan indaih lo thei khawp mai a, ACF tunah khian kan nei lova. Tin, ACF mai bakah a clerical leh a staff hrim hrim mai pawh khi kan indaih lo khawp mai a. Khilaite khi engtingge niang ? tunlai phei chuan a dik tak khian sawi ila, Forest a rem chak avangin tuihna a tlem tawh a. Forest hi kan tan a ngai takmeuh a ni tih kha ka sawi duh a. Kan Wild life tih te pawh hi YMA hian veng tawh se tih kha ka duh mah mah a ni. Mimalin kan ven hian a buaithlak a, kan veng hneh lo niin ka hria a. Tichuan kha pawh kha min lo hriat sak sela, Forester leh Forest Guards tun Finance Commission hnuayah hian kan rawih chhunzawm zel thei dawn em tih kha min han hrilh se ka duh khawp mai. Min zawt nasa a, "keini chu nakum March thlaah kan tawp mai dawn a," an ti an ti a. Mahse, Forteenth Finance Commission-ah khan rawih chhunzawm dan tur provision kha kan thehlutin ka hria a. Khalai kha min han sawi chian sak sela ka'n duh a.

Tin, Pu Speaker, chutih ruala ka'n sawi duh chu hei Vanglaini ni 16, 17 ah khan hei thu rawn ziak ka hmu a, Red Sandels tum 2687 an man tawh a, Red Sandels tum 2867 zingah 1839 a bo a rawn ti a, 68% vel lai mai kha a bo a ni a. Khang a bo dan te pawh kha FIR te pawh kha an thehlut niin ka hria a. Khalai a bo dan leh FIR a an kal zel dan te kha han sawifiah kha a tha awm mange aw ka ti a. Hemi a rawn sawi bakah hian kan Log 10 pawh a bo leh e a rawn ti a, kha kha a Department level a bo nge a nih tih kha hriat a tha khawpin ka hria a. Keimahnina kan kawl tawh sa hi chu bo lo hram se a thain ka hria a. Tin, tunah hianin log 848 kan la kawl a ni tiin PCCF Office-ah leh DFO complex, Kolasib-ah la awm anga sawi a ni

a. Hengte hi a bo zel palh angem engtin nge an ven dan te kha han tihrik zel tur kha, tin engtia ven zel tur nge tih kha ka rilruah a awm a. Tin, tunhma kum 10 sorkar neituah kha chuanin engtin tin emaw an ti a, a fel zel niin ka hria a. Tunah hian engtin nge kalpui zel an tum tih kha kan Minister-in minrawn sawi sak se a lawmawm khawp ang tih kha ka'n sawi duh a ni.

Tin, demand 25-na PHE ah khanin kum 2000 vel level tur angin Champhai-ah khian Greater Watter Supply Scheme kan nei ve a, tunah khianin kan tui khi kan kham khawp lo ta khawp mai a. Chuvangin tunah hian mipui pung zel terawn mil tur khanin ruahmanna kan siama a. Amaherawhchu, kan vannei rih lo nge ni kuminah hian a tlang dawn lo niin kan hria a, nuai 270 ang kha. Kha kha alo tlang lo palh a nih hlauh pawhin kum tharah hi chuan tihlang zingah min han telh ve theih hram angem tih kha ka'n sawi duh a ni. A chhan chu kum 2016 ah hianin KTP Conference Mizoram pumpui kan thleng dawn a, tah hian tui kan mamawh dawn khawp mai a. 2001 khan kan thleng tawha, tah pawh chuan tui kan tlachham tawh bawk a. Khami tuma tui kan neih lo em avang khan inbual lova haw leh pawh kha an awm nual a ni. "Champhai chu in ro khawp mai" te pawh min ti a. Chuvang chuan kan ro leh tawh lohna turin kan Minister chak tak hianin kum tharah hi chuanin kan ruahmanna hi min lo pawm sak se kan duh a ni. Khawchhak mi kan nih avanga han ro ngawt mai chu kan hreh ve deuh a nih chu. Ka zo tep ka Pu. Chubakah Pu Speaker hei Champhai leh a chheh vel a tui reng reng khi kum 2000 vela lo ruahman deuhvek tawh a ni a, a nawlpuiin a kan kham lo deuh vek a, a khaw hran hranah kan mamawh khi kan tihbelh a ngai deuh vek a. Chubakah a awmsa khi renovate emaw, siamthat ngai deuh vek khi a ni a. Chu chu kan PHE Ministe khanin ngaihtuahna thar min lo neih sak se kan duh a ni.

Tin, Pu Speaker, a tawp tep tawh a rei tawh lovang. Demand 22-na Sport chungchangah hian sawi tur a tam khawp mai a, amaherawhchu, Bell a rik tawh avangin ka sawi tam tawh lo mai ang a. Kan officer neih chhun Pu Remsanga, thal kah thiam kha tunah hian min sawn sak daih mai a, a dang min pe leh rih si lo va. Officer nei lovin tunah Champhai-ah Sports-ah kan awm a, kha kha minrawn pe hma leh se kan duh a.

Tin, Demand No. 46-na UD&PA-ah khan Auditorium khan eng chen nge a thlen tawh ? Auditorium nei turin hei kan inring reng a, kum zabi sang ral hnuah kan la nei lo a ni. Chu chu min hriatsak turin ka'n duh a. Tin, Officer puitling khi Champhai UD&PA-ah min pe ve thei tawh ang em ? Aizawl atanga hmui leh khilai MCS ten an lo kawp mai ang ni lova kal theih deuh dan mumal kan nei thei angem tih kha min han hrilh se ka'n duh a. A tawp berah chuan an Department a Engineer kan han tih JE leh BE an tih ang chi reng reng pawh hi a nghet lo deuh vek

mai hian ka la hria a. Hetiang ang hi dah khat thei turin hmalak dan a awm em tih kha ka'n sawi duh a. A tlangpui thuin kan Demand rawn sawi ho hi a tha ka ti a, ka support e, ka lawm e.

SPEAKER : Awle, sawi tur kan awm tawh lo em ni ? Er. Lalrinawma.

Er. LALRINAWMA : Pu Speaker, ka lawm e. Vawiinah Demand hrang hrangte kan sawi leh dawn a ni a. A hmasa berin Demand No. 22-na Sports & Youth Services kha han sawi ila. Hei Demand for Grant-ah hian Grant-in-aid Creation of Capital Assets tihah hian nuai 1100 vel a awm a. Grant-in-aid non-salary-ah hian nuai 637.60 a awm bawk a. Amaherawhchu, Work Programme hi an rawn nei miah lo mai a, hei Defaulter an rawn ti kuau mai a helai hi. Member zahawm tak te hmaah hian an Work Programme te han hmu thei ila chuan an hmalakna hrang hrang awm ang tur te pawh han hriat a chakawm hlein ka hria a. Amaherawhchu eng emaw remchan lohna te a awm ni turah ngai ta ila.

Tin, Sport chungchang bikah hian han sawi ka duh chu Hockey bik hi han sawi kan duh lawk a. Hockey hi hmanlaia Mizoram Sport item a pawimawh tak si, eng nge ni hnung a tawlh deuh emaw ni chu aw ka ti a. Kan Bial chhung Baktawng khua khi 1948 atanga Hockey Tournament lian tham siam ngar ngar an ni a. Khilalah phei chuan 'inkhelhpui' an ti mai a, nula tlangval hian krismas ai hian an nghakhlel emaw ni chu aw tih tur khawpin kan naupan lai ti ve khang lang ila, khanglai te phei chuan school thulh thak thakin school chawlh min pe a kan kal thin a ni a. Khawtlangin nu leh pate nen a tar a zurin, a khau kap tak takin inkhel enin an chhuak thin a. Chuvang chuan tun hunah he sport a Hockey chawikan lehna tur atan chuan khilai hmun tluka tha khi a awm a ngem aw ka ti a. Chutih rual rual erawh chuan hmunpui lamah emaw Hockey Facilities han neih emaw khatiang kha chu an nei lo hle mai thung a. Tun thlengin nikum te pawh khan siam a ni a, kuminah pawh hian Hockey Tournament, inkhelhpui kha siam leh tum a ni a. Tin, facilities nei lo mahsela a pawimawh ber mai mipui rilru, nu leh pa rilru, naupang rilru, a khaw mipui rilru kha a nei tlat mai a ni. Tin, a khaw chheh vel reng reng khian an hlut em em a, inkhelh a nuam a, khi khi Mizoram Hockey han chawi lar lehna atan hmanruaah hman theih ni se a tha khawpin ka ring a ni.

Tin, Demand No. 25-na Public Health Engineering Department-hi han sawi ta ila. Hei PHE hi a pawimawh a, tui kan mamawh tual tual a, Project lian tak tak kan nei tual tual, chutih rual erawh chuan kan project te hi engati nge a hun a kan zawh theih reng reng loh tih hi ka rilruah a lian ve khawp mai a. Niminah khan kan Subject Committee Chairman khan thil nihphungte

House-ah arawn report tawh a. Kan Tender Document chungchang laite pawh hi enfel a, tin, sorkarin heng kan project te a huna kan zawh loh chhan te leh kan estimate anga kan zo thei lo thin lai te pawh hi kan Minister chak tak hian hma min han lak sak selangin a lawmawm khawpin ka ring a. Tin, kan bial chhungah te pawh tui lak tur hrang hrang kan nei a, hma te min lak sak a, a lawmawm hlein ka hria a. Hei tunah pawh Khawbel lampangte pawh hma min lak sak dawn niin kan lo hria a. Khangte kha kan lawm hle a ni tih kha sawi pahin kha kha thahnemngaih thu hlaah kan sawi tel duh bawka a ni.

Tin, Demand No. 24-na Health Department chungchang hi han sawi ka duh a. Nimin lamah te pawh tuna vaccine chungchangte kan sawi a. Kan Minister zahawm tak khan vaccine vanga thi a ni lo ve ti khan an sawi nain, thingtlang mite leh wawiina naute thi tuartute hi chuan an thinlungah vaccine an puh tlat a. Hei hi zir chiang a, wawiinah hian House Member zahawm tak takte hi zu no khat theuhin min pe selangin kan ruih dan hi a inchen lo ngawtin ka ring a. Chutiang chiah chuan heng vaccine te pawh hian naupiang, low birth weight hote leh heng pianphunga chawr che deuh te pawh kan khaikhawm deuh vek nge ni, helaiah hian heng vaccine te pawh hi a ei dan tur laiah te pawh zirchianna nei thin se a tha khawpin ka ring a. Tin, kan bial chhung khi, Serchhip Hospital khi kan pan nasa a, tah khian nau neih lampang thiam kan nei lo va, kan zai thei lo niin ka hria a. Khi khi an pawimawhna lai chu tunah hian Serchhip District hi Mizoram pumpuiaah IMR hi 36 ka hriat sual loh chuan a nih laiin 66 a ni tlat mai a. Mak deuh mai leh chu Serchhip leh Thenzawlah hian IMR hi a sang lehngal a. Chuvang chuan khilai khi nau neih lampanga mithiam zai thei nghal te pawh min han dah sak thei sela, Assembly question-ah khan dah tumna a awm rih lo ti khan min chhang a. Kha kha min han ngaihtuah sak nawn leh se, khilai kan bial mipui tam zawkin Serchhip District kan nih avangin kan pan ber anih avang leh ram lailiah IMR sang lutuk, Mizoram pumpuia sang fala alo awm kha a nalh lo hrim hrim a ni tih lai kha ka'n sawiduh bawka a.

Tin, Chhingchhip damdawi in te pawh khi min han tihchangtlungsak thei deuh sela, kan pan nasa em em a. Hmanni khan a hminga bialtu nih vena laiah ka han tlawh a, khangah te pawh hmasawna tur tam tak, tih tur tam tak mamawh kan nei a. Amaherawhchu, ka zawhnaah hian tun tumah chuan tih changtlun tum rihna a awm lo ve tiin min chhang a. Khangte kha min han ennawn sak leh thei sela. Khiliah hian khi a khua khi a laili a, Hualtu, Hmuntha, Thentlang, Khawbial, Sialhau zawng zawngin an pan a, hetah a khaw chhehvel Baktawng te pawhin an va pan bawka a. Mangan tawpah chuan Aizawl hi kan pan chauh a ni a, chutiang chuan min han ngaihtuah sak sela, a tha khawpin ka ring a. Kha Tlungvelah Sub-Centre te min sak sak dawnin ka hria a, work programme-ah khan, khangte kha Minister chungchang lawmthu ka'n sawi nghal bawka a.

Tin, helai Falkawn chungchangah hian District TB Hospital niin ka hria kan sawn phei a. Kal velna hi a buaithlak riau mai a, chuang chuan, helai kalna tur motor hi min ngaihtuah sak thei selangin. Chubakah engnge ni choka kan ti dawn nge hei Aizawl hi chu awlsam a, chhungte kan nei neuh neuh a thingtlang atang chuan, mahse Aizawl atanga han pen hleh a, sawlai Falkawn a han bengbel leh tur chuan a hna hi a thuah hnih khawp mai a. Chuang chuan helaiah hian thingtlang miten harsatna kan tawk deuh a. Chhungte nei lo tan phei chuan hetia va kal vela han kal hi a hna hnih khawp mai a, thingtlang bialtu lampang chuan kan hre theuhin ka ring a. Chuang chuan, sawlaiah sawn choka kan ti dawn nge, han inbawl theihna rawk rawk te pawh siam theih ni se a lawmawm ngawtin ka ring a. Khangte kha ka'n sawiduh a.

Tin, Demand No. 47-na Minor Irrigation, tah hian major works-ah hian 2013-14 ah crore 131.6 dah a ni a. 2014-15 ah hian crore 64.1938 chauhah a tlathla ta mai a. Hei hi engnge a awmzia dawn ni, a tangkai tehreng nen. Chutih rual chuan anni pawh hianin work programme an rawn thehluh lo leh a. Hengte hi House zahawm takah hianin House-ah mumal taka en theih turin an work programme te hi hundangah chuan rawn thehluh theih ni se, kan lo thlir anga, mahni ngaihven zawng leh mahni bial chhungte pawh kha kan sawiduh kan ring deuh a. Tin, anni hi Engineering department an ni a, a lehlam zawnga ngaihtuah chuan a work quality hi sawisel neuh neuh hi a awm duh deuh emaw ni chu aw ka ti a. Chulai chu kan minister pawhin tan min lo laksak se, ramhnuai lama hnathawk te an ni a duhthua zuk kal leh zuk tlawh zung zung pawh a har a ni mai thei. Amaherawhchu, a hnathawk te hianin thahnem ngaih sakin pawisa kan seng ta sa sa, hna an thawk ta sa sa a work quality hi tun aia min ngaihpawimawhsak turin kan minister zahawm tak hi ka'n ngen nghal bawka ni.

Tin, Labour & Employment chungchang hi heta demand No.28-na hi a pawimawhin a veiawm hlein ka hria a. Tunlai chu hei man-power supplier an ti nge ni? Hetianga rampawna thawn chhuah leh India ram chhung ngeiah te pawh hetiang thalai hnathawk thawnchhuah kan tam em em, chutih rual chuan heng firm lokalte hi an hnathawhna hi kan zuk ensak em tih hi ngaihpawimawh ngai khawpin ka hria a. Kha nichin lawkah Kolasib bialtu zahawm tak khan chanchinbuah khan a chhuah thute pawh a rawn sawi kha. Khatiang khanin helaiah an lo kal a, firm an rawn sawi a, an document kan lo en mai a, kan duhtawk nge? Chuang chuan, a hmunah ngei hian heng kan tirhchhuah tur kan thalaite hi a hmunah zuk enpui a, an awmna hi a hmun a tihlak tak tak em? an insawi ang tak tak a ni em? An document mai chauh hi ani em tihte pawh hi kan enchian a, heng kan harsatna vawiina lo thleng te pawh hi a solve dan awmin ka hria a. Chuangchuan, hengah hian kan fimkhur hi a thain ka hria a. Tin, hna hmu, pawn lama kan han

thehchhuah hote hi mipa nge hmeichhia tih te pawh hi ka hre chak a, mipa nge tam hmeichhia, hmeichhe lamin hna an lo hmuh tam tlurh mai kha chuanin thil hi a fel dawnlo mai awm mange tih te ka rilruah a awm a. Chuvang chuan, hmeichhe thawnchhuah hnem lutuk te hi a fel berlo a ni. Chuvang chuan, he House zahawm takah hian heng kan thawnchhuah tawhna hmunte hi a dinhmun zu zirchiang ila, tin, chumai piahlahmah hmeichhia leh mipa hi engzat nge an nih tih hi nakinah a wine-up-naah chianguang takin min rawn hrilh thei se tih hi ka'n sawiduh bawk a ni.

Tin, Environment & Forest chungchangah khanin hmanni khan kan minister zahawm tak khan khilai Tawi tlang leh a chhehvel sanctuary a nih theihna tur atana ram petute kan sawi khan ram an pelo e a ti mai a, kha vawiinah an in phone khawm vel a, ram kan lo pek loh te chuanin kan vat leh rum rum mai anga a ni mai alawm an ti a, tunah khian YMA committee te an ko a khatiang kha thil awmdan a ni a. An lo pelo tak tak anih chuan an ram anmahnin an pi leh pute atanga an ram ni ngeia an lo hriat tawh kha an ui ve ngawih ngawih a ni. An lo pelo tak tak anih chuan min hrilh chiang sela, tichuanin, an ram khi an nei leh ang a, lo atan an vat leh anga, tunah phei chuan an pi leh pute tanga an ram, an thlahtute rama an chei kha an vah chuan forest-in an ko zel tawh mai a. An tan phurrit pawh a tling ve a, chuvang chuan, khalai kha vawiinah mi rawn sawifiah sak leh se. A tuk lawk khan vanglaini chanchinbuah khan a chhuak bawk a. Kan buaipui angreng khawp a ni tih kha Pu Speaker, ka'n sawi duh a ni e. Chu chu ka sawi theih tawk ni mai teh se, ka lawm e.

SPEAKER : Pu T. Sangkunga

Pu T. SANGKUNGA : Pu Speaker, ka lawm e. Vawiina kan demand sawi tur hi a tuiawm khawp mai a, minor irrigation te, PHE leh Forest te hi inzawm tlat, tui titamtute an ni a. Tin, min tidamtu, kan damna hmun Medical College leh Health department han sawi te, Urban development te sawi rual hi a inhmeh khawp hlawmin ka hria a. A bul tan nan ka sawi duh chu hmannah tui kan mamawh zia ka sawi tawh a. Arab ram Saudi Arabia te, UAE kan tih hoah te phei hi chuan petrol aiin tui man a to zawk a ni. Chuvangin, inbualna khawp an neihte hi a har em em a. Keini hi kan vannei a, Pathianin ram tha tak leh tui tamna hmun min pe a ni.

Amaherawhchu, tuipei ral atang khian kein kan tleirawl laiin Aizawl hi kan lo kal thin a. Mahni ei tur, (kan zin chung zawnga)kan ei tur, kan chaw chhumna bel leh buhfai leh Aizawla kan cham chungga kan thlen ina kan ei tur kan phur thin a. Chutah chuan kawng tluanin kawr te zawng zawngah hian tui a awm thin a ni. A tlangpuiin Mas dawnah kan lo kal a, tui

thianghlim tak tak mauin an lo dawh a, mauthei inna an siam bawk a. Kan phurrit tak kha kan ngat a, hnungzang huh dupin kan chawla, kan in thin a. Tunah erawh chuan hei, a inzawm ka tih dan a kha ngaw kan thiat nasa ta a. Chuvangin khang kawr zawng zawngah khan September thlaah pawh tui a awm tawh lo a ni. Hei hi wawiinah mipui aiawha thlan leh kan thusawi lo ngaithlatu zawng zawngten he department 3 inzawmna atan hian ngaw a pawimawh, kan tui lakna te tunah hian mahni khaw rama lak tur nei an awm mang tawh lo a. Khaw hla tak tlang ngaw nei tha ram ami tui an la a, khami te kha an sual deuh phei chuan tuilakna ami kha an vah chereu chuan tui a kang mai tur thu te hmannah general discussion-ah ka sawi tawh a. Chuvangin, heng khuate pawh hian helai ngaw hi lo zuah hram hram ula, kan nunna bul a ni a tia a khua tan development programme eng eng te pawh hmalak a thain ka hria a. Tin, a demand dang neuh neuhah han lut ta ila.

Labour & Employment, demand 23-na kha han en ta ila, khatah khan tam tak sawi ka tum lova. Kan sorkarin central tih dan angin Cess a khawn tir a, welfare fund-ah tangkai takin an hmang a. Hei hi keini Mizoram Youth Commission pawhin kan tangkaipui khawp a ni. Hei hian Labour & Employment Department tihchak deuh deuh a ngaih zia a tilangin ka hria a. Hei hi kan hmanthiam phei chuan construction worker fate hi an pasal neih dawnah pawh pawisa pek theih an ni a. An lehkha zir dawnah pawh he fund atang hian tanpuina pek theih a ni a. Khatiang khan thil chi hrang hrangah an damdawi in awm tanpuina pek theihna te pawh kha a awm a. He Cess kan khawn thin hi mipuite pawhin ui lova keimahni hmang atana lo let leh, direct a lo let leh a ni tih hriat hi a pawimawh khawpin ka hria a.

Tin, nizan local channel ah leh chanchinbuah te thil dik chiah lo hriatsual palh a lo lan avangin alo lang zeuh zeuha. Tawite helaiah hian kan Youth Commission hmalakna, nimin chanchinbuah te lo chhuak, mi tam tak lo let an tih kha North East Rural Development Mission tirh an ni a. Youth Commission tirh pakhat mah khatah khan a awm lova. August ni 14 zan pawh khan Hyderabad a an tirh te buai avangin kei pawh ka tlaivar thak a ni. A chhan chu kan tih a ni lo tih an hrereng na a, an nu leh pate kha YMA hruaitu hlui te a ni a, “Nangni talin min buaipui teh u,” an ti a. Kan VTP, Kolkota ami zawk kan phone a, annin an lo buaipui a. Kan Home Minister zahawm tak bial ami an tam ber avangin ani ka han pun bawk a. Kan Liaison office ami keipawhin ka zu hrilh a. Kan Home Minister zahawm tak ngenna avangin annin an zu buaipui a, khatianga buai nek kha keimahni tirh ang hian a lang lek lek thin a ni. Wawiin chanchinbuah chhuak zawng zawng kha Youth Commission tirh pakhatmah an awm lo tih ka’n sawi duh a. Keini hian kan tirh tawh zawng zawng hi July thla leh tun inkar maia kan tirh hi kan pawisa pakhatmah seng lo, Skill Development Initiative Scheme, Ministry of Labour, senso a kan tirh zawng te hi mi 1156 kan tir tawh a, chung

drop-out chu a vaiin 4 an ni, 2 an ti a, 1 hman ni lawkah inchhawng atangin a zuang thla a, train-a kal tur pakhat a accident a, 4-ah khan 2 an thi a ni. A dang hi chu hmanna Hyderabad-a khatiang insum thei chiah bik lo, chhuah mai a tha e, a zirlai puite leh an zirtirtuten an tih pawh kha thla 2/3 lai an lo training ve tawh avang khan Chennai-ah an va phei a, an va interview a, hotel tha takah hna an va hmu nghal ve leh tho a. Khatiang drop-out kan tih te tan pawh khan hna hmuh hi a har vak lo a. Tin, mi 196 in tun reilote chhung hian placement an hmu a, a thenin Air Hostage hna te an hmu a, hotel tha tak takah te an hmu a: Tin, an training zawk hian Directorate of Apprenticeship and Training, international pawhin a approve in certificate an pe dawn a, chu chu ramdang sawrkar pawhin an lo pawm dawn a ni.

Pu Speaker, Demand 25-PHE hi tlemte han sawi ka duh a, a reilo hle mai a Pu Speaker. Anni hnathawh hi a ropui ka ti khawp mai. National Rural Water Drinking programme hnuai ah ringawt hian Mizoram khaw 777 ah tui hi an la thleng tawh a, Mizoram khua aiin a tam a ni. A chhan chu village approve nilo, a kar ami lam pawh tui an pek avangin, Mizoram khua aia tam hi tui an pechhuak tawh a, hei hi ropui ka ti khawp mai. Tunah phei chuan project lian, Aizawl Greater Water Supply Scheme te ang, ka bial, Khawbungah te pawh khian an ti ve a, a ropui em em mai a, luipui ami kha an pump chhuak a ni a. Tin, a ropui ka tih leh chu Urban Water Supply Scheme ah hian khawpui deuh zawng zawng an cover tawh a, Biate leh N.Vanlaiphai leh Khawhai tih chauh lo chu. Anni pawh khi tuilak tenau village level a lak ang kha an pe tho a, an titha em em. Rain water harvesting ka bialah te khian an titha nasa mai a, vawiina an tui lak hi a tha a, hmun tin maiah hian tui a chik ringawt maia, hei hi fak loh theih niin ka hre lo a. Thlaler ram roah te chuan tui a chik chhuak luah luah ang tih ziak kha alo thleng a nih ber hi a. Khua zawng zawngah a chik a nih hi, tiin ka rilruin ngaihtuahna ka siam a. Tin, ropui ka tih em em chu BPL family 84,647 hnenah ek in an pe a. APL ho hi 19,082 family hnenah ek in an pe tawh a, a total-in 1,30,792 family-ah ekin an pe a, hei hi a ropui khawp mai. Thingtlanga kan awm lai chuan tlangsam buk hnuai vel hi kan ek in a ni mai a, vawk hian min um phei a, hriselna atan a pawl em em mai a, hei hi tlangsama han hruk phei chuan tai natna te hi vei a awl a. Tunah chuan hetiang zah ek in an han siam a, chhungkaw nuai chuang ringawt mai ek in an han pe te hi chu anni fak lo hi chu tih tur kan nei reng reng tawh lo in ka hria a, hengte hi ropui ka ti a.

Tin, Urban Development & Poverty Alleviation ah pawh hian khu Chite field te khu an rawn laih a ni a, a mawng ping deuh leh a harsaah hian sawi sen loh hi development hi an thawk a, mirethei in te an sa mup mup a, ropui ka ti a.

Tin, Medical lam hi ropui ka ti a, khaw te tak teah pawh hian kal ila, sub – center sak zawh tawh emaw, la sak mek emaw kan hmu deuh nuk ringawt mai a ni. Tunah phei chuan Medical College kan sawi fo thin angin kan han nei dawn ringawt lehngal a, a ropui em em, damdawi in atang te sawn na ngawih ngawih te lakah doctor leh nurse te taihmak dan te saw ka hmu thin a. Medical College kan neih hunah phei chuan kebaite kein an lo kal ta a, mitdelte an mit a lo var ta a, zengte kein an lo kal ta a, pharte an lo thianghlim ta a, tih kha sawlai kan Medical College-ah sawn a thleng thuai dawnin ka hria a, Health Department hmalakna hi ropui ka ti a ni.

Tin, Minor Irrigation Department hmalakna hi rei tak ka lo awm ve tawhna a ni a, an hna hi kan hriat loh hian a ropui a ni. Intensive farming zawng zawnga tui neih theihna tur hian khaw 439 ah project hi an puitlin tawh a ni. Chuvangin thala tui mamawh em em thlaite hmun tam takah off season a chin theih chauh kha tui an pe a, hei hi kan hriat lohah thil tithatu an ni.

Tin, Demand No-22 na, Sports & Youth Services hi, kei phei chu Under Secretary, Deputy Secretary, Joint Secretary, ka kaina zawng zawng hi Sports ah vek ka kai a, a danga ka insawn pawhin ka kaina kha Sports-ah bawka ni leh thin a. Keini hun laia field lungte thil leh fur a nal em em a kan inkhelh tir thin kha tunah chuan a hring dup tawh mai a, kan field hi, hei hi kan hriat theuh angin kan thalaite an changkanna leh an phurnate pawh hi a ni.

Tin, Environment and Forest-ah hian, ngaw hi hetia kan vah zel chuan tihngaihna awm dawn lo a, District Council Dan Forest Act 1955 tha deuh mai an siam a, LAD hi a implement-tu an ni a. LAD ah hian kar 2 tlinglo deuh hlek Secretary ka ni a, chumi chhung chuan vanneih thlak takin Ailawng, Reiek ngaw kan tih hi an vat ringawt mai a. Pu R. Zamawia kan pa ropui tak hian, ‘kan reserve an vat zo dawn e,’ a ti a, chu chu kan Minister awm loh lai a ni si a, Chief Minister hnenah he District Council Dan hmangin ngaw an duh lai lai hi reserve atan, venhimna reserve emaw, village reserve emaw, Urban reserve-ah an puang thei vek mai a. Ka ziah dawnin kan Law Secretary kal ta kha ka va rawn a, hei hi kan hmang thei em, Ailawng, Reiek ngawpui kan tihte khu hei an thiat tan der a, “he dan bung 13-na hmang hian ka enforce thei em?,” ka ti a, “thei tehreng mai,” a lo ti a. Sawlaia kan ngaw pawimawh dang Hmuifang ngaw nen reserve a puang turin kan ziaak pawp mai a, Chief Minister ka direct a. Chutah chuan a file lo let leh lam chuan LAD Secretary ka lo ni tawh lo a, LAD ka chang tawh lo a, ka note sheet ziah kha ka va en dek dek a, kan House Leader zahawm tak hian a approve satliah mai ni lovin lawmthu sawina te kha a lo telh a, kha kha awm reng dawn chu ni ila, teh hmasak tur, Revenue te, Forest te, LAD te nen rawt tur a ni a. LAD-ah hian ka awm tawh dawn si lo a, A short cut zawnga kalin heng hi

Forest-ah puan ni se tiin ka rawt tawp a, a tehfel chu ka dawta min rawn ti tawh se ti rilruin. Hemi Dan hi hmang zung zung ila, chuti a nih loh chuan Forest-in ngawa puang tur chuan kum a duh rei a. Dampa Sanctuary pawh khu puang fel turin kum 27 a duh a ni. (SPEAKER : minute khat pawh chu a ral leh tawh.) Pu Speaker ka lawm hle mai. He Dist Council Dan hmang hian YMA ngaw zawng zawng te, hemi kan rama awm ho hi, forest Reserve-ah puang ila, tui atan a pawimawh a, kan ram a hrisel bawk dawn si a, a tha dawn em mai tih kha ka'n sawi a ni e. Ka lawm e.

Pu VANLALZAWMA : Pu Speaker ka lawm e. ka hmaa sawitu atang khan han tan chho ve nghal ngawt mai ila. Forest & Environment thil hi Supreme Court ruling hian mizo mipui min nawr bet lutuk em aw ka ti a. Forest lam te pawhin an sawi thova keini ram changkang lo hmasawn zawnga kan han kal chhoh ve hian Forest kha va nawr loh theih loh a ni a. Supreme court ruling a ni a, chu ti kha ti kan ti a kan innawr beh tir nasa lutuk a ni lo maw kan ram hi tun hma atangin tih hi vawiinah ka'n sawi duh a ni. Supreme Court ruling chu a zahawm em em a va bawhchhiat tur pawh a ni lova, mahse khami hel hret khan kala hmasawna lo lang thei hi hel thiam hi a va tul e aw tih hi vawiin hian kan Minister zahawm tak pawhin min lo hriat sak se ka ti a.

Teak sum hnar tura kan chin ve ngawih ngawih te pawh kan hralh hlei thei lova supreme court lam avangin. State pawna kan hralh thei lo a nih pawhin kan ramah hi chuan zalen deuhvin haider hret ila khu lamin an rawn question pawhin lo insawi fel ila tiang khan Mizoram chhungah chuan Teak kan ngah bawka teak a thil siam te hi tlawm hle mai sela, chu chuan India ram economy a zu khawih buai tak tak lova, chutih laiin kan economy hi chu a chawi kang thei thung a ni tih zawng khan kan Minister hian min lo hriat sak sela. He issue hi khawvel pum issue pawh a nih tho dan a awm a. Kan hre vek anga hman deuhah pawh khawvel ram hrang hrang kal khawmin an ti a, a hma chuan ngawpui thiah chungchang ah issue lian pui a awm a, leh lam ngaw in thiah leh chuan khawvel a lum dawn lutuk chuti kha ti an ti a, mahse 3rd world countries ho kha an ngam ta lo a ni. A chhan chu in ngaw zawng zawng in thiat vek a, in in develop a, development a kan luh chhoh vena tur kan ngaw kan thiah in phal leh silova tiin an kara, khati zawng khan a tawp ta der mai a ni. Chulai tak chu vawiinah hian kan ngaihtuah ve a ngaiin ka hria a, kawngpui kan lai dawn a, engemaw kan ti dawn a, environment thil hian min tibuai kan ram hi, amarawhchu, kan hmasawn vena tur a ni si a, ti zawng khan ngaihtuahna kan hotuten hmang ve se, tlema supreme court ruling va bawhchhe chuang silo khan a kal theiin ka hria a, chu chu ngaihtuahna hmang ila tih kha ka'n sawi duh a ni.

Health and Family Welfare-ah chuan hmanni khan ka sawi tawh a, ka ngaih pawimawh chu Health Care scheme hi a tha si a tun aia awlsam zawk hian a bikin thingtlang lam leh khawpuiah pawh sorkar hnathawk lem lo tan awlsam zawka an inziahluh theih hi tha hlein ka hria a ni. Tin, Falkawn a Referral Hospital kan din tur te pawh tha ka ti a, chutih lai chuan rawtna anga ka'n sawi duh chu sawngah te sawn ICU hi kan siam leh ngei ka ring a, ICU hi a awmna hmun hi ngaihtuah uluk a ngaiin ka hria a, mizo culture te nen pawha inrem deuhvin, kan ngaihtuah dan hi chuan damlo kan va kan pawhin hnai deuhva va thut, hla deuhva thut hi kan thiam lova, chuvang chuan a kawtzawl hnai deuh rik deuh hlek pawha va tihbuai theih siloh ti ta ila, Civil Hospital-a kan ICU leh Durtlanga kan ICU te awmna hi a dik lo a ni, kan thenawm khaw vengah na an awm chuan kan tlan khawm thin a, chuvang chuan hla deuhva in thut tir kha kan ngaihtuah dan a ni lo, chulai teh chuan ICU kan siam hunah pawh mipui nawl puiin kan chim pawha va tibuai si loa siam ni sela tih kha ka'n rawt leh daih duh a ni.

Sports & Youth Services-ah hian, hman deuh khan thil pakhat chu ka sawi tawh a, Football-ah hma kan sawn a Santosh Trophy ah te pawh kan zu champion a ropui takin kan lo lawm a, khata kal ho kha engemaw incentive kan ngaihtuahsak em tih ka sawi khan MP inthlan tur puan tawh a nih avanga tilo deuh mai ni awm khan ka lo hria a, hmannah pawh ka zawt a, lawman engemaw an pe che u em tiin ka zawt a, chuti lam pawh a awm lo an ti a. Mi tih dan lo pawh a ni lova, Incentive engemaw tih sak a, sum leh pai a nih loh pawhin engemaw a kind te pawha tih dan kha a awm lo emaw ni aw tih kha ka'n sawi ri leh duh a.

Football-ah hma kan sawn a, helaiyah hian Mizoram chuan hma kan sawn tha em em a. MFA lam hmalaknate hi a fuhin ka hria a. Kan Minister of State Pu Pate-a hovin MFA te phurzet maiin an kal a. Hetia tha deuha kan kal chhoh lai hian intihphur lehzual lamte pawh hi kan ngaihtuah a tulin ka hria a. Hei hi waviinah engtin nge ni kan Sports Minister hian a tih zel dawn tih te pawh kha ngaihthlak a chakawm a, min rawn chhan theih chuan ka lawm khawp ang. Chutih rual chuan phul lem phah tih hi Football ground-ah ringawt, kei ka lo ngaihtuah ve dan chuan a te deuhah te pawh hian phah thei ilang chuan, khaw tin tan hian a va han tha em ve aw. A chhan chu inkhelhna chihrang hrang bakah tualchainan te pawh hian a tha ve reng reng a. Football ground tling zo lo deuh pawh hi phah sak chhoh hi chu khawtin hi an lawmin ka ring. Chu chu waviinah kan hotuten ngaihtuahna-ah te pawh hman a thain ka hria a.

Tin, PHE chungchangah hian kan sawi kan sawi thin a, in ngaithla fo a. Aizawl khawpuiah hian kan connection pipe hi chu hei aia phum that deuh dan hi a awm lawm ni aw ka ti a. PWD te leh UD&PA lam ten luikawrte min siamsak a. Chu chu PHE pipe kalna hi a ni nghal deuh zel mai hi, hei hi chu a fuh chiah lo mang e. Ka hre sual a nih loh chuan connection kan han dil a, pek ngai zawng zawng kan han pe a. Kan pipe phum tur hi a phum man tur nen hian bill hi kan pein ka hria a, chu chu a ni bawk si a. Mahse, phum aram hi a awm bawk si lova, heti lo deuh hian a kal theih em? Kawngpui a tihbuai chu thu dang, drain a tibuai tel bawk a, kha khan thil tam tak a nghawng kual thei a. Chuvang chuan tun aia phum that deuh dan hi a awm em aw tih kha Pu Speaker, ka'n sawilang leh duh a.

Tin, a pathumna Urban Development chungchangah Aizawl khawpui chhung chu ki hrang deuhin kan lo kal chho mek zel a. Helamah hian hmasawna chi hrang hrang kan hmu chho mek zel a. Helaiah hian tuna kan tihphung hi a tha em em a. Hmanni pawh helaia ka'n sawi zawk kha, Aizawl khawpui lama awmte kan ni a. A bik takin Opposition Member-te phei hi chuan kan Bial chhunga hmasawna lo lut ve te hi kan lo phurpui ve a. Mahni theih ang tawk tawka tha leh zung senga kan lo phur ve mek lai hian, khulaia Vaivakawn kawng hniam bawkah khuan Bialtu MLA kan han associate lo lutuk te hi chu kan hotuten ngaihtuahna thar hmang teh u tiin ka han chah duh a. Hman kan Session tir lamah khan MGNREGA chungchangah a material component hman fel tawk lo chungchang kan sawinaah he House Leader zahawmtakin Bialtu MLA zawng zawngte pawhin ngaihtuahna hmanga invenpui turin tih sawi te kha ngaihtlak hi a lo nuam em em a. Eng anginng hma kan lakpui theih chu thu dang ni sela. Tun Inrinni khan kei pawh kan Home Minister zahawmtak bengvar zarah Zofa Global Network ho Unity Festival-ah kan han kal ve a. Khangte pawh kha a nuam ve khawp mai a. Kan Home Minister-in min sawm ve zarah kan han tel ve a. A chhan chu khata kalkhawmte pawh kha a Ruling Party vek kha an ni lem lova, MNF te pawh kha an lo awm ve teuh mai a. Min han hmuh khan an phur ve em em mai a, kha Festival kha nuam an tih phah ve a.

Khulai kawngpui kan han tih te pawh chu a hmang tur kha chu MNF pa chauh hi a ni reng reng lo mai a. A tam zawk kha chu Congress pa te pawh an ni mai thei. Chuvang chuan, MLA zahawmtak han associate ve hram te pawh kha vawiinah pawh ka'n sawi nawn leh hram duh a. Khatia kan tih ho khan nuam deuhin ram tana thawkho kan nihna laiah hian boruak tha lehzualte pawh hi kan nei thei ang tih kha ka ngaihtuahnaah a awm a.

Sawi tur a dang dang chu ka sawi kai tawh lovang a. Hun tha deuh mai kan Speaker minrawn siam sak a. Tin, kan Speaker zahngaihna a zarah hetiang hian Opposition lam MLA te kan tlem bawk a kan ti kan ti a, kan sawi kim leh vek thin a, kan lawm tak zet a ni tih kha ka'n sawi tel bawk a ni. Ka lawm e.

SPEAKER : Aw le, chawhma hun kan hmang zo leh ti tih tawh mai a. Mi pakhat han sawi tir leh dawnin hun khi a chep tawh a, kan chawl rih mai ang a, nakin Dar 2 : 00 PM ah lut leh turin i bang rih ang u.

2:00 P.M.

DEPUTY SPEAKER : Kan sawihona kan chhunzawm ang a. Chawhma lam khan Member 6-in kan sawi hman a, tunge han sawi hma leh ang le ? Aw, Dr. K. Beichhua.

Dr. K. BEICHHUA : Pu Deputy Speaker ka lawm e. Vawiinah hian Department tam tak sawi tur a awm a, a vai hian sawi ta ila kan tangkaipui lo zawkin ka ring a. Chuvangin, ka phak ang tawk tawkin kan sawi ang a ka sawi ve theih chin chin, hun tlemteah.

Pakhatnaah chuan Demand No.24 Health & Family Welfare department dinhmun kha han sawi ta ila. India Sorkar hi Medical Science-ah hian sang tak mai a ni a. Heng programme tam takah phei hi chuan khawvel pawhin a tih dan azirin an practice ve thin a ni a. Entirman, RNTBC tihte hi (Revised National T.B. Control Programme) kan tih te hi India atanga chhuak, khawvel zawng zawngina an pawm, khawvelin tuna an hman mek a ni a. Chutiang chuan tunah pawh hian a ngaipawimawh tih kan hriat theihna tur chuanin tuna Grand-in-Aids min han pekah pawh hian kum dang ngaihtuah chuan a tam viau a ni. Chumi a tamna chhan tura ka ngaih te chu hemi grants kan hmuhte hi NRHM hianin financing component hi 6 lai a nei ta a. National Rural Health Mission Flexipool-te, National Urban Health Mission Flexipool, Flexipool for communicable disease leh non-communicable disease ang chi te, infrastructure maintain-na tur te leh Family Welfare Central Sector Component-te atang hian min lo pe a.

Tin, National Health Mission hianin vision leh guiding principle tha tak tak hi health-a inkaihhruaina tur hian a nei a ni. Chung zinga a ngaihpawimawh em em mai chu

reduce out of pocket expenditure on health care tih hi a ni. Chuvangin, ti laia kan rilrua awm tura ka duh chu, health kan han tih hian mizo mipui rilruah hian Damdawi in hi kan rilruah hian a lang deuh ber a. Mahse, chutih laia kan rilrua lang tura tha ka tih chu kan sawi tawh ang khan Health kan han tihah khanin tuna National Health Mission-ina kan thil tih tur ang ruahmanna a rawn siam ang chite chu pakhatna chuan reduce MMR to one thousand life/birth tih, Nu nau nei chung a thihna hi mi 1000 atanga 1 a tihhniam hi a tum a ni a. Tin, IMR hi naupiang 1000 atanga 25-a tihhniam hi a tum a. Tin, reduce totally fertility roll nau nei thei tur mihring two is to one-a reduce te a tum a. Chulohah chuan thisen neilo Nu kum 19-49 inkar thisen neilo lutuk enkawl te, chuloah chuan thil dang dang thihna leh natna communicable disease leh non-communicable disease tihhniam nasat leh thil tam tak hi a tum a ni.

Chutih lai chuan T.B. vanga kan thihna te, Malaria vanga kan thihna te hi nasa taka tihhniam a tum a. Chuvangin, Central Sorkar hian state tinah hian sum hi nasa takin a vur a ni. Chutiang dinhmunah chuan kan awm a, a service kan deliver-na tur pawh hi reproductive angah te pawh hian hma sawn ta ila. Maternal new born care kan tih ang chi te, Child health kan tih ang chi te, adolescence health care kan tih te, hengah te hian nasa takin hma la ila, he grant-in-aid te pawh hi min rawn pe tam niin ka hria a. Chulaia kan rilrua awm tura chu nichina ka sawi tawh ang khan, Health Care kan tih hian Damdawi In chauh hi kan ngaihtuah thin a. Kan rilrua awm tura thaa ka hriat chu a preventive/promotive leh curative-ah then ta ila.

Tunah Mizoramah hi chuan preventive part hi a pawimawh hlein ka hria a. PHC 57 ah khan zawhna kan chhanna atanga kan hriat dan khan 48 PHC Doctor kan nei a ni. Chung PHC hnuaiah chuan Health Worker hrang hrang tam tak kan awm ta a. Anni hi a venna kawnga mi pawimawh ber leh indona ramri vengtu kan tih tawh kha, khatiang mihring kha an ni a. Chuvangchuan, tuna kan dinhmunah chuan heng PHC a Health Worker kan dahte hi an post-ah hian regular taka an awm theihna tur te, tha ka tih dan phei chuan District tin te pawh hian Health Worker kan lakah te pawh hian quota nei vekin ti ta ila. Tam tak chu khawpuimi thingtlanga Health Worker kan dahte hi an awm tha duh mang lova, khawpui lam pan leh talh tum tam tak an awm a ni. Chuvangin, thingtlang lamah Health Worker regular taka kan neih theihna tur chuanin district tinah anmahni hmuna tha taka an awm theihna tur hian health worker recruitment te hi nei thei ta ila a tha awm mange aw tih rilru ka nei a. Chungcho zawng zawng enkawltu tur an Captain tur-a kan ngaih chu

PHC-a kan Doctor, kan Medical Officer-te hi an ni. Anni hian tha takin an vil ang a, infrastructure tha takin Motor te, facilities an chan tur ang te hi tha takin pe ta ila, chutianga a preventive, a invenna lama tha taka hma an lak chuan tuna kan Zoram, tuna kan problem 75% hi chu hei hian a solve ngeiin ka ring a ni. Chuvangin, helamah hian hma la deuh hlek ila tih hi ka rawt duh pakhat a ni a.

A pahnihnaah chuan District Hospital kan tih ang chi hi sawi leh ta ila. Vawinah hian Mizoramah hian kan Health Care kan kalpui dan chu bi-furcation kan ti a, DHS leh DHME tiin kan kal a. Hei hi India ram dangah hian an ti nge tilo chu kan hotute pawh hian lo zir Chiang se a thain ka hria a. A thatna a awm rual rual hian a that lohna tam tak tun dinhmunah hi chuan a awm thei ta a ni. Tunah hian Lunglei leh Civil Hospital, Aizawl te hi chu Medical Superintendent kan neih hi a tul hliah hliah ta a. Chutih laia district danga Medical Superintendent kan neih te hi a tul ber em tih hi ka ngaihtuahnaah hian a awm a. CMO hian engati nge ni District Hospital ang te hi chu a enkawl mai loh tih te hi tuna ka ngaihtuahnaah chuan a awm a. CMO hian enkawl ta se, Aizawl leh Lungleite hi chu Medical Superintendent hnuai a awm ta se, chu chu tha viauvin ka ring a. A chhan chu kan Specialist tam tak te hi Medical Superintendent anga an han awm hian an clinical lamah hian an thiamna chhawr tawh manglo hianin administrative lamah hian an lo in concentrate ve takah hi chuanin an thiamna kan hmang hlei thei thin lova. Chutianga chuan C.M.O. hian District dang zawng hi chu awp ta se a, Lunglei leh Aizawl erawh hi chu Medical Superintendent hian awp ta sela a tha awm mange tihna rilru ka nei a ni.

Chutih lai chuan bifurcation kan ti a, specialist leh specialist lo inthenna hetia kan bifurcate hian tam tak dis-advantage a awm a, advantage a awm rual rual hian. Hei hianin thuneitute, roreltute lu a tihaiin ka hria a. Chuvangin, tunah hianin a specialist-ina an enkawl tur damdawi in ang chite hi anmahni kutah ringawt hian dah ta ila, enkawl theilo dinhmunah kan awm dawn a ni. Primary Health Care lamah Specialist lo hi dah ta vek ila, PHC ah leh Programme dang dangah te hian dah ta ila chuanin an indaih viau ang a hlawhtlin pawh kan hlawhtling viau ang a, Hospital vethung chuan hlawhtlin lohna pawh tam tak kan nei dawn a ni. Chuvangin, helai hi kan hotute pawhin Chiang takin min ensak se a tha viauvin ka hria a.

Chuloah thil pawhmawh taka ka hriat leh chu vawinah hian Private Hospital Mizoramah 22 kan nei tawh a. Hengah te hian quality control kan nei em tih hi kan inen a

ngaiin ka hria a. Accreditation Board kan awm nge awm lo ka hre lo va. Quality Control kha zawhnaah kha chuan awm lo tih kha a ni ta a ni. Vawiina Private Hospital 22 kan neihte hianin Hospital rate inzai man leh thil dang dang mante hi khuahkhirh a ni em? Tin, Waste Disposal-te an nei tha em? Vawiinah example pakhat, hmun tam takah nau neih zawhah nau bawm te pawh hi khawiah emaw an paih a uiin a rawn put chhuah nawlh nawlh te pawh hi a awm a ni. Chuvang chuan heng laiah te hian kan hotute hian hma la thei deuh se tih kha ka rawn sawi duh a.

Tin, hei Medical Education lamah Medical Education College te kan nei chho ang a, Tin, Degree Course kan neih tawh sa te pawh tam tak a awm a, hengah te hian hmalak tur tam tak a awm a, chuvang chuan tuna kan kalphung tam tak hi enchian leh zual ava tha em tih kha, vawiina kan kalphung hi tha viau mahse a aia hmasawn tur kan nihna zawn atangin kan hotuten hma min han laksak se tih kha ka rawn sawi duh a. Thildang ka sawi dawn chuan hun a awm tawh mang si lo a Pu Deputy Speaker, i strict angreng bawk si a ka lo thu tawh mai ang e. Ka lawm e.

DEPUTY SPEAKER : Le, Pu John Siamkunga, a lo book lawk tawh a ilo sawm ang.

Pu JOHN SIAMKUNGA : Pu Deputy Speaker, ka lawm e. Hei vawiinah Minister pathumte Demand kan sawiho dawn a, theih anga tawia han sawi ka tum ang a. A hmasa berah chuan Demand no. 22-na Sports & Youth Services hnuai a mi hi. Sports lamah hian Congress Sorkarna hnuai a hian kan thang nasa em em a, kan thanna hi kawng hrang hrangin a lang chho a, a vaia kan sawi dawn chuan hun a tlem si a tawite tea han lawrkhawm ka duh a. Vision 2016 atang ringawt pawh hian inbuatsaihna a nasa a, kan thalai naupangte atanga tleirawl, teenagers te helamah hian an tlan nasa a. Khawvel kan en chuan infiamna hi exercise lakna mai nilovin business a ni. Chumi avang chuan kan thalaiten helamah hian nasa takin rilru an pe tawh a. Football-ah pheih chuan eizawnnana hman tlak deuhthaw a lo nih takah pheih chuan mi tamtakin National Level-ah khelin tun ISL-ah pawh hian Mizo mite kan hmu nawk a ni, Indian Super League ah khan. Hengte pawh hi FIFA in mihring tamna ramah hian football ngaihsan ve ni se, chumi a ngaihsan theih dan chu a awm em tiin an rawn luhna hi a rei tawh a. Vawiinah chuan an hlawhtling hlein a lang a, a entu mipui an tam zia te, stadium a an khah hmer hmur dan kan han hmuh leh an commentary atanga kan han ngaihthlak hian market ropui

tak, football market ropui tak India ramah hian an rawn luhpui dawn niin a lang a. Chuvangin stock market-ah te, Mumbai Stock Market-ah te chuan nakinah Club hrang hrangte an la sang chho zel ang a. Mi hausain inrawlhna tlaka an ngaih tawh tak tak chinah phei chuan eizawna tling mai nilovin millionaire rual inkhel kan en thin, European Club hrang hrangte ang kha an la ni ang tih a rin chhoh theih a. Chuvangin helam zawnga kan Sports Minister-in chak taka hma a la hi a ropui hlein ka hria a. Chuvangin helaiah hian kan Minister hi ka fak duh a.

Tin, chutih rualin mahni bial a luh loh theih hi a ni thin lova. Ka bialah sawn nuai 240 chuangin Stadium siam tur a ni a kan term hmasaah khan, amaherawhchu, a hmun a len tak si loh avangin kan han pamtul ta rih a, sum kha divert a ni ta a. Tunah hian kan Minister hovin a Chhim lampangah khian football ground tur tha tak, Stadium han siam theih maina tur te en vek tawh a ni a, a leilung te a thain a quality te a tha bawk a, helai hi kan Minister pawh hian a ngaizawng riauin ka hria a, a hnenah pawh hian ka sawi fo a. Hei hi kan Minister chak tak hian min tihpuitlinsak a Stadium min sak sak turin ka ngen nghal a. A chhan chu Hnahthial hi infiamna lamah hian an tha em em a, ka bial te hi helamah hian an changkang a. Football-ah te pawh Jeje-a te leh khatiingin midang dangte an khel nasa a. Hockey lamah te pawh an tha a, boxing lamah pawh chumi a nih avang chuan khalaiah khan kan Minister hian min han tihhma theih se tih kha ka'n sawi duh a.

Tin, UD&PA, Demand no. 46 hi, heng khawpui enkawlina hrang hrang, bawlhhlawh paih chungchang leh solid waste management leh thil dang dangte a niang, vawiinah hian kan sawi hman lova, an hnathawh ropui tak leh an hlawhtlinnaah hian lawmthu ka sawi a. Chutih rualin Hnahthial lamah pawh hna min thawhsak nasa hle a ni. Hnahthial khawpuiah sawn Hall pakhat nalh em em mai min sak sak bawk a. Amaherawhchu a khawk nasa lutuk deuh hlek a, a chung lampang saw, vawiin thleng hian kan la hawng chiang thei lova, hmantlaka a awm theih na atana hma min laksak a, Hall tha tak, a chhungah pawh echo awm vak lo tura min thuam sak turin ka'n ngen nghal bawk a.

Chutih laiin hemi UD&PA hnuaiyah tho AMC an han ding a 2010 khan, an din hnu hi chuan kan beisei a sang em em a. Kan in sak dan te pawh hian kawngro a su ang a, kawngpui nek lutuk a sak te hi a awm tawh lovang tih kha kan rilru ah a lian

hmasa ber kha a ni a. Mahse vawiinah chuan AMC hi an awm nge awm lo tih pawh hriat mang loh in kawng bula in sate pawn a setback tur feet chuti zat an tih angah pawh an tumal lo nge, vawin ni ah hian in sak thar hrang hrangte han en hian AMC awm leh awm loh a lang chuang reng reng lovin ka hria a, ka hmuh ve tawh chinah hi chuan. Chuvangin helamah hian nasa zawkin hma la leh ta sela, kan khawpui chep tak leh zim takah hian kawngro a su chho thei deuh ang em tih kha ka'n ngaihtuah deuh a.

Tin, Demand no. 24-na Health & Family Welfare chungchang hi tlem sawi ka duh a. Health Care lamah hian kan Sorkar hian hma a la nasa em em a, heng a hmalakna hi a ropui a niang hemi IMR hnuaiah pawh, Infant Mortality Rate lamah kan thawththat avangin, Mizoram Sorkar kha vbc 31 vel lai kha lawmmanah min pein ka lo hria a. Tah chuan Bolero leh motor dang engemawzat leiin Damdawi in hrang hranga hman turte kan Health Minister zahawm tak pawh khan a vailiam a ni. Chuvangin kan hnathawhah tha tam tak awm mahse a chhe deuh han awm ve hi chu a awm ve a ni. A chhe lai hi kan hmu lian thin a, hmai fai tak pawh hi a bal lai hria hmawr tia lek kan kaw k kaw thin ang deuh hi a ni ve tho va. Chuvangin, an hnathawh tam tak a tha a, Medical College dinna tur atana an hmalakna te, tin, PHC hmun hrang hrangah building tharte sak sak in theih tawp kan chhuah a. Sub-Centre building te, Quarter te an sa a, an sa chho meka an la sa zel dawn baw k a ni tih ka'n sawi duh a.

Tin, chutih lai karah chuan ka bial Hnahthial-ah sawn Sub-District Hospital min sak sak a, kan lawm em em a ni. Kan Chief Minister zahawm takin NRHM hnuaiah, ama chair-na hnuaiah min upgrade sak a. A hma chuan Community Health Centre a ni thin a, chutiang tur chuan pawisa pawh hmuh a ni a, cheng nuai 130 vel. Mahse, kan Pu Hmalaknain Sub-District Hospital-ah hlankai kan ni a. Phase-I an han sa a chu nuai 130 chuan. A Phase-I kha an zo hlei thei lova, a Phase-II nena inkar in phan tuak anih avang khan, a in chungte, roof trust te, khang zawng zawngte te kha Phase-II ami tur a ni a. Mahse, Phase-I a tello theilo anih avangin Contractor-in tlawmngaihna in a han sa chho va. Engemaw zat ama sum pawh a seng niin kan hre nghe nghe a. Kan Minister zahawm takin a sakna tur kan ngaihtuah mek a ni a tihte kha a lawmawm a, lawmthu kan sawi nghal baw k a ni.

Tin, Labour & Employment chungchang hi labour welfare hi kan sorkar hian a ngaihtuah hle a, kan sorkar hmasak khan kan Chief Minister hmalaknain Labour &

Employment hi hmala theia siam a ni a. Chumi a nih avang chuan vawiinah Labour & Employment-hi department pawimawh tak leh mi sawi hlawh tak a lo ni chho ta a. Hemi avang hian an tangkaina hi a nasa zual zel dawnin a lang a. Life insure chungchangah te pawh hian hei aia nasa zawkin thawk se. Construction Company/Corporation hnuiaia hnathawk, construction worker-te an lo ni tlangpui a. An life insured loha a awm avanga thi ta mai mai te hi kan hria a ni. Hmannia kan zinnaah pawh mi pahnih an hnathawhnaa thi an awm a, an life insured loh a lo nih avang khan an contractor te nena inberemin khang mirethei te tete khan engemaw tlem chauh an dawng niin kan hria a, a pawl takzet a. Chuvangin, Labour & Employment lampang hian Labours welfare ngaihtuahin construction lampang nei Department lian deuhte ang pawh hi an agreement-ah te chiang leh zual zawka thuna labours welfare ngaihtuah chungah agreement te sign thin turin Department liante nawr se a that ka ring a.

Tin, chutihlain, skilled workers hi kan la ngah lo hle niin India hian tih chu a chiang a. Economic Times te kan han chhiar chang hian China nena kan intlansiaknaah pawh skilled workers ngah lo zawk kan nih avang hian thui tak hi chu kan hnungtawlh a ni tih hi a hriat a. Mihring tam si chhawrtlak nei tlem kan ni an ti thin a ni. Chumi a nih avang chuan Labour & Employment hian theihtawpin hma han la sela, Industrial Training Centre atangte hian mithiam chher chhuak tam sela, tichuan, skilled workers kan ngah tial tial ang a, kan rama oil laih chhuah te a lo nih hunah pheh chuan kan tangkaipui hle dawn a ni tih kha ka'n sawi duh a.

Tin, Cooperation hi tlem han sawi leh ka duh a. Cooperative Movement hi 1947 hnulam atang khan a rawn chak chho tan tih te kan hre chiang a. Cooperation hnuiaiah hian MULCO te leh a dang dangte an awm a, ka han sawi duh lai tak chu MULCO bawngnhnute hi kan in thin a, zing zanin kan in thin a. A tih takna kan pawlh hi a tak lutuk deuh nge a eng tuk hi a tam thin a. Hei hi enchian a tha mang e aw ka ti a. Zing leh zan chawei apianga in thin ka ni a, a rim atang te pawh hian a taste te nen lam pawh hian ka chik thin a. Hengah hian tih tur kan la ngah mang e aw ka tih lai tak chu a chang chuan Lactogen rim te pawh hi rawn nam chang a nei a ni. Bawngnhnute pangngai rim rawn nam chang ngah hle mah se khatiang rawn nam zeuh te a awm a. Tin, a tihtakna eng tek tuk te hi hriselna atan a tha lo hle a ni tih kha ka'n sawi duh a. Hei aia nasa hian quality hi maintain thei deuh se tih kha ka'n sawi duh a.

Sawi tur a la tam a, PHE tawitea sawi ka'n duh a. Hnahthialah sawn tui min pump sak a, kan Minister chak tak hi engtikah nge min hawnsak theih dawn aw tih te kha ka'n zawt tel duh a. Tin, Cherhluon pawh min pump sak bawka a, hei pawh hi min hawnsak theih hun tur te hi hriat

a chakawm em a, ka'n zawt a. Tin, nakum February thla hian Mizoram pum hmeichhe inkhawmpui, BCM hmeichhe inkhawmpui kan thleng dawn a. Chungah te chuan helai Hnahthial tui pump te hi kan commission hman tawh a nih chuan kan tangkaipui dawn em a tih kha ka'n sawi tel leh duh a ni e. Pu Deputy Speaker, ka lawm e.

DEPUTY SPEAKER : Tunge han sawi ve leh ang le? Kan duhtawk mai em ni? Pu Lalruatkima.

Pu LALRUATKIMA : Pu Deputy Speaker, vawiinah Demand kan ngah khawp mai a, hun a tlem si a, sawi par par kha a ngai dawn niin a lang a. Ka'n sawi hmasak duh chu Demand No. 22-na Sports & Youth Services-ah khan nikum lama kan sum neih atang khan kuminah erawh chuan cheng 52,55,000 in a tlem ta a. Sports lama hma kan lak that viau lai hian kan hmalakna duhkhawp lohna tur tam tak a la awm a, tan lakna tur te. Helai hi RE ah te pawh ngaihtuah ni sela a thain ka ring a. Tin, youth welfare activity hrang hrang kha ka han enin hma kan sawn lo, sum leh paiah thahnemngaih zual kha a ngaiin ka hria a. A bik takin Directorate building tunah hian kan la nei lova, Sports Council pawhin kan la nei bawh lova. Tin, Mualpuiah Athletics ho Association tan harsatna tam tak a awm a, throwing events engmah a tih theih lova, artificial grass a nih avangin harsatna an tawh nasa a. Engtia ruahmanna thar siam chi nge tih chu ka hre hauh lova, ngaihtuahna thar kan neih chu a tul hlein ka hria. Tin, 400 metres track lane kan han siam a, khungah pawh khuan Gallery kil thenkhat atang khuan lang thei lo lai a lo awm a. Hma kan sawn em em lai hian helai bikah te kha chuan tan kan lak a ngaiin ka hria a.

Tin, Olympic Vision 2016 kan han ti a, Budget Speech-ah Olympic ah contingent intirh kha kan Finance Minister zahawm tak khan kan tum a ti a, contingent ni lovin Olympian, Indian contingent a tel ve tur zawk kha a nih ka ring a. Chuvangin, khalaiah khan tan, nasa lehzuala tan lak a nih loh chuan nakum lawkah Olympic hi kan thleng mai dawn a ni a. Chulai chu Sports & Youth Services ah khan ka'n sawi duh a ni.

Tin, Public Health Engineering Demand 25-naah khan hei kan thang lova, kan tlahniam nasa a. Ka'n sawi tel duh chu Pu Deputy Speaker, tui hnianghnarin thingtlang leh khawpuiah te duhkhawp hmu lo mah ila kan mamawh khawp te harsa tak chungin sorkarin min han pe ta zel a. Chutihlaiin, MR te hi Aizawl khawpuiah 24x7 thawh turin kan beisei tlat mai a, M.R.-te hi sunday bikah hian a inkhawm duh tan pawh harsatna a awm a, tui lo dawngtu tan pawh harsatna a awm a. Helai hi chu engemaw ruahmanna thar kan nei lo a nih chuan mipui tui pek tur te leh tui

semute tan harsatna a awm a ni tih ka'n sawi lang duh a. Tin, tui supply turin nikum lamah ruahmanna kan siam a, tui pipe connection in a pek theih loh tam tak kha an lo awm a. Motor-in truck tam tak hire-in emergency water supply kan ti a. Tun thleng hian motor hire-na bill hi kan la pe lo a, heng hi mi harsa te te an ni a, loan laa motor lei te an ni hlawm si a. Chuvangin, kan Minister zahawm tak hian a rang lamin min ensak se ka duh a ni.

Tin, Demand dang Labour & Employment-ah khan han kal leh ila, Demand 28 na. Hetah hian kan sum hmuh pawh a fun a lian ta sawt a nikum lam aiin, a lawmawm hlein ka hria a. Ka sawi tel duh chu Youth Commission-ah nikumah cheng nuai 50 kan dah, kumin ah nuai 41.27 kan dah leh a ni a. Kumina a tlemna hi 8,73,000 a ni a. An hmalaknate vantlangin kan hria a. Chutihlai chuan hmasawn lo reng reng, a phai hawk mai a, kan kal thei dawn em ni, tun ang dinhmunah hi chuan tih ka ngaihtuah a. Helai hi chu RE ah emaw ngaihtuahna thar kan hmansak hi a tul tak meuh meuhin ka hria. Chutih karah chuan Skill Development Mission-ah Other Charges ah khan nuai 947 zet mai kan dah leh bawk si a, khalaiah khan a inla hlei em em mai a. Enge ni a awmzia? Youth Commission thalaite khawvel kan ti a, khata tana nuai 41 vel awrh kan dah laia Skill Development Mission atana nuai 947 kan dah kha ka'n ti a.

Tin, Building and Other Construction Workers Cess a kan zawhnaah te pawh kan zawt a, a lawmawm khawp mai a. Khalaiah khan ka'n ngaimawh chu hemi Cess tlingkhawm hi vaibelchhe 10 aia tam daih a nih tawh avangin awareness kalpui nasat a ngai khawp mai a. MLA hrang hrangte hi min han chhawr tangkai ta se, kan bial chhung ami te, hnathawktuten harsatna an tawh a, an fate zirna chungchanga chhawmdawlina tur te, dammawh hritlan an tawha tanpuina turte kha khami huangchhungah khan a awm vek avangin MLA te kha min rawn hmang tangkai thiam se a lawmawmin ka'n ring a ni.

Tin, Demand No. 33-naah khan Soil & Water Conservation-ah khan, coffee herna khawl hi tunah hian Republic Vengah khuan a awm a, a chhia an ti a. Coffee hi mi engemaw zatin an lo thar ve ta a, herna khawl chhe reng mai khu siam that hlan a nghahhlelhwam khawp mai a. Soil Department kan han tih hi ni e, mipui lam rilruah chuan a tlahniam ta viau mai niin a lang a. Chuvangchuan, han tharthawh leha hma thar han lakpui an ngai hlein ka hre bawk a ni.

Tin, Demand No. 36-naah Environment & Forests-ah khan, ramsa, nungcha humhalh chungchangah hian kan thangharh nasa khawp mai a. Tlawmngai pawl hrang hrangte nen kan tangho a. Chutah chuan a bik takin tunlaiah kan thalaiten ramvah ai chuan camera nena ramvah

hi an intihmuh a ni, A lawmawm khawp mai a camera tha tak tak nen ram pilril tak takah te sava leh nungcha chi hrang hrang thla te an la a, Facebook ah te an rawn pho lang a, a hmuh nawm khawp mai. Chutianga hmasawna kan neih mek lai chuan tanlakna tur tam tak kan la neih zingah Silai license te kan pe lo thei lo a, bazar vela sarep leitur la awm reng te pawh hi tan kan lak a tul khawp mai.

Tin, tuihna humhalh chungchangah te pawh hian kan tui a kang zel a Pu Dy. Speaker, helamah hian tan kan lak nasat a tul. Chumiin a entir chu thing kan phun a, kan thingphunte kan enkawl zui zel a ngai a ni. Department hrang hrangte thingphun hnatlang te kan han ti a, kan enkawl zui that leh loh avang leh a enkawl kawngah te pawh mipui mimirah awareness kan nei tha tawk lo nge ni helamah hi chuan tan kan lak a tul hlein ka'n hria a, ka'n sawi tel duh a ni e.

Tin Demand No. 24-naah hian sawi tur tam tak a awmin ka ring a, hei kan thang khawp mai a, nuai 6344 leh sing 7 zetin nikum lama kan sum dinhmun aiin hma kan sawn a. A bik taka ka'n sawi duh chu Falkawnah sawn Referral Hospital kan nei a, chutah chuan Bus service pawh hi a awm lo a ni. Damlo tan pawh a buaithlak, dam lo buaipuitu tan pawh buaithlak a ni a. Chubakah a staff te tan hlei hlei pawh a buaithlak a, Doctor 2, Surgeon 1 leh Gynae specialist an awm a, zan lamah an awm bawk si lova, zan lamah emergency thil a awm khan Doctor night duty an awm loh avangin helai hian harsatna an tawk nasa. Chuvang chuan sawlai saw kan minister zahawm tak hian en uluk deuh se tih ka sawi duh a.

Tin, kan Budget speech-ah khan Falkawnah sawn Medical College din tur a nih thu te kan lo hria a, a lawmawm khawp mai a. Helai hian Higher & Technical Education lam chan tur nge tih kha a chiang lo a, Health lam chan tur pawh a ni mai thei a. Chuti anih chuan sum dinhmun ten hma a sawn zel ang a, chulai hian chuan Central nge, State Medical College kan neih tur tih kha ka ngaihtuahna tibuaitu a ni a. State kan nih chuan kan pachhe si a, Mizoram hian University kan neih dawn tuma kan inhnial ang zet mai khan harsatna hmachhawn thei kan nih avangin, eng hi nge kan dinhmun tur hi min hrilh thei se thain ka hria a.

Sawitur tam tak a awm a, IMR chungchangah ni 27th December, 2012 khan cheng nuai 3132 kan hmu a, allocation hi kumkhat hnu deuh tho ah September 2013-ah allocation kan hmu a chutah chuan ruahmanna kan han siam a, ka bialah ngei pawh Pu Speaker, Sub-Centre pahnih min sak sak dawn niin ka hria a, ka lawm khawp mai a, lawmthu ka'n sawi tel ni sela.

Chutihlai chuan Infant Mortality Rate kan reduce tlat lo mai lai hi engtinngge ni ang? Nausen thi hi tun hnaiah phei chuan kan ngaihthlak tawh ang khan a tam thar em em mai a ni. Chuvang chuan tan kan lak a tul Infant Mortality Rate-ah. Ka sawi fo tawh ang khan IMR sum hmang hian tun hnaiah Bolero 26, Gypsy King 7, Mini Truck 3 leh Truck 2 a vaiin Motor 38 zet mai kan han lei a. Kha khan motor maintenance-te, driver salary te, POL te kha a ngaih dawn avangin funding dang kha a awm tawh dawn loh avangin hetah hian harsatna kan tawk mai ang tih ka hlau hle a ni.

Tin, IMR atana cheng nuai 1632 leh sing 5 leh sang 8 nikum September 26 a kan hmuh tawh vawiin thlengin allocate ala ni lova, heti lai hi allocation siam ran a thain kan ring a. Tin, Blood Bank-ah hian sum awm loh avangin Blood Bag lei te a lo ngai tan a, chutiangah chuan voluntary donors te tan harsatna a awm a. Thisen hi mi thahnemngaiten sum an rawn pe a, pawl leh mimal thahnemngaiten sum an thawhkhawm thin a. Helaiah hian Pu Speaker, kan House-in rem kan ti a nih chuan kan nikhat hlawhte pawh hi thawh ve ila mawle ka ti a ni. A chhan chu miin an pe a, (Speaker : I hun i hmang zo) Khawngaihni, Pu Speaker, warning bell a ni ang chu maw kha chu. Chuvangin kan thawh ve thei lawm ni. Tin, thosi kaptute lawmman vawiin thleng hian kan la pe lova, an hlawh kha kan ba rei ta mah mahin ka hria a.

Point hnih khat lek Pu Speaker, Demand No. 48-ah ICT ah hma kan sawn a, IT khawvelah kan awm a, Global Village kan ti a, chu chuan mipuite nun a nghawng nasa khawp mai a, Call Centre te, BPO kan tih te hi changtlung deuh takin Mizoramah hian neih ve a hun tawhin ka hria. Chungah te pawh chuan tan kan lak hle a tul. Tin, Social Network kan han hman danah hianin Facebook/Twitter te chihrang hrangah khan mite tihmingchhiatna te, inpho mualphona te leh thlalak mak pui pui te hi a la tam em em reng mai a, heng ang chi hi fake account in an ti a, khatiang chi te kha uluk lehzuala kan inven loh chuan kan Society a tikhawlo thei dawnin ka hria a, sawitur tam tak a awm a, kan sawi vek seng lo ang a, kha kan ngaihthlak tawh angin kan hre vekin ka ring.

Demand No 47-na MI-ah hian Work quality, Land Development leh Irrigation-ah khan maintain a tul hlein ka hria a. Tui kan la a, leilung a lo nghet lova, a chhe leh a, chutiang chuan kan thar tur ang kha kan thar tawk lo niin a lang a. Tin, Lunglei, Falkawn leh Civil Hospital Aizawl atana Instructor for Hearing Intel atan mi 3 lak an ni a. An qualification chu BA BPEd Specialist Education for Hearing Intel tih an nih laiin BA BPEd pakhat kan la a. Specialist khatiang chi ah khan qualified an awm reng laia engeni a awmzia ni aw tihte kha ka ngaihtuah a ni.

Hei UD & PA kan sawi a Pu Speaker, ka pass puilo mai dawn em ni aw ka ti rum rum a, kan member pui zahawm takten ka thlavangte min rawn hauh a, ka lawm khawp mai a. Amaherawhchu, ka bial a ni a, ka bialah chuan development kal ang ang hi kan inhriattir ve thin hi kan tih turah pawh ka ngai a, chuvang chuan, ka member pui zahawm tak te chung a thlen tawh lohna turin UD & PA Demand hi Pu Speaker, sawilo mai ila thain ka hria a. Amaherawhchu ka pass pui tho ang tih erawh chu ka sawi duh a a ni e.

SPEAKER : Pu Robiaka

Pu LALROBIAKA : Pu Speaker, ka lawm e. Demand sawi tur a tam hle mai a, kan sawi hmasak duh chu UD&PA, pahnih, pathumin insem darh thei ila, kan Minister hi han pass pui ka va chak em tih kha ka'n sawi hmasa duh a. UD & PA in nasa takin hna an thawk a, kan budget hi a tam lo hle mai a, chutih rual chuan an hnathawh nasat zia te kan hmu a. Vawiinah pawh ka hmaa sawituin a sawi ang khan ama bialah hmasawinna a lo thleng a, a hmasawinna chu lawm tak aruengin a sawiseltu ang lek lekin a rawn sawisel mai kha a lungchhiat thlakin a pawh ka ti hle a ni.

Pu LALRUATKIMA : Pu Speaker, Point of Clarification, ka sawisel hauh lo, amaherawhchu, inhriattir ve kha Member ka ni a (MLA) ka bialchhunga thil thleng kha inhriattir ve kha kan tih thin turah ka ngai a ni.

SPEAKER : I sawi zawh tawh kha, i duh tawk i sawi zawh tawh kha.

Pu LALROBIAKA : Ti chuan hei hmasawinna kan nei chho zel a, mipui kan pung chho zel a, mamawh a sang chho zel a, Vaivakawn te pawh tiang hian tih an lo ni chho a. Tin, kan sorkar hmasaah khan Temple Square te pawh tih a lo ni tawh a. Sawti khawpa nuam sawn he sorkar hian a lo siam tawh a ni. Chutiang zel chuan he sorkar chak tak hian Minister remhria kan neih avangin hetiang hi kan thleng thei a, a lawmawm ka ti a ni tih kha ka sawi duh a.

Tichuan, Demand No. 22-na Sport-ah hian han kal ve ila. Ka ngaih pawimawh leh kan sawi duh chu kan Budget hi a tlem hle mai a, nikum lam ai khan a tlem a ni tih kan hria a, heti chung hian a tlem chung chung pawhin wawiinah hian kan thalaiten an tih duh hi chu an ti thei a, ti thei turin kan Sport Minister leh kan Leader, kan Chief Minister zahawm tak hian rem an hria a ni, a nachang an hria a ni tih hi ka sawi duh a ni. Vawiina ka'n sawilan leh duh chu Catch Them Young Policy te, Vision 2016 te kan nei chho a, chutih lai chuan sport incentive kan tih hi, sport

mite tanpuina kan han pe chho nak nak a, an lawm hle a. Amaherawhchu, vanduaithlak takin i ti ang, Olympic discipline nilo kan thlauhthla ta deuh hi a paw ka ti a, hei hi engtin nge kan tih leh theih ang? Olympic game ni kher loah hian discipline tam tak a awm a, chungte chu tanpui leh thei ila a va lawmawm dawn em tih hi ka ngaihtuahnaah a lo awm a. Tin, vawiina Olympic discipline a tel lo hi nakinah chuan a zau zel dawn a, a la tel zel dawn baw si nen. Chuvang chuan helai te pawh hi kan rilruah lo awm se thain ka hria a ni.

Demand 25-na Public Health Engineering-ah hian, tuilet hnu a la awm ngai lo keini West Phailengah tunkar kal ta mai khan Teirei tui Phaileng kawnah a chik tau tau mai a, an en thap a, an lawm zia chu an sawi hlei thei lo a ni. Vawiinah hian he sorkar leh kan Minister te chungah hian bial angin lawmthu ka sawi duh baw a.

Tin, Health & Family Welfare ah hian lawmna tur tam tak kan nei a, bial min chhawmdawl na te, PHC sak that tur 2 te, sub-centre 3 lai min sak that tur atana ruahmanna awm te hi a lawmawm kan ti a, lawmthu ka'n sawi duh baw a.

Tin, Minor Irrigation-ah hian chutiang bawkin a bial angin nasa takin hma min laksak a. Vawiinah hian lo neituten an thar chhuah theih ngai loh hi kum 2, kum 3, kum 4 kal ta atang khan kan thar chhuak tawh a ni, chungte chu ka'n sawi ve duh nghal a ni.

Tin Demand No. 48-na Information & Communication Technology ah hian tunlaia kan hman tangkai dan hi a vei awm hlein ka hria a, inpuhna tha lo tak tak te, thil tha lo tak tak te kan tidarh a, hei hian nasa takin min tichiai a ni. Hman zanah khan lir a nghing a, a nghing leh dawn a ni tih te kha social media ah khan kan han hmu a, tam tak chuan an mangan phah a, kawtlaiah te an tlan chhuak a, mahni in ah pawh awm ngam lovin. Khang thu avang khan kan chiaia ni, a paw hle. Hetiang hi Mizo kan nihnaah te, Christian kan nihna angtein kan tih loh tawp tur a niin kan hriat a tha khawp mai. Chumi piah lama kan sawi tur chu Office-ah te kan hmang tangkai hle tur a ni a ,amaherawhchu, Office tam takah chuan Zuma khelh nan te eng eng emaw card khelh nan te, kan hmang ta mai mai hi a lungchhiat thlakin ka hria a. Hetiang ni lovin a nih dan ang thlapa kan hman thiam hi a pawimawh hle a ni.

Tin, Demand 33-naah hian han kai ila. Soil & Water Conservation hi kan bial hian kan chhawr tangkai hle a, vawiinah hian rubber-ah Soil Department-in hma an rawn la a, tun atanga hun reiloteah hian rubber thar chhuah tur tam tak kan nei dawn a ni. Tin chu mai ni lovin anni

hmalakna atangin NLUP hnuaiiah hmunphiah te kan han tichho a, vawiinah hian tam tak kan hralh tawh a ni. Chutiangte chu he House-ah hian ka'n sawi duh a.

Tin, Demand No.36, Environmental & Forests Deaprtment-ah hian ka'n sawi leh duh chu sanctuary hrang hrang hmun hrang hrangah kan nei a, department staff indaihlona avangin harsatna kan tawh tlang niin ka hria a. A hminga ka bial ve Dampa Sanctuary-ah te pawh khuan a thawktu kan indaihlona avangin harsatna tunah hian kan tawh mek a ni. Hei hi kan Minister zahawm tak hian min hriat sak sela. Staff dah belh theih dan minrawn zawnpuisela ka duh hle a ni tih kha karawn sawi duh a.

Tin, Demand No. 37-na Cooperation-ah hian tlemte ka'n sawi ve ang a, hmasawna kengtu tak tak an ni a. Anni hian hmasawna chi hrang hrang hma anrawn su chho a. Ka thianpa Japan rama han kalchuan an cooperation system that ziate arawn sawi a, vawiinah hian buhengzat nge an mamawh tih an ngaihtuah a, tichuan lo neituten an buh thar kha an thar tur zat chhutin lo an nei a ni. Chuta tang chuan Cooperation movement kal zelah society-ten an lo hralh sak leh a, tiang chuan cheque system-in an account-ah an thun sak leh mai a, awlsam te in hma an la a. Heng hi ka'n sawi chhuah duh chhan chu, vawiina kan ram lo neitute hian market kan ngaihtuah bawh a, tiang khan thil chi hrang hrang kan ngaihtuah a, chuvang chuan kan capacity hian a zo lo niin a lang a. Chuvang chuan Cooperation movement hi nasa zawk a Mizoramah kalpui ni thei sela, chuta tang chuan kan market system te a lo danglam ang a, nasa zawkin sum leh paiah kan intodelh dawn a ni tih hi Chiang takin a lang a. Chuvang chuan he Cooperation movement hi nasa lehzuala hma kan lak takmeuh meuh hi a ngai a ni tih hi ka sawi duh a ni. Kha te kha ka sawi theih ni mai sela, ka lawm e.

SPEAKER : A lawmawm e. Pu Vena.

Pu R.VANLALVENA : Pu Speaker ka lawm e. Thu sawi ngaihnawm tak tak kan ngaihlathawh a, kan Demand sawi tur subject hi a tam a, tam tak kan sawi hman dawn lovin ka hria a. A hmasa berin Sports & Youth Services Demand No. 22 atang khan han tan ka duh a. Sports lama kan hmasawn zia chu kan hretlang viauin ka hria, kan member pui zahawm tak takten an sawi teuh tawh a. Khang an sawi zawng zawng thil Chiang deuh mai ka rilrua awm reng hi a awm a. Term hmasa, sorkar hmasa hmasa leh lama kan hriat angin khatih laia kan Chief Minister zahawm tak kan thalaiten an auhna chu "khelmual tha, khelmual tha" tiin an au a ni tih kan hria a, ka bengah a la ri fo thin a. Vawiina kan Minister zahawmtakin Lammual khelmual phul lem hawn ni a a

thusawi ka rilruah a la awm reng a, kan thalaite chona, “Tunah chuan khelmual tha kan pe tawh che u a, infiammi tha min pe ve rawh u le” a ti a, tunah chuan kan minister zahawm tak hi kan ram thalaiten infiammi tha an pe ve ta a.

Pu Speaker, kan India ram zau tak maiah hian football khel T.V. ah te kan en thin a, India ram hmun hrang hrang ami han en hian kan Mizo infiammi tha tak tak mai hi team tin maiah hian hmuh tur an awm ve reng mai a, hengte hi a lawmawmin kan hmasawna tak tak a ni tih tichiang tu an ni a. Heng kan thalaite state danga va kal hian sum tam tak tak mai Mizoramah an rawn lalut a, hengte hi achievement ropui tak a ni. Hma kan sawn leh sawn loh lam sawi vak vak aia thil lang chiang reng mai chu chhunah khelmual thaah an inkhel ang tih kha chu thu hran ni se, kan rilru pawhin kan thlir phak loh, kan tin phak loh ni hiala ka hriat chu, kan thalaiten zanah an khel mup mup thei te saw kan hmasawna kan beisei bak aia hmasawna, kan neih niin ka hria a. Kan sorkar hi a fakawm hlein ka hria. Kan Chief Minister leh kan Sports Minister chak zia leh hmasawna hi chiang takin a rawn tilang a. Sum tlemte kan nei chung pawhin kan ngaihthlak tawh ang khan hmalam panin kan kal zel a, sum neih ang angte hmasawna tur atan then darhin hun an la hmang zel a. Pu Speaker, nichin khan kan Minister zahawm tak khan Hrangturzo lam kha a duhsak viauin ka hria a, hmasawna tur hrang hrang kha a rawn dah a, Republic Veng Hall siamna tur khan pawisa kan dil ve a, khangte kha engnge maw kan thlen tak le? Nakinah min chhan theih chuan ka lawm khawp ang.

UD&PA lam nge PHE lam ka hrethiam chiah lo va, Minister thuhmun tho a ni a, a lo hrethiam turah ngai ila. SIPMIU hmalakna hi a nghahhlelawm khawp mai a. Aizawl bikah chuan kan bial Republic Veng te, College Veng-ah te water harvesting tihna tur, field, playground laiha a chung artificial grass phah tura hma an lak hi an inruahmanna hi a rei tawh viau a. Chulo pawh thil hrang hrang kan Minister hian a hriat mai ka ring a, hmasawna tur an rawn chhawpchuak nual a. Amaherawhchu, tun thleng hian a tak hi kan la hmu chiah lo va, heng hi nawr chak deuh theih a ni em? Engtikah nge hma an rawn lak tan ang tih kha min chhan theih chuan ka lawm khawp ang.

PHE hian kan hriat theuh angin thla tin vaibelchhe nga lai chawiin hma an la a ni a. Tui to zawkin an lei a, tlawm zawkin an hralh leh a ni a. Chuti chung chung chuan Mizoram hmun hrang hrangah kan tui mamawhte min pein hma an la nasa em em a. Tuna kan budget bu-a a lan dan pawh hian thingtlang khaw 51 lai mai tui thianghlim pek tumin hma an la tih kan hmu thei a. Chu tuithianghlim pek mai chu ni lovin tui

tihthianghlimna hmanrua chihrang hrang leina tur hialte an rawn chhawpchhuak thei hi an fakawm ka ti a, a lawmawm khawpin ka hria. Chutih rual chuan khawpui lam an lo hawina tur niawm takin water supply leh sanitation lamah vaibelchhe 103 dawn an rawn dah tel a, khang kha keini khawpui bial ho hian kan lo hmu tai ve viau a, kan minister zahawm tak hian Aizawl South-I lamah te hian a rawn leihbaw thei em ang chu maw, kan lo inring viau a ni.

Tin, UD&PA hmalakna Vaivakawn lam kha kan sawi uar viau a, a bialtu tan chuan a lawmawm viauin ka ring a. Ka rilru te te chuan tanpuitu hmui ai chuan kut ngeia a taka intanpui hi a lawmawm awm mang e aw, ka ti zawk a. Kan bialah khuan Republic leh Venghluh leh Upper Republic infinna lai kawng kualah Pu R.Vanlawma(L) in bul kawng kual khu hmalak a ngai nasa khawp mai a, khu khu min hrilh hauh lo hian hma min han lak sak ve la ka lawm ngawt ang Pu Minister.

Health & Family Welfare Department hmalakna hrang hrang hi a lawmawm khawpin ka hria. Nichin khan sum indaihlohna te member zahawm tak takte khan an sawi tawh a. Sum indaihlo tak karah hmasawna tur chi hrang hrang an rawn chhawp chhuak a. A tak takah chuan, 'sum te hi chu pathumna a ni,' an ti thin a. Pakhatnaah chuan tumna, pahnihnaah hriselna, sum hi chu pathumna an ti thin a. Sum hi a pawimawh rual rualin a ber a ni lo tih hi chu a chiang khawpin ka hria. Chuti chung chung chuan Health & Family Welfare Minister zahawm takten theihtawpin hma an rawn la a, Falkawn pawh Medical College hial din tumin leh khum pawh 400 laia tihlen tumin theihtawpin hma an rawn la te saw a lawmawm ka ti a. Chutih rual chuan kan Minister zahawm takin a thusawi thin min tilawm em em tu leh kan ram tan pawh thahnemngaihawm thil a sawi thin chanchinbuah te ka lo hmu a.

Hmanni lawkah Chhattisgarh-ah nau nei thei tawh lo tur atan an inzainaah damdawi tha lo an lo hmang a, mi 10 chuang laiin an thihpui tawh a ni tih chanchinbuah te, TV ah te kan hmuin kan hria a. Chu chu kan ramah hian a thleng ve thei reng a ni tih kan Health Minister zahawm tak hian a hrechiang khawpin ka hria a. Hmanniah a thusawinaah damdawi tha kan ramah lakluh a tul zia te, damdawi tha hman a tul zia te nasa takin a sawi a, chumi venna tur atan chuan nasa takin hma a la a ni tih pawh kan hria a, chuangin a chungah lawmthu kan sawi a. Tunah hian chumi kal zel chu niin ka hria a, Generic Drug Store an ti a, damdawi tha zawk, company tha zawkin an zawrh

theihna turin tunah hian hma an la a, ruahmanna nasa tak an siam a ni tih chanchinbu atangte in kan hmu a. Mipuiin damdawi tha si, a man tlawm zawka an lei theihna turin tunah hian Aizawl Civil Hospital-a room pakhat luah turin hma an la mek a ni tih kan hria a, an hmalakna a ropui a, hengte hi a hlawhtlin hun kan nghakhlel ngawih ngawih a ni.

Tin, chanchinbu vek a kan hmuh India Today-in India ram state te zawk te Health Care lama hma la tha an thlanna-ah pakhatna kan han ni a, hengte hi a lawmawm khawpin ka hria. Hetianga pakhatna ni thei khawpa kan Health Department-ten theihtawpa kan Minister-te thahnemngaihna avanga hma an la a India ram pumpuih pakhatna kan han ni thei hi a lawmawm takzet zetin ka hria a. Hmasawna tha zawk, lian zawk kan neih zel theih hi a beisei awm a. Vawiina ruahmanna an siam zawng zawngte a hlawhtlin chuan mihring kan nih phungah kan dam chhung hian duhthusam hi chu tumahin kan thleng zo dawn lo va. Hun a lo inher a, kan duhthusam ang kha a lo sang lehzel thin a, chutih karah chuan pawisa pawh tam lemlo takin hma an han la a, he an hmalakna leh an ruahmanna hi kan ram tan tha taka a hlenchhuah theih a, a ruahmanna hi tluang taka a kalpui chhoh theih hi ka beiseiin ka duh takzet a ni. Pu Speaker, ka lawm e.

SPEAKER : Pu Ngurdingliana

Dr. NGURDINGLIANA : Pu Speaker, ka lawm e. Demand a tam a, a vai chuan ka rawn sawilo ang a, Demand pali chiah ka rawn sawi ang a. A hmasa berin Demand No. 22-na, Sports & Youth Services Department-ah hian kan Minister chak tak hian hma a la tha a, kan hria a, tunhnaiah pawh Vanglaini, nitin chanchinbu-in Mizo Award mi 5 mibik thlan chhuah zingah pawh a hnathawh rah hriain nominee a ni a, chu chuan a hril viauin ka hria. Amaherawhchu, kan budget-ah nichina member zahawm tak Pu Ruatkima sawi ang khan cheng nuai 25,50,000 in nikum ai khan a tlem a, ka uipui khawp mai a, hma an lak that tehlul nen pek belh zawk awm tak a ni a, mahse, hma a la thiam turah ngai ila. Infrastructure tha tak kan nei tawh a, ram pumah discipline hrang hrangah combat a ni emaw, major games a ni emaw Aizawlah chauh ni lo District hrang hrangah kan Chief Minister leh Sports Minister ten an sawi thin “hmanraw tha kan chhawp tawh che u a, a bak hi chu in tih ve tur a ni infiam mi ten” an tih hi a dik chiahin ka hria a.

Vawiinah hian kan inthlurbingna tur vision 2016 kan neihnaah pawh hian combat sports-ah kan lut bik hi a lawmawm ka ti a. Mizote hi kan kut leh kan ke hi a

rang em em mai bik a, kan vanneihna a ni a. Tunhnai lawkah pawh India rama inelna sang ber sub-junior level-ah final-ah khan Mizo naupang ve ve an intum thei tlat mai a ni. Chu chu kan Sports Minister-ina ‘Catch them Young’ policy a lo duanchhuah kalchho zel a ni a. Discipline hrang hrangah hian sengso teuh siin phaiah te kan kal a, amaherawhchu Medal rawn hawn lo discipline hi an awm nual mai a ni. Chuvang chuan, kan Sport Minister-in min lo hriatpui se, Coach discipline hrang hranga kan neihte pawh hi re-fresher course nei tur hian tir tam ila, game tactic a lo sang zel a, rilru game nen tiang ang khan kan Coach te pawh an intuaihriam a ngai a ni. Chu chu an hmalak zelnaah ka rawt duh a.

Tin, hemi piahlamah Youth Services a nihna ang hian kan thalai zawng zawng hi inkhelh lamah, infiamna lamah an kal vek lova, tuina hrang hrang an nei a, painting lamah te, tin, music lamah te, Mizo hi ka chhut dan chuan tunhma ka tet deuh lai khan Khasi ho khu ka ngaisang khawp a, Music-ah an thuk ka ti thin a, ril deuh deuh mai hla hi an phawrhchhuak thin a. Tunah chuan Mizo hi khitah kan ni, eng instrument pawh kan thalaite hian talent an nei tha lutuk, anmahni tihphurnan hian Music, zaimite Youth Services Budget hnuaiyah hian Aizawl-ah emaw, Aizawl khawdai deuhah emaw Auditorium pawh a ngai chuango, Jam room hi siamsak ve ila tahchuan a thlawnin an va zai dawn lova, a fee te pawh kan khawn ve ang a, kha khan Jam room-ah chuan tunlai Music Instrument thar ber ber thuan ila, lei ila nuai 30 atanga 50 chu a tawk der ang. Kha kha kan thalaite dinhmun a inang lova, thenkhat chu milian fate an ni ang, thenkhat chu hetah veng tlabirh deuh a lo awm, talent nei si mi private Studio a va kal dawn a va practice thei lote kha tam tak an awm a. Chuvang chuan anni tan hian jam room angreng deuh buatsaih sak theih ni se tih kha kan Minister ka’n ngen a.

Demand 23-na PHE ah ka’n lut leh ang a. Kei hi PHE fakmawitu ka inti mai a, Tui hi filter atangin ka in lo reng reng, tap atang hian PHE tui hi direct-in ka in tawp thin a, chu chu kan Minister-in a lo hriattur chu tunah hian a chemical proporsion inpawlhah hian tlemin a chak deuhin ka hria a, pum hi a thip deuh tlat mai a, kan department hotute kha engnge Laboratory Technician-ten kha laiah khan min lo hriatpui se ka duh a.

Tin, ka Biala hmalakna tam tak ah lawmthu ka sawi a, tunah khian Phuaijuang Pump House hawn theihin a awm tawh a, amaherawhchu, P&E Department

nen engemaw revenue la inpek loh a awm niin a lang a, kha kha inpek vat theih ni se kumthar lamah chuan a ranglama min hawnsak theih chuan a lawmawm khawp ang a. Tin, tunah Daido-ah te pawh hma min laksak thei dawn niin a lang a, Minister hnenah lawmthu ka sawi a.

Tin, Demand 24-na, Health & Family Welfare Minister hriat atana ka sawiduh chu, tunhnaiah tlawmngai pawl pakhatin drugs license pek chhuah chungchangah branch signature hriatpuina lo chuan pek tawh loh ni se tih kha engnge a chhan aw ka ti a. An license pek danah hian mumal lo deuhin thil a kal em ni tih kha ka'n sawiduh a. Tin, kan Minister-in hmannah Health Department-in Infant Mortality Vehicle chungchanga bialtu MLA theuh te guideline min rawn pek kha a sawt khawp mai a, keini bialah chuan ka hmang tangkai a. PHC te, Sub-Health Centre te phone kan nei ve a, ti hian kan inbia a, khatiang ang khan thu tha tak tak guideline MLA ten kan hriatur kha min rawn tihchhunzawm zel ula kan duh a.

Tin, Suangpuilawnah X-Ray khawl min pe tawh a, mahse X-Ray khawl bun dawn hian Radiation englo nan building bik a lo ngai a, tunah hian MLA fund atangin kan khawih dawn a. Tin, Khawruhlianah, Khawruhlian chu kan hria ang a, Darlawn tlangdung chu kawng nuam tak mahse kawng zim tak a ni a, accident te hi a tam a, Aizawla rawn phurhthlak hi a ngai chhen mai a, Khawruhlianah khian X-Ray khawl min bunsak ve theih chuan a building sak lam kha chu a bial atangin kan lo tum ve ang tih kha ka'n sawiduh a ni.

Demand No. 36-na Environment & Forest-ah hian ka'n lut leh lawk ang a. Ramngaw humhalh chungchangah hian tun aia strict deuh hian Dan hi a la siam leh theih em? A chhan chu khaw hrang hrangah ka bialah pawh Ramngaw kan nei a, a V/C te khian hmun leh hma khi an lo pe ringawt zel a, ramngaw humhalh kan ti a a pawimawhzia sik leh sa vawngtu a nihnaah hian hei hi min lo enpui se kan duh bawka ni.

A tawp berah chuan Demand No. 28-na Labour & Employment tuna scheme tha deuh mai Building Construction Scheme in tih hnuai mirethei zawkte tanpuina in siam hian Zokhaw lamah chuan mi a pui em em a, hei hi chhunzawm zel ula tih kha ka rawn ngen a ni e, ka lawm e.

*Speech not Corrected

SPEAKER : Awle, sawitur kan awm tawh lovah ka ngai a, tunah hian Minister zahawmtak Pu Zodintluanga, ama Demand hrang hrang sawihonaah khan sawifiah ngaite a sawifiah ang a, passrawn dil nghal tawh mai se.

Pu ZODINTLUANGA, MINISTER : Pu Speaker, ka lawm e. A hmasaberah Demand 46 atangin Urban Development & Poverty Alleviation Department-ah ka rawn tan ang a. Member 10 lai maiin thahnemngai takin kan Department hmasawna tur atan te leh an hriatthiam loh te an rawn sawi a, an chungah lawmthu ka sawi hmasa a. Kha Vaivakawn kha kan Opposition Group Leader-in a rawn sawi bawka a, a pawihle mai a. Bialtu MLA tan pawh a tel ve loh avanga vuina tham hmasawna Aizawl West II bialah kan sorkarin hna a thawk hi a lawmawm zawngah ngai ta mai ila. Hmasawna hnathawh a awmlah avanga MLA te an lungawih loh hi Pu Speaker, kan Chief Minister zahawm takin Minister kan nih tirha min fuihna zing ami a ni a. MLA te an bialah hna an thawhloh avanga lungawih loh hi a hlauhawm a ti thin a. Vawihnah chuan vuina tham khawp hmasawna Aizawl West-II-ah kan lo nei hi a lawmawm a, kan lawm tlang lutuk a, awmngaihna kan hrelo zawk te pawh hi a ang khawp e a te ka'n ti deuh a. Amaherawhchu, kan West II bialtu zahawm tak hi a mihring mihrinnaah pawh inhlat lo tak kan ni a, kan bulah chuan a pangchang ngam ve turah ka ngai a. Khatiang zawng khan ti ila.

Vaivakawn chungchangah hian Pu Speaker, kan Assembly kan tan ni November ni 11 khan kan Opposition Group Leader khan khuliah MLA te hrilh loh thu a rawn sawi a, khatah kha chuan hre ve mai turah kan lo ngai a keini lam pawn. Kan hna tan ni hi ni 22 nimin ni hnih kalta mai zanah khan a ni a, Inrinni zanah khatih hunlaia nimin lamah te kan MLA zahawm tak ten kan la hre ve lo an rawn tih lai a kha official taka kan hrilh lo kha a pawika ti hle a. Khulai kawng siam khu kan Chief Minister-in a ngaipawimawh hle a, nikum lampangah khan kan hnenah te a sawi tawh thin a Sorkar hmasaah. Khulai kawng chep lutuk khuan khawthlanglam tana hmasawna tur te a tithuanawp nasa a. Tin, Urban Development & Poverty Alleviation-in kan project Sihmui atanga Ramrikawn rawn chhohna tur kawngpui tha rawn kal tur hi a rawn chhuah pheichuan Lengpui leh khawthlanglam kal tur zawng zawng khu Vaivakawn kaltlang a nih tawh dawn avang khuan khulai junction khu siam a ngai a ni tih kan Chief Minister hian a sawi thin a. Chumi bawhzui chuan thiam ang tawktawkin hma kan la a. PWD mithiamte kan rawn a, a rawn tur awmtak te, annin a tih theih dan tur zawng zawng an han ngaihtuah a, Seventh Day

tlang te, Chawlhmun te, hrehawm lutuk lova kawng an chhoh nan te ruahmanna a siam theih a ni an tih hnuah Department hrang hrangte thukhawmin PHE pipe line khawih chhiat ngaite, connection tam tak tihchhiat ngai te, BSNL leh Electric Department te a kaihnawih a. Pu Speaker, hemia chance ka lak duh chu, Department official te thahnemngaihna leh an thawhona that avang hian vawinah khu kan hnathawhna khu an schedule time aiin nithumin hma kan sawn a ni. Hemi kan sawi duhna chhan hi chu, kan official-ten lungrual taka theihtawp chhuaha hma an lak hi chuan kan ram hmasawna hi chu awlsam takin, tha takin a kal thei a ni tih a tichiang em em a. P & E atangin an Engineer-in-Chief hovin an officer-te nen theih tawp an chhuah a, khulai vengin harsatna an tawh tur zawng zawng an sukiang a. Chutiingin PHE ten zan hnih, Inrinni zan atang khan an pipe chhe lo turin an tlaivar thak a. Pu Speaker, khumi kawng kan siama kan hlauh ber chu an pipe te khu kan tichhia anga, khumi tui pipe khu hmanlaia lo phum tawh a ni a, 100 m. diameter chauh a ni a. Seventh Day tlanga kan tui tanky lian a darkar 48 khawih miah lova a hawn khuan a khat thei chauh a ni. Chuvangin mipui tan harsatna kan siam nasa dawn tih an hlau a, zankhuain tlaivar thakin an vil a. Chutiingin PWD Engineer-ten uluk takin hna an thawk a.

Pu Speaker, he House zahawm tak kaltlanga ka sawi duh chu vawiin tlai khan PHE ten an pipe thar kha kawng tharah an lay vek a, pipe hlui nen connection siamin pipe hlui kha khumi kawng kan down-na ami kha an thiat thei tawh a, mipuite tana harsatna awm lovin khu lai khu kan zo thei a ni tih kha he House zahawm takah hian ka rawn sawi duh a. Kan Engineer te, a thawktute zawng zawng chungah lawm thu ka'n sawi nghal ni sela. Inrinni zan maia tan kha kan ni a, naktuk atang chuan PWD in rawra te phahin kawng siamthat hna an khawih thei tawh dawn a ni tih kha ka rawn sawi hmasa duh a ni.

Tin, kan member zahawm tak Pu K.Sangthuama khan Aizawl West-I lama hmasawna tur a rawn sawi kha, theihtawpin a rualkhai thei ang bera hmalak hi Urban Development & Poverty Alleviation chuan a tum a, tunah a bialah khuan central sorkar policy thar Smart City ang te pawh khuti lamah Sihmui lam atanga rawn kalin khawpui zauh a, khawpui changkang tak siam theihna tur hmunawl kan nei a, chung chu kan mithiam consultant te ruai turin kan Department ten theihtawp an chhuah a ni tih kha ka rawn sawi duh a.

Tin, kan member zahawm tak takte khan lawmthu sawina tam tak an rawn sawi a, an chungah lawmthu ka sawi a. Tin, kan member zahawm tak Pu T.T.Zothansanga'n Auditorium Champhaia an la neih ve loh thu a sawi kha, Auditorium hi Champhai, Mamit leh Kolasib te hi

hemi a District lianah chuan la nei lo an ni a. Chungte chu DPR kan siam a, central sorkarah thehluh a ni a, theihtawp kan chhuah a, hei hi kan nawr chhuak ngei ngei ang chu kan la ti lova, amaherawhchu, kan Chief Minister goodwill te kan hmang tangkai thin a, kan hlawhtlin theih pawh kan inring a.

Tin, District tinah hian kan Department hi kan la indaih lo em em a, Department thar kan nih avangin, nichina an sawi tawh ang khan Champhaiah pheih chuan MCS Officer ten min kawp a. Serchhipah pawh DLO Officer te min kawp tir a, chutiang chung chuan District hrang hrangah hmasawna tam tak kan kalpui thei a ni tih kha ka rawn sawi duh a.

Tin, kan member zahawm tak Pu John Siamkunga sawi Hnathial Hall khaw kha Department-in kan hria a. A bik takin kan Director leh engineer te a hmunah an va kal a, a tihdamna tur, a khaw lohna tur an hre tawh a, amaherawhchu, a siam thatna tur atan khan funding an buaipui mek a ni tih kha ka rawn sawi a.

Tin, Pu R.Vanlalvena'n a Bial chhunga tui, an hmalakna tur an tih te, sorkarin hma kan lakna ang kha hmalakna tur zel a ni a. Urban Development hian Pu Speaker, nasa takin khawpui chhunga kan khawih theih bik chu hemi Census town hi a ni a. Tin, JNNURM hnuaiia Mission cities, Aizawl khawpui chhung ang te hi 10% lump sum grant hian a khawih theih loh avangin thingtlangah Notified Town kan ti a, chungahte chuan hmalak kan ti thin a, theih ang tawkin Water Supplies-ah a ni emaw, khaw chhung development a ni emaw, khaw hrang hrangah hma kan la a, kan zo ve tep tawhin kan inhria a ni.

Tin, Water Supply te pawh khawpui chhungah nasa takin kan sawi a, tunah hian Pu Speaker, nichina kan sawi tawh ang khan Aizawl tlak lampang veng tam tak chawmtu Seventh Day tlangah khuan tanky lian tak kan dah a, a pipe line hi tereuhte a nih avangin, nichina kan sawi tawh ang khan darkar 48 chhung a ngai thin a. Tunah hian ADB atangin pipe lian zawk phum turin hma kan la a, Contractor te pawh kan thlang fel tawh a, a kawng te pawh survey vek tawh a ni a. Tun atanga hun reiloteah hna thawh tan mai tur a ni a, chumi kan tihlawhtlin chuan Pu Speaker, Seventh Day tlanga tanky khu darkar 48 duh thin kha kan mithiamte chhut dan chuan darkar 4 lekah a khah theih kan beisei a. Chutiang a nih chuan hnianghnar zawka tui pawh kan inpek theih kan ring baw a. Chungte chu an bialtu MLA zahawm tak West-II bial ami kha a ni a, a lawmawm lam zawk a ni a, amah hrilh lo mah ila UD & PA pawh kha min han pass pui hram

sela, thil thar lawmawm zawk a ni a, hrilhna chang kan lo hre lova, khangte kha hmasawna tur hnathawh, tuna hnathawh tan mai tur, pawisa pawh awm vek tawh a ni.

Tin, khawthlang lamah te, khawpui chhungah kan pipe te hi hlui tak tak a ni tawh a, chung thlakna tur chuan tunah hian ruahmanna awm sa vek, Department dangte nena thut hova engtikahnge kan thawh tan ang tih ngaihtuah turin Tuikhuahtlang atanga Bazar lampang pekna tur ang chi te kha tunah hian Urban Development atangin hma kan la a ni tih kha ka rawn sawi tel duh a.

Tin, zing lamah te kan hria a, Urban Development atanga lo piang Municipalities te chak takin an kal a, theih ang angin hma an la a. Anni ho hi B- grant hi an pek tlai avangin (mitam takin chanchinbuah te an sawi a) sorkarin engzatnge a chawi an ti thin a, keini chuan chawiah kan inngai lova. Helai a an lo pek tlai hian Aizawl Municipal Council-in an hnathawhna tur a pun phah a ni a. Kan plan neih atanga sum an hmuh belh hi AMC te kan lawmpui viau zawk a ni. Pu Speaker, plan atangin puih ngaihna a awm si lova, khatianga pawisa kan pek tlai a khatianga penalty lo awm tura khawpui hmasawna tur atana hnathawhna tur atan an lo hmang zel a ni tih kha he House zahawm tak hi ka'n rawn hrilh duh bawk a ni.

Tin, UD & PA in kan hnathawhna tam tak zinga kan lawm ve em em chu Aizawl khawpui chhunga bawlhhlawh garbage tiller chhunga awm thin an han tifa a, khawpui chhungah bawlhhlawh garbage tiller awm tawh lova ruahmanna thar Department hotuten an han siam te, Local Council te nen thawk hova, bawlhhlawh In tin atanga collect a mumal taka kan thianfai theite hi kan inchhuanna a ni a.

Tin, hmannah he lai House-ah pawh kan sawi tawh a, Aizawl tlak lamah veng 5-ah Pilot Project-in bawlhhlawh sawngbawl dan tharlam zawk, a tawih thei leh a tawih thei lo dah hranna tur te ruahmanna kan siam a. Chungte pawh chu tunah Aizawl khawpui Local Council zawng zawng tih theihna tur atan sanction pawh vaibelchhe 33 chuang min rawn pe leh tawh a ni tih kha kan sawi ang a. Khatah khanin Urban Development-ah kha chuan duh tawk ta mai ila.

Pu Speaker, Demand No. 25 na PHE-ah hian member zahawm tak tak 11 laiin an rawn sawi a. Hengah pawh hian a tam zawk hi chu lawmthu sawina a ni a. Kan member zahawm tak Pu K.Sangthuama khan an bial chhunga tui connection harsatna chungchang a sawi kha, tunah hian SIPMIU nichina kan sawi atang khan ADB funded niin Distribution System siamthatna tur

atan thawh chhoh mek a ni a. Tun atanga hun reiloteah thlang lamah pawh tui hnianghnar zawka an pek theih turin hma kan la dawn a ni tih kha ka sawi tel duh a. Veng hrang hrangah tanky lian zawk te, bialtu zahawm tak chuan a hria ang a, Tanhril-ah pawh Tanky lianpui pui te tunah siam chhoh a ni a. Khang te kha distribution network a that a, tui rang zawka kan pek theihna tur atan hmalak a ni a. Tin, Aizawl khawpui tui chawmna hi Tlawng atangin khutah Reiek kaiah, Reiek kai atangin Tuikhuahtlangah pump a ni a. Hma thar lain Aizawl Tanhril-ah te, Luangmual-ah te tanky dah a, a hranpaa pumping hran helai West tan a tihna tur atan DPR te vawiinah an siam mek a. Hemi a nih chuan Aizawl khawpuiah hnianghnar zawkin tui te pawh kan insem rual thei dawn a ni. Kan member zahawm tak tak ten lawmthu an sawina kha PHE-ah a tam zawk a ni a. Pu Vanlalzawma'n tui pipe phum chungchang a sawi pawh kha theih tawp chu kan han chhuah ve a. Connection la tute pawh hi an pipe kalna tur fel takin an nei tur a ni tih hriattimate kan han chhuah ve ringawt thin a. Amaherawhchu, kan ram topography hian a zir ngang lo va, kan kawngte a lo chep si a, kawngsirah te loh theih loha tui mamawhna a nasa si a, khatiang ang khan loh theih lohna laite hi a awm ve a ni.

Tin, Pu John Siamkunga'n a Bial chhunga Hnahthial Water Supply Scheme engtikah nge hawn theih a nih ang tih kha tunah hian a transformer kha duhthu a sam lo va, repair turin tunah siam mek a ni a. A peih veleh full commission a hawn theih turin ruahman tura hmalak a ni tih kha karawn sawi duh a.

Kan member zahawm tak Pu Ruatkima rawn sawi, Sunday-a MR hnathawh chungchang kha, ni e, hei Pathian leh mipui zarah sorkar thar a lo pian khan tui Aizawl mipuiten hnianghnar zawka kan pek theihna tur atan kan officer-ten an remhriatna te, an thahnemngaihna te, theihtawpin an chhuah a. Chengah chuan nichina kan sawi tawh Department hrang hrangte nen thawh hona tha neiin P&E te nen an han thu khawm a. Tui an pump hun chung leh power an mamawh hun chungte ruahmanna fel fai tak siamin tui mipui hnena sem tur hi tam tak kan pump chho a. Chung chu mipuite hnenah kar khatah vawi 2 tal pek dan i ngaihtuah ang u tiin hmalak a ni a. Chengah chuan kan official-ten theih tawp an chhuah a. Nichina kan sawi tawh ang khan kan distribution line hi a la te si a, Tuikhuahtlangah hian tui enganga tam pawh pump chho mah ila, khilai atanga a rawn chhuahna, veng hrang hrang a dahna hi ala muang lutuk a ni. Chungte chu a thlakna tur tunah hian ruahmanna tihfel tawh a ni a. Nichina kan sawi tawh ang khan Urban Development lam atangin a thlakna tur hi contractor te pawh tihfel tawh a ni a. Chutiang a nih hma chuan kan tui neih ang ang hi rotation-in kan sem a ngai a. Tuna Sunday a MR kan chhawrte hi thla

khat leh a chanve hnu a Sunday a rotation a chhuak tur anga hisap an ni a. Sunday apianga hnathawk lo tura ngaih an ni tih kha kan sawiduh bawk a ni.

Nichinah kan member zahawm tak takten an sawi tawh a, PHE-ah khan hmalakna tam tak a awm ve a. Kan hnapi ber chu kan sawi ang khan water supply, khawpui a ni emaw, thingtlanga mite hnena tui in tur thianghlim hnianghnara pek kha a ni a. Tin, Sanitation-ah te, thingtlangah sanitation lama an lo changkan vena tur atan scheme tam tak te an siam a, Drainage te, Sewerage te an ni a. Tin, thingtlang hmun tam takah tui in tur thianghlim anrawn pe chho zel a. Hei Swas Bharat hnuai ah pawh nasa takin hma an la chho a. Khami scheme atang khan nichina kan member zahawm tak tak ten an sawi tawh ang khan thingtlangah ek in tha te, community toilet te, Anganwadi-ahte tam tak siam a ni tawh bawk a ni. Chutiang chuan PHE in hma an la a, mipui in tui in tur thianghlim, tui an mamawh anga tam pe thei turin hma an la a. Chutih rual chuan thianghlimna lamah pawh nasa takin an kal a ni tih kha ka sawi duh a.

Tin, Urban Development hnuai ah nichina kan sawi tawh ang khan pakhat lawk ka sawi leh duh chu, khawpui chhungah kan tui chhe paihna te kan tichhuak a. Kan septic tank kan siam dan te a tha tawh lo em em mai a. Chungah te chuan 1st phase atan Aizawl East lampangah hian Sewerage system tunah ruahmanna kan nei a. Chungah chuan tender te chhuah tawhin a thawktu turte pawh thlan tawh a ni a. Chumiah chuan mipuiten an tui chhiate pawh luikawra paih tawh lovin pipe-in kan la ang a, an septic tank te, an ek ina a mi te pawh mimalin septic tank nei tawh lovin pipe in kan la vek ang a, khutah Chite luiah treatment plant changkang tak, a bula awm pawha rim nam lo tur, khawvelah pawh technology thar ber ber ang chi chu hman kan tum a ni tih kha karawn sawi duh bawk a ni.

Pu Speaker, a tawp ber atan Demand No. 22-naah hian member zahawm tak tak 11 laiin anrawn sawi a. Nichina kan sawi tawh ang khan a tam zawk hi chu lawmthu sawina te leh fuihna te a ni a. A mimala han react-na tur hi chu a tam vak lovin ka hria a. A hmasa berah chuan Pu K.Sangthuama, Aizawl West I bialtu zahawm tak khan a bial chhungah Sport lamah hma kan sawn vena tur atan tan lak a duh thu kha a sawi a. Tun Congress sorkar lo piang leh sorkar hmasa atang khan Aizawl West-I khu kan vulh nasa em emin kan inhre ve a. An bial chhungah khami hun chhung ringawt khan Cricket Stadium changkang tak mai kan sa zo hman a. Tin, Sairang Dinthar-ah te pawh Football Ground kan lai a, khumi phei chu MFA-ah kan hlan tawh a, MFA pawhin tangkai taka project an siam theihna tur atan. Tin, a bial chhung Zotlang-ah pawh Sport Complex tha tak mai Tennis Court te, Basketball Court-te, Hall te awm theihna tur tunah khuan kan siam

mup mup a, 95% kan zo tawh nghe nghe a, bialtu chuan a hmunah pawh a tlawh tawh ka ring a. Tin, Chawlhmun Basketball Court te pawh Gallery te pawh kan siam zo tawh a ni tih kha ka rawn sawi duh a.

Tin, kan member zahawm tak Pu T.T.Zothansanga'n a sawi Champhaia District Sport & Youth Officer kan neih loh chungchang kha kan hria a. A rang thei ang bera dah turin ruahmanna kan siam a ni tih kha ka rawn sawi duh a. Kan member zahawm tak Er. Rinawma'n a bial chhung Baktawng-a Hockey an tui pui zia te a sawi kha kan hria a. Baktawng leh Kawnpui khu hmanlai atanga Hockey a tui an ni a tun thlengin Baktawng khi Mizorama hockey-a tui leh la khel awmchhun a tih kha a dik chiah a. Hockey hi chawikan tumin hma kan la ve nasa a, tuna kan academy khu astro turf kum khat pawh kan la neih hmain kan academy naupangte chu Mizoram aiawh te pawhin tirh tlak an ni tawha, State changkang tak tak te pawh hun reilote chhungin an zuk hneh thei tawh a ni. Hun a lo kal zel hi chuan Pu Speaker, Hockey-ah erawh hi chuan hma kan sawn turah kan inngai a. A pawimawh ber mai khawpui chhungah hian ground te kan neih loh chuan hmasawn tak tak hi a har a.

Hei kan Parliamentary Secretary, Kawnpui Bialtu zahawm tak Pu Hmingdailova Khiangte hian a tui em em maia, zing tin deuhthaw mai hian veng hrang hrangah khawilaiah nge Hockey ground a awm theihna tur zawngin a kal thina, hmuh thuai kan inbeisei a, hmanniah pawh zingkarah Zemabawk-ah hockey ground a awm thei a ni tiin khawtlang hruaituten an sawia, chutiang chuan Hockey Mizote thiamna chi, kan naupan lai pawha milar kan neih te pawh hockey thiam an nih thin avang khan Pu Speaker, kan Aizawl N-I bialtu zahawm takin a biala hockey ground a siam theih a tih kha kan lo en anga, tunah hian free land kan neih chuan hockey ground, Astro turf siamna turin central sorkar pawh a inhawng reng a. Awlsam takin sanction hi kan neih theih kan inring a ni tih kha ka rawn sawi duh bawk a.

Tin, Pu John Siamkunga'n a sawi Hnathiala Sports Stadium sak tur kha NEC ah ruahmanna siam a ni a. Amaherawhchu, kan sorkar tharah NEC te an la mumal loh em avangin nichina kan sawi, project tam tak, Phulpui Academy te hmun hrang hrangah installment kan la hmu thei lova, chung avang chuan Pu Speaker, duh angin hma kan la chak thei lova ni tih kha ka rawn sawi duh a.

Tin, Pu Ruatkima'n Directorate building kan neih loh te min rawn vei pui kha a lawmawm kan ti a. Department upa ve tawh tak si, mahni department ram pawh nei lovin hun rei

tak an lo awm a. Tun sorkar hmasaah khan Secretariat-ah te ram kan han hauh ve a. Amaherawhchu, kha mi directorate building sakna tura kan ruahmanna te kha duhthusam angin a rawn puitling thei lova, tunah NEC ah priority no.1 angin kan dah niin kan inhria a, chutiang ang chuan hma kan la a. Tin, kan Olympic vision hi Pu Speaker, theihtawp kan chhuah a, Olympic a tel ve thei tur discipline kan thlan bikah te pheh chuan tunah hian a bik takin supplement an eina tur, an taksa chakna tur atana chaw tha te hi kan pe reng a ni.

Tin, Table Tennis-ah nikum lam khan kan junior pahnih te India ramah no.1 leh no.2 te an han ni chhova, chungte chu nakum maiah senior a lut chho tawh tur an ni a. Tunkum kum tir khan ni tain ka hria, China-ah kan tir chhova training turin, an hlawkpui em em mai a, nakumah hian training tir leh kan tum a. India ram aiawh tur thlanna tur anih avangin India ramah hnehloh an neilo tur a ni kan tih avangin training te pawh neih that tir bik kan tum a ni. Chutiang ang chuan hma kan la a, kan member zahawm tak Pu Robiaka'n a sawi Olympic discipline a tel ve lote kha Pu Speaker, Sport Council-ah hian Olympic discipline a tello tamtak kan lalut chho va, enthlak mek te kan nei a.

Tin, Sport Council a Olympic discipline ni silo Sport Council-ina kan lo enkawl chhoh te zingah, incentive cash award hi Olympic-ah chauh a nih avangin khatiang kha rules thar siamthat mek a ni a. Olympic Association ami nilo te pawh kha pek theih turin vawiinah hian rules siamtha turin department te an buai hle a ni tih kha ka rawn sawi duha.

Pu Vanlalzawma'n incentive cash award kan champion te inthlan hmaa mi kan la pek theih loh a tih kha vawiinah incentive cash award hi a special-in kan dil a, planning in non-plan nature a nih avangin Finance-ah dil leh turin min ti a, tunah hian finance-ah kan dilna hi ala awm mek a. Kan mamawh chu 170 lakhs vel a ni a. Heng angte hi kan sorkarin Pu Speaker, he House zahawm taka kan pass, kan infiam mite a tithate kan pek theihna tur atana dan kan siamte zinga mi a ni a. Chungte chu alo chhuah veleh khatiang ang kha Pu Speaker, kan pek theih kan inring a ni. Sports lamah chuan sawitur thar em em kan nei lova, kan thalaite infiamna lamah hma kan sawn chak em em a.

Tun hnai te maiah pawh khan Pu Speaker, International-ah Gold Medal 7, Silver Medal 6, Bronze Medal 17 kan la a, National-ah Gold Medal 95, Silver Medal 71, Bronze Medal 65 kan la a, Regional level-ah Gold medal 34, Silver medal 26, Bronze medal 44 te kan la a, International a kan Gold medalist te hi Pu Speaker, i phalnain pasarih lek an ni a, an hming hi ka'n

chhiarchhuak ve hrim hrim anga. Mizo thalaite hetiang International level-a kan champion theihna te hi a ropui hle a ni. Zoramsanga hi Taekwando a ni a, International Taekwando championship 2014 a neihah khan Gold medal a la a, Ricky Lalrinchhani pawh Taekwando, International Taekwando championship 2014, TBC Lalchhanhima, Weight Lifting, 2013 Commonwealth Championship, Malaysia-ah khan ala bawk a, Reuben Lalhmingmawia, Lalsangliana, K.Lalsiamthari leh Irene Lalchhanhimi te hi Karate-ah 3rd Asia Cup Karate Championship, 2013-ah khan Gold Medal an la bawk a ni. Chutiang ang chuan kan thalaite infiamna lamah hma kan sawn em em a, infrastructure tha tak tak, kan sorkar, kan hotu lu ber atanga kan thalaite hmasawwna tur a nih avanga an tui avangin khaw hran hranah Aizawl khawpui mai nilo District capital hrang hrangah kan nei chhova. Tunah hian hei kan Minister zahawm tak Pu Mathana bialah leh Champhai-ah Stadium puitling 400 mtrs 8th lane Athletic track awm theihna tur kan sa meka, Kolasib-ah sanction vaibelchhe 26 chuang kan hmu thar leh a, Stadium puitling neih theihna tur atan.

Chutiang chuan District hrang hrangah pawh hma thar lak mek zel a ni a. Nichina kan member zahawm tak takten an sawi ang khan Youth Welfare ah hian Scouts and Guides te, Youth adventure te, NSS hnuaiah te nasa takin hma kan la a, NCC ah te chutiang ang chuan Pu Speaker, kan ramah kan thalaite hma an lak theihna tur leh khawvelah kan thalaite kan pho chhuah theihna tur atan sorkarin theihtawpin hma a la a ni tih kha ka rawn sawi duh a.

A tawp ber atan chuan Pu Speaker, ka Demand no.22-na Sports and Youth Services ₹ 2844.4 lakhs, Demand no.25-na Public Health Engineering ₹ 17529.2 lakhs, Demand no.46-na Urban Development and Poverty Alleviation department, ₹ 23730.18 lakhs, a vaiin ₹ 44103.78 lakhs hi he House zahawm takah hian kan zavaia lungrual taka min pass pui turin ka rawn dil e. Ka lawm e.

*Speech not Corrected

SPEAKER : A lawmawm khawp mai. Mizoram state naupangte, te tak te atanga international gold medalist 7 kan han nei thei ta hi a ropui, a lawmawm takzet a ni. Tunah hian kan minister zahawm tak Pu Zodintluanga'n a department chan demand No.22-na, 25-na, 46-naa pawisa a dah hman theih tura pass pui tura a rawn dil chu a zavaia belkhawm nuai 44103 leh sing7 leh sang8 a ni a, chu chu pass remti zawngin 'remti' ti ru le, remti lo kan awm em? Kan awmlo, lungrual tak leh lawm takin he demand 3 te hi kan pass a ni.

Pu ZODINTLUANGA, MINISTER : Pu Speaker, ka lawm e.

SPEAKER : Awle, tunah chuan Pu Lal Thanzara, minister zahawm tak a department chan demand hrang hrang sawihona sawifiah ngaite sawifiahin pass rawn dil nghal ve tawh se.

Pu LAL THANZARA ,MINISTER : Pu Speaker, ka lawm e. Vawiina ka demand sawihonaah ka lo chhinchhiah dan chuan mi 12-in kan sawi a. Chung zinga sawitute chuanin ka department demand no.24-na Health and Family Welfare hi min sawipui vek a. Member tam takin department hmalaknaah lawmthu te an sawi a, hetiang taka he department min ngaih pawimawhpunaah member te chungah lawmthu ka sawi hmasa duh a.

Tin, nimirn lama kan lo sawi thenkhat hian bul han tan dawn ilangin. Lunglei East bialtu zahawm tak Pu Joseph Lalhimpua khanin Zobawk a PHC building tur chungchang a rawn zawh kha, khatih hunlai khan ka sawi thei mai lova, kan hotute nen kan han sawi chiang a. He Zobawk a PHC building sakna tur hi 13th Finance Commission pawisa 2013-14 atana tihfel tawh a ni a. A pawisa hi kan hmuh veleha tan tur a ni tih kha ka'n sawi hmasa duh a. Tin, nichinah pawh member ten an sawi tho, Pu Sangthuama pawhin a sawiin ka hria a. Director Health Services dah ngheh ala nilo hi enge a chhan tihte a awm a. Hemi chungchangah hian, tuna Director charge la mek hi a senior ber a ni a. Chumiina a qualification neih ang chu Director atan hianin a qualified em tih DP & AR leh department-ten an examine mek a, tun atanga reiloteah Director nghet kan neih ka beisei a ni.

Tin, nimirn House a ka lo tiam tawh angin NHM hnuaia consultant kan lak chungchangah khan kan han enchiang a. He hna diltu hi mi 15 an ni a, member zahawm tak Pu Lalruatkima, zawhna neituin a sawi ang khan MBBS candidate pawh 3 an awm a, mahse, anni hi an absent vek a ni, an appear lo interview-ah. Tin, MBA 7 an awm a, chung zingah chuan 1-in a appear lova, tin, BA 1, M Com 1 chu pawh chu a absent a, tin, MA(Sociology) 1 a awm bawk a. Tiang chuanin interview hi board hmaah thut a ni a. Chuta mark hmusang ber chu lak a ni ta a ni. Tin, member-ina board chairman hnenah a changtuin sms a thawn a tih kha, vawiin chanchinbu lamah te pawh cellphone service provider hnen atangin ka prove thei e a tih kha Pu Speaker, khawngaih takin he Session chhung ngei hianin a prove-na min pe thei sela ka lawm khawp ang.

Pu LALRUATKIMA : Pu Speaker, ka prove thei ang, ka ti hauh lo, a prove thei ang, in duh chuan in en thei ang ka ti mai chauh a ni.

Pu LAL THANZARA, MINISTER : Chutiang anih pheih chuan min rawn lakchhuah sak selangin.

Pu LALRUATKIMA : Chuvang chuan, duh chuan an en thei ang a, khalaiah khan ka thu dawna hi a daw loin ka hria.

Pu LAL THANZARA, MINISTER : En theih anih chuanininterruption.....helai Huse-ah hian a dikna chu rawn hailan kha i mawhphurhna a ni.

Pu LALRUATKIMA : ka thudawna hi sawi kher tulah pawh ka ngai lova. Chuvangin a thu thawn kha sms a ni a, ka ti a, he House zahawm takah hian Pu Speaker, chu chu a ni e.

Pu LAL THANZARA, MINISTER : I thudawna awm tawk chu chiang takin ka hria e. Hemi board a tel ve hi a ni a, a fanu hi a appear ve a, an la ta lova, khata tanga rawn in irh chhuak zel kha niin ka hria.

Pu LALRUATKIMA : Pu Speaker, Director Health Services hnuai atangin ka dawng lo tlat.

Pu LAL THANZARA, MINISTER : A lawmawm a nih chu. Engpawh ni selangin, khatianga min puhna kha en theih tur chuan min rawn siamsak la ka lawm khawp ang.

Pu LALRUATKIMA : Pu Speaker, keiman ka en thei e ka ti hauh lo, service provider-ah in duh chuan a en theih ang a, chuvangin a chiang mai a, in prove zel duh chuan kei chuan kha chu ka tih turah ka ngai lo ka ti a nih kha.

Pu LAL THANZARA, MINISTER : Pu Speaker, lo en theih talo se engtin nge ni ang? Lo ni talo ila engtin nge niang? House ah min puh tawh bawk si a?

Pu LALRUATKIMA : Chuvangin, khalai kha chu ka mawh a nilo tlat.

SPEAKER : Aaaa...englo eeee...fiah theihloh tura kha chu sawiloh ni sela, nakin zelah

Pu LALRUATKIMA : Pu Speaker, he House zahawm takah nasa takin ka sawi tawh a, sms hi a thawn lo takzet a nih chuan mipui hriat theih turin prove kha chu a mawhphurh ve a ni.

Pu LAL THANZARA, MINISTER : He House-ah sms ka thawn avanga consultant mi 1 la ta angin min puh a, chumi chu ka mawh a ni love a tih leh si hi enge awmzia?

Pu LALRUATKIMA : Pu Speaker, khalaiah khan sms a thawn vang niin a lang ka ti a. Chuvang chuan, sms-ah khaninterruption.....

SPEAKER : Aw, ngawi rawh u aw, fiah theih loh tura kha chu sawi loh ni se. Tin, kan fiah theih dawn loh chuan tihsual palh tia ngaihdam dil mai tur. Chuti anih loh chuan a tha lo.

Pu LALRUATKIMA : An rawn sawi a, nizanah pawhinterruption.....

SPEAKER : Hetah in sawi tawh chuaninterruption.....

Pu LAL THANZARA, MINISTER : Pu Speaker, vawiinah hian he House kaltlang hian Mizo mipuite leh member zahawm takte hnenah hian, Board chairman hnenah sms ka thawnlo tih ka puang e. Sms thawna mi puhna, a prove-na chu a neih theih chuan a lawmawm khawp ang.

Pu Speaker, member zahawm tak Pu K. Sangthuama khanin hei infant mortality rate chungchangte, leh vaccine avanga nausen thi tihte, thil dang dang a thahnem min ngaihpu takin thu a rawn sawi a, a chungah lawmthu ka sawi a. Ama bial chungchang bikah, Sairang damdawi in chungchangah khan, Sairang PHC hi 13th Finance Commission hnuaiyah kum 2012-13 pawisa hmanga sak that tum a ni a. A sak hna hi PWD kutah pek a ni a. A sakna hmun hma hi PWD Architect pawhin a hmunah kalin a enfel tawh a ni, Field staff quarter hi 5 sak zawh tawh

bawk a ni a, tin, Saiha Hospital hlui tawh tak chungchang a ngaimawh thu a rawn sawi a, hemi chungchangah pawh hian Pu Speaker, Ministry of DONER Government of India chuan khum za awmna tur sakna turin Non- Lapsable center pull hnuaiyah 23/9/2013 ah a approve cost chu nuai 1592 leh sing 5 leh sang 2 a ni a, chumi chu 1st installment nuai 573 leh sing 3 leh sang 1 hmuh tawh a ni a, he project hi tan mai tum a ni a, a hmun hmaah te PWD lamin hma an han la a, mahse han enchian leh hnuah a hmun hi sawn ngaiin a hmun hlui saw remchang zawka an hriat leh vangin a hmun hi an sawn leh a,heng avang hian hna hi rin aiin a kalchak thei lo a, a khaihlaka, tunah hi chuan zawh a ni tawh a. Tun atanga reiloteah Chief Engineer, Building atangin emaw Superintending Engineer Building atangin emaw he han thawk tur hian tender chhuah mai tur a ni, tih kha ka'n hriattir duh a.

Tin, TB Hospital te, Cancer Hospital te a rawn vei a, khang pawh kha tunah hian chak taka hmalak chhoh mek zel a ni a. ICU awmna hi member tamtakin kan vei tlanga a, awmna khi a remchang lo a, opposition group leader pawhin a rawn sawi ang khan, khilai hmunah khian MNF sorkar lai khan khatih laia Minister Pu Tlanghmingthanga ruahmanna a hawn a ni a. Khilai hmunah khawl bun te khi duh ang anga sawn mai theih a ni loh avangin hmun remchang zawkah pawh kan la sawn hleitheih lo a. Amaherawhchu ICU hi kan la siam leh dawn anih chuan khawi hmunah pawh kan opposition group leader-in a ngaihpawimawh ang khan, mipuiten midang an tihbuai lohna tur hmun zawn thin a ni dawn a ni. Tin, District tina damdawi in tihchangtlun hna pawh hi thawh mek zel a ni a.

Tin, Doctor specialist thingtlang lama sem zai ni se, tih rawtna neih te pawh kha, vawiinah hian Specialist 10 lak thar an ni a, tun atanga reiloteah hian Medical Officers 27 kan la thar dawn bawk a, Nurse 75 lak turah 20 in MPSC hnuaiyah an interview tawh a, tunah hian 25 interview tura ruahman leh mek a ni a, nakumah 25 interview tura ruahmanna awmsa a ni. Hengho puibawm tur hian Health Worker 50 lak tawh an ni bawk a ni.

Tin, nimin lama kan sawi tawh ang khan nausen thi hrim hrim hi chu 6 an awm a ni tih kan hria a, kan sawi tak ang khan mi 8000 vel jection zingah mi 6 an borala, vanduai thlak takin, hei hi Department-in pawh kan ti a,a chhan leh a vang pawh tunah hian chhui mek a ni a. Helaia kan chhuina titawp mai lovin kan hmuh ang ang chu Government of India-ah kan chhui dan result te thawnthlak a ni dawn a ni.

Tin, member zahawmtak Pu Zoramsangliana khanin MI a kan hma laknaah te lawmthu a rawn sawia, chutianging NHM hnuuia sum chungchangte leh thil dang dang te a rawn sawi a, helamah hian kan theih angin hma lak chhoh mek zel a ni a. Health Directorate ah Health Services chungchangah duhthawh takin rawtna a rawn siam te pawh kha kan lo chhinchhiaha kan lo bawhzui zel dawn a ni tih ka sawi duh a.

Tin, MSACS Project Director tura IAS te leh senior doctor te an la thin tih kha, nia heng hi kan hria a, mahse keini ang State naupang leh sorkar hnathawk indaihlohna karah hian vawiin ang bak hi chuan kaldan dang vak kan la nei thei lo a ni. Tin, Medical College chungchangte member tamtakin an rawn sawi a, hemi a hlawhtlinna tur hian kan Chief Minister hovin, Minister hmasate leh Parliamentary Secretary hovin ruahmanna an lo siam tawh chu chak taka bawhzui chhoh mek zel a ni a, nakinah a detail zawkin remchangah kan la sawi leh dawn nia. Tin, Champhai Hospital sak thara solar power tha tawh lo chungchang hi Department, sorkarin a hria a, hemi atan hian hma lak mek a ni a. Tin, hospital tharin an mamawh, a bialtu MLA zahawmtakin a rawn sawi ang te pawh kha NHM lam atanging a theih ang ang chu tunah hian leikhawl mek a ni.

Tin, bawhlawh halna tur chungchangah pawh hian department-in hma an la mek a ni. Tin, Champhai khian phai leiletna hmun an nei tha a, chumi avang chuan Minor Irrigation chungchangah te pawh thahnemngaih thuah, a division hial khilaah khian dah theih ni sela, a rawn ti a, hei pawh hi vawiinah chak taka hmalak chhoh mek tur a ni ang.

Tin, member zahawmtak Er.Lalrinawma khan nausen thih chungchang a rawn sawia. Nausen thih chungchangah hi chuan nichina kan sawi tak ang khan mi 8000 zinga 6 thi kha pawh kan ti a, hei hi a damdawi that loh vang te leh a petuten an tihsual vang angin a lang lo a ni.

Tin, IMR te pawh sorkarin tihhnam tumin chak takin hmaa la a, TB hospital chungchang Falkawn ami te pawh nimin lamah kan chhanna ang khan dah hran dan leh inkalpawh lutuk loa an awm hran dan turte department lam atanging chak taka hmalak mek a ni. Tin, MI chungchangah work quality a sawi kha, hei hi keipawhin a mimal taka ka vei leh Minor Irrigation department in meeting kan neih apianga ka sawi chhuah thin a ni a. Kan hriat angin an hna thawhna hi ramhnuai pilril takah a ni a, headload ngai a ni a, chuvangchuan, hnate hi vil uluk ngai a ni a, tin chutih rual chuan department-a thawkte hianin contract kan pek te ta hi an lo leisak mai ni ten kan

hriaa, chutiangchuan an mahni ten an thawk thin niten kan hria a, chungte pawh chu anmahni te nen sawihoin helam zawng hi chuan hma la tawh lo turin hriattir an ni tawh a ni.

Tin, member zahawmtak Pu T.Sangkunga'n College kan neih tur chungchang leh thil dang dang a rawn sawi te, nurse te, doctor te a rawn faknaah khan a lawmawm ka ti a, ani chungah pawh lawmthu ka sawi duh nghal a. Tin, MI chungchangah intensive farming khaw 439 ah pek a nih tawh te a rawn sawi langa. Tin, Pu Vanlalzawma'n Health Care Scheme tun aia awlsam zawka in register dan zawn ni se a tih kha, kuminah phei kha chuan uar takin YMA te kaltlangin veng tinah tlang kan au tir a. Tin, Aizawl khawpui hmun thenkhatah phei chuan kan MLA zahawmtakte khami campaign hawnaah khan thu kan sawi tir a, tih leh hunah chuan mi tam zawkte an in register theih nan member zahawm tak takte kal tlangin in bialah khan ruahmanna rawn siam kan tum dawn nia.

Dr Beichhua hi amah doctor alo ni bawk a, Health Department-ah hian thahnem min ngaihpu em em a, House ah Department anga kan mualpho theihna tur awm thil a awm pawhin House a sawi chhuah tul ti lo in, mimal takin ka hnenah rawn kalin a rawn sawi thin a, a bik takin a chungah lawmthu ka sawi duh a. Chumi piah lampangah waviin ah a hun zawng zawng hi Health Department tan a hman ral veka , lawmthu ka'n sawi a ni. A rawtna tha tak tak kan dawn te hi chak takin kan lo bawhzui anga rawtna dang dang a neih te pawh amah te pawh kan lo sawm tel ang a, ama hovin hma kan lo la thin dawn a ni tih kha kan hrilh duh bawk a ni.

Pu John Siamkunga'n Health Care a thahnemngaihna a rawn sawiah khan Bolero 26 leh Gypsy 7, LPK 909 pakhat leh 407 pathum IMR a hmalakna turin tunah motor 25 lei phalna min pek angin cheng nuai 240 hman min phal sak hman chuan motor kan lei mek a. Bolero 26 kan nei tawh a Gypsy 7 kan order tawh a, member pakhatin House-a sorkar inrenchem lohna sawi pawhin kan motor leite hi hmer tel chang a nei thin a, hei hi state sum, plan sum hman lovina hranpa health care scheme, naupiang thi tihtlemna tur lam kawnga hmalakna tur atana sorkar laipui atanga kan hmuh a ni. Member zahawmtak Pu Lalruatkima'n Falkawna thawkte tan, damlo tan bus service tha a awm lo a tih kha kan hria a, tunah hian state transport leh private bus owners association te nen hma la in hmachhawp kan nei mek a ni. Thosi kap hlawh kha waviinah chuan bat a awm tawh lo a ni tih ka'n hrilh duh bawk a. Tin, medical college hi state medical college tur a ni a, central college tur a ni lo. Hemi atana sum leh pai chungchangah pawh khan zawhna a

rawn nei a, “scheme for establishment of new medical colleges by upgradated District/Referral Hospital” tih hnuaiah cheng vbc 189 pek kan ni anga, cheng vbc 170 chu central sorkar tum tur a ni ang a, cheng vbc 18.9 hi 10 % state sorkar tum tur a ni tih kha ka’n hriattir duh nghal bawk a ni.

Member zahawm tak Pu Robiaka hi ICT Deparment rawn sawi awm chhun a ni a. Social media-a kan hman dan tha lote kha Pu Ruatkima pawh khan a sawiin ka hria a, heng ang hi kan hria dan mumal tak tunah hian siam tum mek a ni a. Tin, chumi piah lamah chuan tun aia tangkai zawka hmalak a nihna turin wawiinah hian ICT Department-in hma an la mek a, kan sorkarin ICT lama hma kan sawn theihnan nasa lehzualin ngaihtuahna a siam a, thalaiten nasa lehzuala an thiamna hmanga eizawna an hmuh theihna turin soft ware technology park pawh din tura ruahmanna peih fel a ni tawh a, hemi atan hian Mizoram University Campus-ah hmun min pe a, an chungah pawh lawmthu kan sawi a ni. BOP company lian leh rintlak ten an center Mizoram chhungah an rawn hawn theihna turin NASSCOM an tih te nen hma lak a ni a, hlawhtlin ngei pawh kan inbeisei a, kan hlawhtlin hunah chuan member-te thahnemngaihna ang khan kan bakah state danga thalaite chhawr tangkai tur khawpa hmalak tum a ni.

Member zahawm tak Pu Ngurdingliana khanin Drug license pek chungchang NGO te hriatpuinain pek ni tawh se tih rawtna awm chungchangah a pek dan a mumal lo em ni? tih zawhna a rawn neih kha, hei hi pek dan mumal zawk kan neih theih nan leh, tunlaila damdawi lar tak, khehpum tih ang zawng zawngte hi alo reh tawhna turin, NGO hriatpuina, thahnemngaihna, mai niin ka hria a ni. Tin, Suangpuilawn ah X-Ray building tur ama fund atanga lo ruahmanna tur kha lawmawm ka tiin a ropui ka ti a. X-Ray khawl hi han nei ringawt mah ila tun hnuah hi chuan X-Ray ni zung zamin kan hriseinate a tihchhiat lohna turin a building te hi uluk taka sak dan tur specification mumal tak neih loh chuan X-ray khawl hi hawn leh bun mai phal a ni tawh lo a ni. Member zahawm tak Pu Robiaka kha ruahmanna kan rawn siampui thuai ang che u kan ti tak na a, building anmahni duh dan ang hi kan neih theih loh chuan kan ruahman tum ang hian kan kal thei lovang tih a hlauhawm khawp mai tih kha kan sawi leh duh a ni.

Pu Speaker, Health Department hi NHM hnuaiah Chief Minister free medicines scheme ruahmanna kan siam a, tuna kan kalpui mekna hnuaiah hian natna tlanglawn natna khirh bik tiam lovin damdawi chihrang hrangte leiin, mizo mipuiten

damdawi man atana sum tam tak kan hman thin hi alo reh theih nan leh, mi harsa tak takten helam kawnga sum an khawhral a lo reh theihna turin Chief Minister Free Medicines scheme hi kalpui mek a ni. Hemi atan hian an duh uluk deuh hlek a, central sorkar duh danin central medical store atangin District Hospital, PHC bakah, sub-centre zawng zawng thlun zawm vekin IT Backed Drug Supply chain and Logistic System kan hmang dawn a. Hetiang ang software siamtu Center for development of Advance Computing (CDAC), Department of electronics and information and technology amite nen indawr mek a ni. He software hi bun fel a nih a, damdawi vawn thatna tur refrigerator sub center tan lei fel hnuah, damdawite hi kan lei tanin, kan semdarh thei tawh dawn a ni.

Sawi tak ang khan Medical College hi din turin chak takin hmalak mek a ni a, vawinah hian adviser tur atana ka ruat Dr. N.K. Mohanty, Delhi ami, Additional DG leh Medical Superintendent, Safdarjung Hospital, New Delhi te leh Special Director General, Health Services, Ministry of Health and Family Welfare, New Delhi-ah te pawh lo thawk tawh hi Adviser to Government of Mizoram atan kan chhawr a, chumi ho chuan a building satu turte endik turin vawiinah lo thleng tura ngaih an ni a, naktukah hian helaia kan doctor-te nen an va endik ang. Pu Speaker, Aizawl Civil Hospital tlawhchhan hian he medical college kan din tur hi ruahmanna kan siama, amaherawhchu Medical Council of India danin College leh hospital kha km 10 aia inhlal lo tur a ni tih a nih avangin, Falkawn zawk saw thum that a, khumte tihpun a, sawlai saw he medical college kan neih tum tlawh chhan atan khum 200 aia tlem lo siama, chutianga hmalak tum a ni. Hemi endik tur hian Medical Council of India an rawn la kal dawn a, chungho ten an remtih chuan College hi bul tan nghal mai turin ruahmanna a kal mek a ni. Director tur mi pali rawn dilte zingah hemi thlangtu Committee-ten Professor Doctor Lallukhum Fimate, MBBS, M.D.(Forensic Medicine) Manipur chu a thlang fel tawh a ni. Dr. Fimate hi MBBS MD, Forensic Medicine niin, Regional Institute of Medical Sciences RIMS, Imphal a Professor leh Head of Department lo ni tawh a ni a. Tin, Director te pawh lo ni tawh thin a ni. Tunah hian a hlawh tur chungchang Sorkarin a endik mek a. Hei hi tihfel a nih chuan ani pawh hi appointment pek mai tur a ni. MCI lamin an remtih chuan kum 2015-16 Session ah hian tan tum a ni a. Zirlai 50 a bul tan tum a ni.

Tin, kan rama natna kan buaipui ber cancer te, zunthlum te, lung natna te, BP sang te, heng non-communicational diseases (NCD) kan tih te hi a ni a. Heng natna do tur leh a zawnchhuah hna thawk tur hian tunah hian Department-in hma chak takin a la a. Zemabawk Cancer

Institute hi tunah hian tihchangtlun tum mek a ni bawk a. Cheng vaibelchhe 45 DPR siamin thehluh tawh a ni a, hei hi kan hmuh ngei pawh kan beisei bawk a ni.

Tin, Programme thar National Programme for Health Care of the Elderly, kum upa zawkte puala enkawlina OPD leh Ward chu Civil Hospital Aizawl leh Lunglei-ah dah turin Pu Speaker, hmalak mek a ni bawk a. Tin, National Mental Health Programme, a thar hmangin mipuiten rilru hrisel zawk kan neih theih nan theihtawpa hmalak-na tur Programme Champhai leh Saiha-ah kan siam belh bawk a. District dangah pawh la tih zel tur a ni dawn a ni.

Tin, Health Care Society hnuaiyah hian Health Insurance Scheme pahnih kalpui mek a ni a. Chungte chu RSBY Central Scheme leh, State Health Care Scheme te an ni. Kan ngaihthlak tawh ang khan helamah hian kan tihthat avangin Central atangin lawmman te kan lo dawng tawh thin a. Tin, tun hnuaiyah India Today hmalaknain Best Small State in Health Award hi kan lo la bawk a ni. Hetah hian kum 2013 – 14 chhunga beneficiaries zat chu mi 103543 an ni a. Chung zinga a rawn claim tu te chu mi 11503 an ni a. Heta tana Sorkarin pawisa a sen chu Vaibelchhe 11 nuai 55 leh 9654 a ni.

Tin, Health Care hnuaiyah hian 2013 – 14 ah beneficiaries 46432 an awm a, heng zinga 5598 hianin an rawn claim atangin pawisa 92,85,525 sen a ni a. Tin, kan sawi tak ang khan he Scheme hnuaiyah hian kan State hianin lawmman tha tak tak kan lo dawng tawh bawk a ni. Civil Hospital Aizawl ah Eye Bank kan nei a. Kan Eye Bank hi North East ah chuan a nei awm chhun kan ni a. Chumi piah lampangah chuan mi inphalte zarah mi 100 chuang zetin he Eye Bank kaltlang hian khaw eng an lo hmuh phah tawh a. Tin, chumi piah lampangah chuanin, helam pang mitdelten khaw eng an hmuh ve theihna tura part pawimawh tak he Eye Bank atang hian State pawnah pawh thawn chhuah hial a ni nghe nghe a ni.

Cardiology Department tihchangtlun a ni a. Khum 3 awm thin kha khum 12 kan nei ta a, khum 8 hi General niin, khum 4 hi CCU a ni. Test chi hrang hrang tihna khawl pawh lei a ni tawh a. Hemi chungchang hi nimirah Vanglaini Chanchinbu front page ah khan a rawn chhuak a. Laboratory leh ventilator te hi hman theih a la ni lova. Chubakah a Ward pawh hi a nihna dan tur angin a la function thei lo a ni tihte kha an rawn ziaak a. Pu Speaker, khum dah belhah hianin a enkawltu tur Nurse pek belh an ngai a. Hun engemaw ti chhung kha Nurse kan neih loh avangin a nihna dan tur angin a function thei lova. Amaherawhchu, nimir piah velah khan Nurse 8 lak tharna tur sign a ni a. Chung ho hmang chuanin he Cardiology Department hi a nihna dan tur anga

function tir a ni dawn a ni. Tin, chumi piah lampangah chuan a Laboratory te leh a ventilator te tihnunna tur hianin back up power neih a ngai a. Chumi leina tur chuanin NEC atanga sum lo kal tur a ni a. NEC atanga sum a lo la kal loh avangin khawl hi a la function thei lo mai a ni tih kha ka'n sawi duh a.

Tin, Champhai District Hospital hi kan ngaihthlak tak ang khan 30th October 2014 khan hawn a ni a. Tin, Saiha District pawh kan sawi tak ang khan 1st Installment kan hmuh chhun atang hian sak tan nghal mai turin Tender tun atanga reiloteah a chhuak dawn a ni.

National Health Mission atangin manpower mamawh hrang hrang 1000 chuang lai phuhruk a ni tawh a. Hengte avang hian kan hun kal ta leh tunlai thleng pawh hian contractual work hi lak mek a ni. Pu Speaker, Contractual work zawng zawng hi NHM hnuai atanga lak a ni a. Chungah chuan kan hotute hianin an duhsak zawng heng hi min lo pui ve la tiin an rawn ziak a, a thente pheh chuan SMS te pawhin min rawn thawn a. Chung an rawn ziah ang te chu an Department hotute hnen lamah heng hi in lo duhsak ve thei em tiin ka thawn thin a ni. Tin, an SMS te pawh ka forward thin a. Chung zingah chuan MNF Ministry a Minister zahawmtak ni thin pawhin a fapa tan a rawn ziak a. Chu pawh chu Department hotute hnenah ka thawn tawh bawk a. Chuvangin, vawiah hian Sorkar lai kan nihna ang leh a hming a Health Minister ka lo nih ve a, kan Department hnuaih hna lak turte a awm a nih chuan a tlingte chu lo sawipui ve a, SMS te kan lo thawn a nih pawhin kan tih awm loh tiah ka inngai lo. Sorkar hmasa, hmasa leh lampangah, Police a battalion an la a, Drugs addict nen lam anmahni mi leh sa an lakte pawh kha kan la hre reng awm e.

Kum 2013 khan Doctor a nghetin 88 lak an ni a. Tunhnai maiah khan kan sawi tak ang khan Specialist 10 lak a ni a. Tin, Doctor 27 lak a ni bawk a. Tin, Secretariat lamah pawh Joint Secretary, technical post hawn tharah Doctor dah a ni tawh a ni. Tin, tunhnai maia Central Sorkarin a rawn tirh Commission Review Mission(CRM) an ti a, mithiam rual Delhi atangin an rawn kal a. Chungte chuanin Mizoram hmun hrang hrang an rawn tlawh a. Chung mite chuanin Mizoram chu Health bikah Model State kan nih theih thuai min beiseipui a. Kan hma lakna an rawn hmuhah an lawm em avangin khawl leh thil dang dangte pawh min rawn pek an intiam a ni. Pu Speaker, kha kha Health Department lamah chuan ni mai se

Hun ka la rei tawh lovang a, tawite kan sawi leh duh chu, Minor Irrigation Scheme hnuaih Project thar 58 kumin chhung hian thawh tum a ni a. Hmun hrang hranga Minor Irrigation Project tharte hi thawh zawh a nih hunah Loneitu 1592 te Leilet ram

hectare 2980-a zau awm thei tur ruahmanna a ni a. A total estimate cost chu nuai sang 718 leh 26,000 a ni. Chutiang chuan M.I. hnuaiyah hian hma lak a ni a. Tin, Hydrology Project Phase-II, Indian Water Resources Management Programme hnuaiyah World Bank sum hmanga thawh tur a ni. Hydrology Project Phase-I leh Phase-II hian India rama state 13 chauh a cover a, tuna neih tur Hydrology Phase-III hi ram pum huapa ruahman a ni a. Sum leh pai ruahman pawh vbc. 3000 lai a ni a. Ministry of Water Resources leh World Bank Official te kaihhruaina hnuaiyah Mizoram chhung bik tan DPR leh PIP siam mek a ni. Khulama thuneitute ruahmanna anga thil a kal tuan chuan Pu Speaker, September 15 hmian tan hman beisei a ni a. Ruahmanna ang chuan hemi Hydrology Project-III hi 2015 leh 2016 atangin kum 2023 leh 2024 chhung kalpui tur a ni.

Tin, nichina kan sawi tak ang khan Information Technology lamah pawh khan hma chak taka lak a ni a. Call Centre te helai hmunah hian Company lian tak takte nen kan sawi tak ang khan din tum a ni a. Chutih hunah chuan mizo nula leh tlangvalten hna tam zawk an hmuh theih kan beisei a ni.

Awle, Pu Speaker, chu chu ka han sawi theih tawk chu ni mai selangin. Tichuan ka Demand No. 24-na, Health & Family Welfare Department atan ₹ 32931.60 lakh leh Demand No. 47- Minor Irrigation atan ₹ 7711.78 lakh, tin, Demand No. 48 – Information & Communication Technology-ah ₹ 1406.00 lakh. A vai belhkhawm Vbc. 42049.38 hi min pass pui turin member-te ka ngen a ni e.

SPEAKER : Awle, Minister zahawm tak Pu Lal Thanzara'n a Department chan hrang hrangah sawifiah ngaite a sawifiah a. Tah khan lawmna tur tha tak kan nei ve leh a, point tha tak mai. Keinin tha kan inti nilovin India Sorkarin Medical & Health Service-ah hian tha min ti tih kan hria a. Tin, nakinah Nodal State-a puan theih mai tur khawpin miin tha min ti tih te kha hriat a nuam a. Keini pawhin lawm nachang hria ila. Tichuan, a demand 3, demand No. 24-na, 47-na leh 48-na, a pawisa hman tura dah, a zavaia belhkhawm ₹ 42049.38 lakh hi pass pui a rawn dil a, pass remti zawngin 'remti' ti ang u le, remtilo kan awm em? kan awm lo. Tichuan Demand 22, 47 leh 48-na te, a zavaia belhkhawm cheng nuai 42049.38 te hi lungrual tak leh lawm taka pass a ni e.

Pu LAL THANZARA, MINISTER : Pu Speaker, ka lawm e.

SPEAKER : Awle, tunah chuan Pu Lalrinmawia Ralte-in sawifiah ngaite sawifiah sela, pass rawn dil ve nghal se. Tunah i sawm ang.

Pu LALRINMAWIA RALTE, MINISTER : Pu Speaker ka lawm e. Kan hotuten min enkawl tir ve Department 4 a ni a, hemi chungchang hi Member zahawm tak tak 11-in ka chhinchhiah sual loh chuan an rawn sawi lang a. Khang kha a theih ang angin an thil sawite kha han sawifiah pahin thil dangte han sawilan ka'n tum ang a. A reilo thei ang hun lak kan tum hram hram hlawmin ka hria a. Department te tak te te mah ni se, department 4 lai a nih avangin tawi lutuk chu House zahawmna nen pawh a inhmeah lo mai thei a, lehlamah chuan min lo hrethiam dawn nia.

Vawiihah khan Question Hour-ah khan Chhiahtlang ITI building sak zawh hun tur kha Tuikum bialtu Er. Lalrinawma khan min zawt a, kan inchhang hlei thei lova. Amaherawhchu, hemi scheme hrim hrim hi March, 2017-a tawp tur a ni a. Chumi hma chuan kha ITI kha anih anga function tur a ni. Chuti anih avang chuan hna lian dangte ang bawkin hna tan a nih atanga kum hnih chhunga zawh tura ngaih a ni ve a. Kum 2017 March-ah hi chuan ITI hi a nih anga kalpui hman tawh tur anga ngaih a ni tih kha kan sawifiah duh lawk a. Tin, Member zahawm tak Opposition Group Leader Aizawl West-III bialtu Pu Vanlalzawma khan eng subject te nge an zir ang tih kha min zawt a, ka sawi thei mai lova, chu pawh chu kan Officer-ten min hrilh danah chuan electronics and mechanics, mechanic repair and maintenance of light vehicle, electrician course, plumber course, welder course, office assistant cum computer operator course, hair and skin care and cutting and sewing course. Heng course 8 te hi Chhiahtlang ITI-ah hian zir tura ngaih a ni tih ka rawn sawifiah leh duh nghal a ni.

Tin, Pu P.C. Zoram Sangliana, member zahawm tak Kolasib bialtu khan member beidawng an lo hawng zut zut angin sawi a ni a, hengte hi hriat a ni em? min rawn hrilhfiah thei em? a ti a. A bik takin Bangalore leh Goa atangin a ti kher a. Kha kha engtika lo haw nge an nih tih information lam hi kan dawng thleng chiah lova. Kan record-ah chuan Bangalore-ah hian 33, Goa-ah 21, an vaiin 54 in placement an hmu tawh a, lo haw chur chur ni se chu kan hriat ka ring a. Hemi skilled development kan tih vocational training kan kalpui dan hrim hrim hi mipui hian an hrethiam chiah lo ni zawkin ka hria a, thui tak sawi chu hun kan la rei mai mai dawn a, kan sawifiah vak dawn chuan.

Hriatchian duh nei chuan Youth Commission Office-ah emaw Directorate of Labour & Industrial Training-ah zawh mai ni se tih hi tawi tein ka sawi duh a ni.

Bangalore-ah hian Oberoi-ah te, Park Plaza, Taz Vivanta, ITC Windsore tihah te, Goa-ah hian Grant Hyat , Holiday Inn leh Deltin Cruises hengah te hian kan thalaite hian placement an hmu a. Nichina Youth Commission Chairman zahawm tak East Tuipui bialtu Pu T. Sangkunga'n a rawn sawi ang khan placement 196 Youth Commission atanga an neih bakah hian Welfare Board-in a sponsored bik hi a awm leh a, vocational Training Centre dang pahnihah. Chung chu placement hmu deuh vek an ni tawh bawk a. Chuvang chuan information hrim hrim hi nikhat thil thua hian kan khawn sual ve thei thova keini pawh hian, a chhan chu khulaia ITC Windsore Bangalore a thawk kha a bang em vawiin hian kan hre miah lova. Engpawhnise, Vocational Training Provider te hian placement hi 75% tal an hmuh sak ngei ngei tur a ni, chu chu kan buaipui chhan hi a ni a. Chuti a nih loh emaw training hi tha taka an zawhpui a placement an hmuh that loh chuan keimahni Directorate te, Welfare Board te, Youth Commission te mittlung lo taka thil an tih chuan an training senso re-imburement hi an hmu thei miah lo a ni. Chuvangin, sorkar hriatpua kan tirhchhuah te chungchang thua hi chuan mipui tan hlauhthawn tur a awm lo tih hi ka sawi duh a.

Tin, engatinge in hriatpui loh an awm thei em ni, Member zahawm tak Er. Lalrinawma, Tuikum bialtuin a zawh ang chiah khan tunhmain sorkarin hetiang anga hma a lak hma hian 3rd party kan tih tuten emaw foreign thleng thlengin mi an tir dur dur thin, sorkarin heng mite hi chhanchhuah ngaiin harsatna tawh tam tak an awm thin a ni tih kan hria a ni. Chuvang chuan a theih chin chinah kan fimkhur a. Amaherawhchu, eng ang pawhin fimkhur ila misual tan hian inrawlhna tur a awm thova, heng VTP kan registered tak te pawh hi an credentials te kan han check a, an hmuna hian member-ten an hriat duh ang khian kan Officer-te an kal a, an en vek a. Tin, kan thalaite kan dah hnu pawh hian wawi engemaw zat, kei ngei pawh hian wawi engemaw zat ka tlawh a. Tin, kan Principal Secretary, kan Director te leh hotu dang dang ten wawi engemaw zat kan tlawh bawh a ni. Pu Speaker helai House-ah hian sawi kher a tul chuang lo, lokir kan tih hi lokir chhan tam tak a awm a ni tih erawh chu he House kaltlang hian mipuiten an lo hriat hi a dikin ka hria a. Engmah mimal chungchang emaw kan sawi a rem lo. Kan thalaite hi hmangaih takin sorkarin a tir liam a, anmahni mimal nunah emaw harsatna chhungkuaah emaw engemaw kan hriat loh leh kan hriatpui loh avanga Mizorama an lo kir a nih chuan pawh kan ti em em a,

chance dang zawnsak lehzal hi kan duh a ni. Chuti chung chuan tute emaw chu hnathawhna tur nei thovin placement tha tak hmu thovin mahse kan chhungkaw dinhmun te tin, vai ram nuam ka tih lem loh atangte hian Mizoramah thawh tur ka zawng teh mai zawk ang ti a lokir hi engemaw zat an awm bawk a ni. Chuvangin, a tira ka sawi tak ang khan heng chungchangah hi chuan hriatchian duh kan nei a nih chuan a department hotute hnenah emaw Youth Commission a kan hotute hnenah emaw zawh ni hram sela tih hi ka ngenna a ni.

Tin, Orient Edu Tech atangin beidawngin an lo hawng reng em tih hi a zawt a. Hei hi kan VTP register kan portal a lang miah lo a ni a. Kan hriatpuinain he hmunah hian mi tirh an awm tih kan hre lo hrim hrim a, Orient Edu Tech tih hi, hei hi chu kan hre lo a ni tih hi ka chhanna ni mai selangin a tha a nge.

Tin, Member zahawm tak Pu T.T. Zothansanga, Champhai 'N' bialtu khan Champhai-ah DEO awm mek khi min lak sawn sak lo hram ula a ti a, kha kha chu a pension tep tawh te a ni a, a hmain kan lo sawi tawh a lak sawn a nih tur awm hi ka hre lem lova tun dinhmunah chuan. engpawhnise, lung lovah lo la lo se thinrimna tur a awm lo turah ngai phawt ila a tha awm e. Khatiang kha transfer tumna a awm awm ka hre lova kha kha khawngaihin min lo hriat sak dawn nia.

Tin, District Employment Officer-te hian anmahni hmunah cess hi collect ve mai se tih kha a rawn sawi a Pu T.T. Zothansanga khan. A dik a hei hi, deduction collection at source ani tur a ni tih a ni a, chuvang chuan district level a collect tur hi a tam lo khawp mai a Pu Speaker, Directorate level-ah te hetah head of department level hian an chingfel mai thin a. Amaherawhchu, khawn tul leh tih tur a awm phawt chuan Government Order a awmsa a, March 30, 2009 ah daih tawh khan kan DEO zawng zawngte hi Cess collect tura thuneihna pek an ni. Chutianga hna an thawh theihna tur atan chuan Building and Other Construction Workers Welfare Fund atang hian vehicle te leisak an ni a, driver te pek an ni a, POL te pek sak an ni. Chuvangchuan, thawk thei tura thuam an ni a, an District-ah collect tur a awm a nih phawt chuan inthlahrung lova collect thei an ni tih ka'n sawifiah duh a ni.

Tin. Champhai North MLA zahawm tak Pu TT Zothansanga hian keipawh hmaichhanah min sawm a, a vei a, lawmawm ka ti a. Hemi Cess tlingkhawm hmang tangkai tura Construction Workers te registration chungchang hi khawpui lian leh vengva tak takah pawh

Mizorama kan khawpui hovah a chinchang hre lo tam tak kan ni a, awareness kan mamawh a ni a ti a, zahawm ka ti hle a. Zin tumin kum tawp lamah hian tan kan han la viau tak naa hun kan nei hleithe i lova, min lo hrethiam sela, ka'n tiam duh nghal baw k a. Kan zin lawk loh avanga ngaihdam dil pahin awareness campaign hi District hrang hrangah khaw pawimawh deuhah hian neih vek hi kan duh a ni tih kan sawifiah duh a ni.

Chutihpah chuan Pu Speaker, Welfare Fund hman g tangkai tura labour registration kan tih Construction Workers kan tihah hian kan chiang taw k lo deuhhleka hriatna kan nei a. Kan House Leader, Chief Minister zahawm tak hnenah paw h hian thil awmzia ka hriat ang leh ka hmuh ang te ka va report a. Entirnan, a tirah khan mi MGREGA job card holder a nih chuan register ngei ngei tur ti angin lo hriain kan lo campaign vak mai a. Amaherawhchu, a instruction kan han enchianin kha ni za inhlawhna kan tih mai sum atang khan Cess pek a nih chuan card holder te hi register vek tur tih a ni a. Mizoramah hian MGREGA atangin Cess pek a ni lova. Chuvangchuan, job card holder an nih vang ringawt a register vek tur tih kan campaign-na te paw h kha sut a ngai ta a. Chutiang deuh hlek chuan thildang tam takah paw h kal paw p paw p, Supreme Court Order avanga hmanhmawh taka kal lo thei lova innawr kal ut ut kan nih avang hian thil fel taw k lote registration-ah paw h hian hriat thiam taw k loh a awm a. Campaign tura kan tirhte paw hin chung chu an sawifiah thiam taw k loh thin avangin khaw thenkhatah phe i chuan khawpum deuhthawa register te paw h an lo awm a. Khang kha Construction Workers an ni vek lo nasa mai si a. Tin, kan han register hian, helai hi tunlai chu Mizoram titi a ni deuh a Pu Speaker, ka'n la rei deuh ang a, kan han register rual rual khan cheng za leh tih vela an han register khan an fate zirlai tanpuina tur sum dilna kha an theh lut nghal mai a ni. A senso zawng zawng ₹ 200 vela in register a ₹ 4000 vel va lak nan khan hmun thenkhatah phe i chuan an lo inzirtir a, a fel lo khaw p mai a. A registration leh a kalphung hrim hrimah hian thil fel lo ven ngaite paw h kan nei ta a. Tunhnaiah kan hriain ka ring a, India rama state lian lo hman g hmasa hovah te paw h buaithlak tak tak, sulhnu chhui har tak tak a awm a. Chuvangchuan, kan fimkhur a ngai e, tlemin hei hi chu sulhnu, hnunglam leh hmalam bih deuh ker kawrin i kal teh ang u kan ti a. Kan hmalakna kal lai mek hrim hrim hi Welfare Board atangin kan thlir uluk baw k a, Advisory Committee te paw h din thar a ni a, chungte paw h chu kan han rawn ang a, ani paw hin thurawnte min pe ang a, hei hi chu Member zahawm tak takten an duh ang hian uluk zawka kalpui zel...

Pu LALRUATKIMA : Pu Speaker, point of clarification, khawngaih takin, Mizoramah hian permanent Construction Workers hi kan awm chiah lova, in sak tur a awma thaw k mai, sak zawh hnuah hmun danga va thaw k mai kan ni deuh vek mai a. Khatiang mite kha Cess

sum kha kan ngah tho si a, hriat thiam dan kha a awm lawm maw ni le, pawisa kha nei lo ila chu thudang ni sela. Khalai te kha ka'n sawi tel duh a ni.

Pu LALRINMAWIA RALTE, MINISTER : Pu Speaker, a lawmawm e. A dik khawp mai a, kha kha zawhna tam tak pawh a ni a. Amaherawhchu, heti zawng hian vawikhat chu kan chhut a, entirnan, kuthnathawktu vek an ni si a, job card holders hi 1,50,000 emaw chhungkua approximate in awm turah ngai ila, khamite khan an membership fee kha han chhung ta raih raih sela, crore thum vel chu kan collect thei ang a. Mahse, minimum takmeuh meuh an fa zirlai pakhat chauh tan pawh ₹ 2000 theuh han claim sela crore 30 a kal dawn bawk si a. Khalaiah khan inhriatthiamna thui deuh nei ru hi chuan Pu Speaker, helaiah Member zahawm tak takte kan inhrethiam vek a, inhriatthiamna thui deuh awm chung hian kan kal a ni.

Entirnan, chumi a rawn sawi lan takah chuan migrant construction workers ho hi khutah Ministry lama kan meeting ah chuan hengho hi kan register lovang tih an hlau em em mai a ni, kan hnamdang mistiri ang chi ho hi. A fee kha an chhung a nih phawt chuan migrant labour reng reng hi register ngei ngei tur tih a ni a. Tun dinhmunah chuan helai hi an la in register chau viauin a rinawm a. Tuna Member zahawm tak Aizawl West bialtu Pu Lalruatkima'n a rawn sawi ang khan kan construction workers dik tak langsar ber chu migrant workers ho zawk hi an ni lehngal a, a dik tak pheii chuan. Thingtlangah entirnan, mistiri hna thiam a nia kan han tihte pawh hi an thawh hun chhung chu reilote, tu pa in sak chhung reilote te kha a ni ta a, Building and Other Construction Workers tih anga han register meuh tur chuan a ngamawm dawn em ni tih theih a ni a, tunah hi chuan hmun thenkhatah hi chuan in register nachang kan hre lutuk hi a buaithlak hret a, tute pawi kan sawi lovanga Pu Speaker, hmun thenkhatah erawh hi chuan nachang kan hrelo lutuk hi a buaithlak a, chuvang chuan kan DEO te nen thil inhrilhfiyah chungin tuna registration kan neih sa te pawh hi daughtful deuh deuh langsar zual engemawzat a awm nia hriat a ni a. Chungte pawh chu renewal hunah chuan renew tlat tawh lo te pawh kha an awm mai thei a. Registration hi tunah hian a dik taka te chu kal zel theih a ni tih kha kan hriat a tha bawk awm e.

Tin, an nature of work an hnathawh azir khan Local Council ani emaw Village Council a ni emaw, YMA te, kohhran te thleng pawn bengchhit zauh deuh hlek ni se a tha ang a te kan ti a. Kan population phulo lutuka kan in register kha a hlauhawm hrim hrim lam ni lovin, a cess tling khawm kha kan ngah si lova, Cess collect a nih tirh atangin vaibelchhe 20 leh tih chauh a kha kan la collect thei a ni a. An duh ai chuan kan hmangchaklo ve mah mah khanglang a, chulai pawh chu kan in tur ve tho a, claims hi engati nge in pek zel loh an ti a, mahse a claim a pawh hi

diklo a awm tlat mai a ni. A pattain a claim sak tih ang chite hetiang hi a theih loh reng reng a, claim dan diklo a miin an claim chuan an hmu thei lo. Heng pawh hi Member zahawm tak Pu T.T. Zothansanga sawi ang khan inhrilhfiyah a ngai nasa khawp mai tih hi kan hria a, theihtawpin tan kan rawn la dawn a ni tih kha Member zahawm tak tak hemi chungchang veitute khan min lo hriatsak turin ka ngen nghal a ni.

Tin, nichina ka sawiah khan member zahawm tak Er. Lalrinawma, Tuikum bialtuin a a hriat duh a kha man power supplier tih ang te pawh, a Farm hming ngei te pawn Man Power Supplier inti hming invuahte pawh Aizawlah hian hmanah khan an awm tawh a. Tin tu tu emaw (individual) mimal angte leh pawl hmingte pawhin kan lo hmu tawh thin a, heng angte hi keinin a skilled fest kan han neih kumin June thla a skilled fest kan neiha lo kalte kha an credential te kan han check a, labour Ministry lama empanel thlap te an ni tih kan chian hnuah chauh keiniah pawh register ve a ni a. Kan hriat atana ka duh chu, keini kan lungawi loh chuan khung kan VPP thawhpuite reng reng khuan khawi atang mahin an senso khu an re-imburse theilo reng reng, hei chu kan hriatchian a ngai a ni. Amaherawhchu, buaithlak deuh chu nichina Farm pakhat kan sawi ang chi kan hriatpui miah loh, kan portal a awm miah lo kan register ni miah lo hian Mizo thlalai an la train ve tho. Chungte chuan chhiat an tawh leh engemaw alo thlen pheih chuan keimahni kha min rawn au a, zanlaih te kan buai a, heng pawh hi Pu Speaker, Sorkar angah pawh kan ngaihtuah chian a ngai a, kan tih dawnah pawh hian sawichian a ngai kan ti. A chhanchu thalai 1000 chuang fe tunah kan thawn chhuak tawh a, an han train zo ang a, engkim a kal tluang a nih chuan tun Christmas hma te hi chuan 1000 te hi chu an placement-ah an kal hman mai awm mange aw te pawh kan ti a ni. Training an neih lai hian engpawh an chungah lo thleng se mawhah kan han la thin bawk si a, a senso hrim hrim kha kan hreh lam ni lovin a hautak thei angreng viau a. Kan Youth Commission Chairman te kan Director te an buaithei viau a ni, hmanni lawka thil thlengah te pawh khan. Hengte pawh hi relfel ngai ala awm a, ka sawi tak ang khan bul tan tir kan nih avangin engemaw enfiah ngai leh siamrem ngai te, kalphung tha zawk duan ngaite ala awm a ni tih kan sawi duh a ni.

Tin, Pu John Siamkunga han sawi pawh kha workers registration chungchang bawk kha a ni a. Skilled Workers kan nghah tawklo tih hi a dik a. Look East Policy leh KMMPT puitlin hun tur te, chumi denchhena Mizoramah Oil leh Gas exploration lo puitlin hun turte han tih zel pheih chuan skilled labour hi kan tlachham Chiang a, India chu sawi loh Mizoram pawh hian. Chu chu theihang tawkin kan Youth Commission-te, kan Directorate Mizoram Sorkar kan Chief Minister zahawm tak rawn chungin hma kan han la zel dawn a ni tihte ka sawi duh a ni.

Tin registration chungchangah a MLA te hman tangkai ni se tih kha Aizawl West-II bialtu zahawm tak Pu Lalruatkima sawi kha thil chhinchhiah tlak tak a ni a. Member zahawm tak take huatthu miahloah MLA kaltlang tih lam hi kan lo sawi kai miah lova, in huatthu ni lovah. A lehlamah chuan Hon. MLA te buaipuiah chuan a nawi lutuk kan tih vang pawh a ni mai thei a, Welfare Board-ah khan kan lo sawi kai miah lova. Engpawhnise, Pathian zara dam chuan December thla tirteah hian Welfare Board pawh tun term thar kumin May thla hnua kan vawi 3 thutkhawmna tur koh kan tum a. Chungah te pawh chuan kan lo sawi dawn nia, a register turte register ngei a hamthatna hmu tur ten hamthatna an hmuh ngei, amaherawhchu a diklo na na na chu register an nih loh a ngaiin kan hria a ni.

Thalaite chungchangah pawh khan Screening te hi strict chho deuh deuh ila tihte kan ngaihtuah a, harsatna tawk leh engemaw deuh te pawh Youth Commission Chairman-in a sawi tak ang khan an training te hi a tha viau a niang, training-na hmun pakhata awm peihlo kha a tlanchhuak a, a bul khawpuiah placemen a va hmu nghal mai a, chutiang chu sawi tur kan nei nual ve tho a ni. A pumpui thuah erawh chuan kan thalai te hian min tilawm a, Mizoram leh Mizoram mipuite hmel an timawiin kan hria. Hrisel lohna vang, zirna dang chhunzawm duh vang, mahni mimal nuna harsatna vang, chhungkaw harsatna vang ti a phai atanga lo haw leh kan hriat keimahnin kan beng thlenga report dik tak lo lut hi 10 chuang er awr chauh an la ni, 1000 chuangfe zingah hian tihte kan sawi duh a ni.

Ka react-na lamah hian hun ka rawn hmang tam zawk mai ang a, a fiah pah zel thoin ka hria a.

Tin sawi tak ang khan heng VTP (Vocational Training Providers) te pawh hi kan duh a nih chuan englaipawhin kan Directorate atangin a lak chhuah theih a. Mi mamawh nge mamawh lo tih hriat lemloh han thawn zel pawh kha lehkha te hi kan dawng tam a, thil ninawm mai mai te pawh hi a nihna lai hi a awm palh ve thei a, kan thawn lem lo che u a. Mizoram pawna farm 29 leh Mizoram chhunga 14 hi tunah hian kan register mek a ni tih hi ka rawn sawi a ni.

Labour employment chungchangah chuan Pu Speaker, kha kha tawk mai sela, sawi tura kan tih ve deuh pawh tikhan ka rawn ti ta duah a, ka rawn sawi zui tawhlo mai ang. A fiah tawk lo maithei a, engpawhnise, Member zahawm tak takten kan hriat duh leh a tul chu englai pawhin hrilhfiah tur leh sawifiah turin kan inring reng a ni tih te min lo hriat sak dawn nia.

Demand No. 33 Soil and Water Conservation Department chungchangah hian sawi tam kan awm lova, Pu Lalrobiaka, Dampa bialtu zahawm tak leh Pu Lalruatkima Aizawl West II bialtu zahawm tak leh Pu P.C.Zoram Sangliana Kolasib Bialtu zahawm tak tak te khan an rawn sawi lang a. Pu Lalruatkima rawn sawi coffee rah hersawmna khawl a ni awm e, kha kha sawi ang kha a ni a, siamthat theih mai pawh niin a lang a. Amaherawhchu, kan coffee chingtute hi coffee board nen hian an indawr tha riau mai a, kha kha coffee board-in an thar apiang process lova raw form a a lo leisak mai theih hi chuan farmer-te tan pawh thil a rang zawk awm e kan ti a. A processing lam hi rilruin hre tho mahse kan hotuten tun dinhmunah hi chuan thar chhuah hralh lamah hian harsatna kan nei lem lova.

Engpawhnise, hmanna kan Union Minister of State for Agriculture nen kan inhmu a, a mi zawhna pakhat ka rilruah a lo awm a, “Mizorama agriculture leh allied sector tihmasawn tur hian enge tul bera i ngaih?” min ti a. Kan subject a ni lo hle a, amaherawhchu, value addition, food processing chiah hi ka ti a. “A dik ang,” te a ti ve a, “Mizoramah kan sawi dawn nia” a tia. Member zahawm takin a rawn sawi ang khan Value Addition lam hi kan uar a ngai tih erawh hi chu thil dik niin kan hria a. Kan khawih sen loh leh kan buaipui sen loh te kan thlen niah chuan coffee-ah pawh hian a tul ngei ang tih kan ring a ni a.

Tin Soil Department-a kan enkawl tho rubber-ah pawh hian a diktak chuan stage 1-na han process mai ang hi chu tih ngei ngei a ngai ve tlat a. Entirnan, an her phek a smoking roomah an dah a, sen khek khawk hian an siam chhuak a. Rubber board Kottayam leh Kerala India rama rubber lamah no. 1 State kan tih hmannah ka zuk tlawh a, kan Officer-te nen. An processing unit te, plantation te a hmunah kan tlawh a. Rubber chungchangah hian sawi tur tam tak a awm a, kan Department hianin Mega Project han tih tling ve deuh hi kan siam a. Mizorama potential area zawng zawngah rubber chin a nih theih nan, mahse funding source hi an han dap a. Delhi lama kan sorkar hotu pawimawhte nen Tripura te nen kan indawr mek a. Tripura lamah khawi lamah nge in zawn te kan ti a. Anni khu rubber-ah an che tha, a an lo zawng zau lutuk lova, anmahni leh anmahni khu an lo indawm thei angreng khawp mai a. Hemi rubber hmanga Mizoram dawm chhuah tumna scheme hi kan nei ve a, chu project chu lianpui hi kan siam ve a vaibelchhe sang chuang lai ni turin. Amaherawhchu, khati pui pui nilo pawh ni sela, funding source dang dang te kan han zawng anga.

Member zahawm tak Pu P.C.Zoram Sangliana khan Kolasib a inhmun khu inhmunah kan dil che u a kha kha enge ni a rawn ti a. Office lamah hian Pu Speaker, hetiang dilna hi ka la

dawng chiah lova, dilna kan dawn chian deuh ber chu UD &PA in bawlhhlawh paih nan min dil a, Department-in ram kan nei duai mai a hmang tangkai lem si lovin, Department dang hmalakna tur atan kan hlehthlak phal bawk si lova, hmun thenkhatah chu chuanin development a timuang em em a, project a tipuitling har thin a kan hriat avangin kan Department Soil & Water Conservation-a kan Officer-te leh kan hotute nen kan inrawnnaah kan hman tangkai loh hi chu a hmang tangkai theitu Department hnenah pe zel ang kan ti deuh a ni. Chuvang chuan Khuangpuilamah pawh khuan bigha 13 niin ka hria, UD & PA bawlhhlawh paihna tur hian kan hlehthlak tawh a, amaherawhchu private party hnena hlehthlak tih ang chi kha chu kan ngaihtuahnaah a la lut lova. Member zahawm tak khan min lo hriat sak sela. Hmunphiah hi lawmthu te a rawn sawi a, a ram to te, NLUP atanga tharte pawh Kolasib District khuan thar nasa a, an lawmpuiawm a. Tin, Forests Department lam te pawhin NLUP a tharchhuahte reng rengah chuan royalty an lo la lo tawh bawk a, chungte avang chuan Hmunphiahah hian Soil & Water Conservation Department hmalaknaah chuan NLUP hmalakna hnuaiah a ni hial awm e sum lo haw leh rang berte zinga mi a ni a, cheng vaibelchhe tam tak hengah hian a lo lut ve tawh a ni tih te kha ka'n sawilang ve duh hrim hrim a.

Tin, Rubber leh Coffee chungchang kha Pu Lalrobiaka, Dampa bialtu MLA zahawm tak khan a rawn sawilang a. Rubber hi Mamit District khu a potential area kan ni a, Mamit District MLA Association President, Mamit Bialtu MLA zahawm tak pawh hi Rubber sawi chuan thawchham dawn dawna sawi thei a ni tawh a ni, awareness campaign bei atan a tha khawp mai. Mahse, kan Department mithiamten an thlir danah chuan Tuirial chhakhlaham reng reng hi chuan Rubber hi chin loh ni se tih a nih kha kan hria ang a. A chhan chu alleviation hi sea level atangin a sang lutuk a, chuvang chuan Rubber chinna atan a tha lem lova ni tih te min lo hriatsak ula.

Lawmthu sawina tur kan ngah hle a, Soil Department chungchangah pawh hian. Kan Department hmalakna chi hrim hrim hi tunhma khan river valley project han tih ang chi te kha neih a ni thin a, amaherawhchu tunah chuan RKVY ah hian kan inngat lian em em a, nikum ai chuan kuminah hian RKVY hnuaiah hian allocation kha min pe chhah bar bar khawp mai a, a let aia tam min pe a, kan lawm hle mai a, chumi hnuaiah chuan 2013-2014 ah project 7 kan sut theih laiin kuminah erawh chuan project 13 kan su thei dawn a, chu chu a lawmawm kan ti hle a ni tih kan sawilang leh duh a.

Sawi tur tam tak a awm a, staff indaih lohna tih ang chite hi chu a common em em mai a, sawilan kher pawh hi a tul em aw ka ti a. Kan meeting hmasa bera kan resolution-ah chuan theihtawpin staff indaih lohna te hi chu hnawhkah kan dil ang a, mahse mihring awm ang ang te hian post luahkhah hun kan nghah chuan hnathawk lovin kan awm mai dawn si a, chuvangin tunah hian sanction post zawng zawnga 1/3 hi a ruak a ni a, Soil Department-ah hian. Kan tuar nasa khawp mai a, amaherawhchu theihtawp an chhuah a mihring indaihlo em em chungin. Pu Speaker, kan hmathlir pakhatat chuan Tuirial Hydrel Project hi a live hi kum 100 ni tase, soil erosion avang hian kum 70 pawh a tling dawn em ni? kan ti. Chuvang chuan, soil conservation measures hi a tul takzet a ni tih kan hria a, hemiah hian, a bik takin kan Hydrel Project catchment area-ah hian soil conservation measure hi livelihood support chungin, eizawna siam sak chung a kan duang chhuak thei a nih chuan a tha ang kan ti a. Lei kalral nasa lutuk leh a kawr dunga inchhek hi a nasa lutuk a. Farakka Barrage te pawh kan hria a West Bengal-ah, heng hi a inchhek hnu a buaipui ai chuan a inchhek hma a buaipui chi a ni a, lei chunglang hang tha a ni lehngal a, khang kha kan ngaihtuahnaah a awm a. UN Joint Initiative ah te phei kha chuan project te pawh kan thehlut ve a, lian deuh deuhvin tih te kan report pah duh bawka ni. Amaherawhchu, khang kha engtika puitling tur nge a hriat theih lova he House zahawm takah hian ka'n sawilang hrim hrim a ni.

A pahnihna kan thleng chauh a ni si a, Pu Speaker, Environment & Forest chungchangah khan member zahawmtak tak mi 9 laiin an rawn sawilang a, kha kha a theih angin kan rawn chhang dawn ang a. Wood Based Industries chungchangah khan NLUP hnuai Furniture Industry, Question Hour-ah pawh sawilan a ni tawh a, heng hi enfiah chu a ngai a ni. Amaherawhchu, nichina kan sawi zuau ang deuh khan tunah hi chuan Saw Mill thar te kan nei tawh bawka, a zia loh dan hi hmang huai deuhhlekk ila a tha ang a te pawh kan inti a. Supreme Court hi kan hlau lutuk a ti a, Opposition Group Leader zahawmtakin a rawn sawi ang deuh khan Supreme Court hi kan hlau em em mai a, India ram hian, bel dum loh tur a tih pawhin Motor Glass pawh a var nghal thut mai a. Chuvangin, Democracy Pillar pathum kan inzahtawna hei hian a tilang chiang a han pawisak loh valh valh chu a dik bawka si lova. Chuvangin a Pillar pawimawhtak Judiciary kan zahder thin hi a tul a. Anni lam order leh direction lam en hi chuan a kal hleitheih loh reng reng. Environment & Forest phei chu concurrent list ami a ni hrim hrim lehngal a, hei hian thil a tiharsat tawh nak a laiin Supreme Court tih thu hi a rawn awm ve reng mai a, chu chu ka thutirh phei kha chuan kan PCCF te nen khan kan inhnial bap

bap a ni. “A engnge in sawi tei vet ka ti a,” Amaherawhchu nichina kan Opposition Group Leader zahawmtakin a sawi ang khan hengte hi chu kanrawn en ang a, Kolasib District-ah chuan a harsa ber kan ni tih Pu P.C. Zoram Sangliana’n arawn sawi te pawh kha a dik ang. Amaherawhchu, kha Rules thar kha nei mah ila, District tinah hian Saw Mill engzat nge awm tur, Industrial Estate engzat nge awm tur chumi hnuaiyah chuan Secondary Wood Based Industry engzat nge awm tur tih te survey neih hmasak zet a ngai a, chu chu tunah hian buaipui a ni a. Chu chu Empowered Committee Central-ah thawnthlak ani a, annin anrawn approve thlap loh chuan dan ang tak chuan Saw Mill hi a function thei lova. Heng thilte hi chak takin buaipui mek a ni a, heng hi chu reiloteah a kaltlang theih mai kan beisei a harsa lo takin. Engpawhnise, a Rules a kha kan himna turin kan nei tawh a, Khami hnuaiyah khan a Industry a secondary Wood Based Industries tih te pawh fel takin kan kal thei dawn a ni tih kha he House zahawmtak leh Member zahawmtak te ka’n hrilhduh a ni.

Tin, sum hman fimkhur loh, hmandik loh a tam a ni tih kha member zahawmtak Aizawl West-I bialtu Pu K. Sangthuama’n arawn sawilang a, a dik ang. Department tinah hian engemaw sawitur a awm a, National Bamboo Mission tih te pawh arawn sawilang a. Hei hi Society-in a implement a ni a. Industries Department lamah pawh he sum hi a luangliam ve a, engemaw sawi a tam khawp a, lehlamah chuan a sum hi Union Agriculture Ministry atanga lo kal a ni a, a Nodal Department chan hi han chang viau mah ila, State Level-ah hian Society-in a enkawl a ni a. Sawitur kan nei tam vak lova. Heng kawngah hian kan hriatchinah chuan kan DFO te kuta sum lo lut hmanga plantation an han raise ve te hi a senso san aiin a zim deuh lo maw han tih te, a tha khawp a lawm mawle han tih te mai loh hi tih theih lutuk kan nei lem lova, helaiah hian. Engpawhnise, theihtawpin hengah pawh hian kan mawhphurhna chin chinah kan intur tang ve reng a ni tih te ka han sawi duh a.

Tin, Forest-ah pawh hian nichina Soil Department kan han sawi tak ang deuh chauh kha a ni a, member zahawmtak Champhai North bialtu khan Champhai DFO Office indaih loh zia kha arawn sawi a, a dik ngawt ang ka ti a. Sanction Post 1357 ah hian 963 an awm mek a, 454 hi a vacant a ni. Forest Department-ah pawh hian hmun thuma thena hmun khat hi vacant a ni a. Tin, kan field staff, regular staff tam ber zawk hi an han inkhenkhawng pawh hian hmusitna ni lo se Pu Speaker, an khawng hleithei tawh lo, a tam ber chu, an kul deuh pap vek tawh a ni. Kum 50 tlinglo hi 10 vel bak kan awmlo an

ti, reiloteah phei chuan an pension ang a, Forest Department hi a bo ti tih theih mai awm mange aw kan ti thin. Hei hi chu kan hotute hnenah chhum lo chat lovin kan sawi ve a, kan harsatna hi sutkian dan tur te pawh min ngaihtuah sak zel turin kan beisei a ni.

Tin, Forest-ah hian sawi tur a tam khawp mai a, sawitu in tam bawk si a, Red Sandal tih chungchang hi sawi a tam khawp mai a. Hei chanchinbuahte pawh hian an rawn sawi thin a. Red Sandal Wood tih te, Red Wood tih te hian an sawi thin a. Amaherawhchu, Sandal Wood leh Verappan-a chu kan hrechiang tawh a. ‘Sanders’ hi Sandal Wood a ni lova, thing chihrang daih a ni a. Hei hi chu hriat ve hrim hrim a tha a. Thing chi hrang daih a ni a, Andhra Pradesh ami a ni. Andhra Pradesh khua leh tui a ni i ti mai ang, a tual tona ram hi. Chuvang chuan a thing hi tunlai tawngin thing ‘special’ deuh a nih avangin chuti mai maia hralhchhuah leh chin hi har deuh mai a ni a. Nie, chanchinbu lam Vanglaini leh chanchinbu dang dangah te pawh alo lan tawh ang khan, Mizorama kan mau tawlh hi logs 2867 tih kha a dik a ni. Chumi zinga mi logs 1839 a bo kan tih hi a ni a. A chhan chu a phurtute leh Department hi an lo inkhing a, chutichuan khatih laia Additional District & Session Judge - I, Aizawl District-ina order a siamah chuan June ni 27, 2011 ah hei hi a neitute hnenah inpe kir tur a ni tih a ni tlat a. Chuvang chuan kha order awm lai tak, Department pawhin khin letna hun a neih loh lai tak, Holiday-ah Zemabawk Chowkidar hnen atanga chabi dil chhuakin, “Court-ah kan hneha, kan ta a ni,” tih chhalin mi tuten emaw log 1289 an la chhuak a ni. Chumi hnuah chuan logs 10 vel hi Aizawl Forest Division hnen atanga bo a ni a. Hemi chungchangah hian FIR thehluk ve ve a ni a, thubuai a la kal reng a, tunthlengin chhui a la ni a. Hriat chian chiah, a kaikuang tak hi tun thlengin hmuhfiah a la ni lo erawh a pawh khawp a. Amaherawhchu, chhui mek ala ni tih erawh ka’n sawi duh a.

Kan Department, Environment & Forests hian tunah hian tum 848 kan la kawl mek a, hemi chungchangah hian Govt. of India Environment, Forest & Climate change Ministry tih a ni tawh a. Heta tang hian October thla khan instruction a lokal a, chutah chuan a neitu State, Andhra Pradesh-ah thawn thla rawh u min ti a. Amaherawhchu, a phurh man te engtin nge ni ang tih chungchangah Andhra Pradesh sorkar nen tunah hian kan indawr mek a ni tih rawn sawi langtu kan MLA zahawm takte, ka’n chhang nghal a ni.

Tin, Tawi Wildlife Sanctuary chungchang kha Er. Lalrinawma’n a rawn sawi a. Hmanni khan Starred Question hmanga rawn zawttu khan a rawn zawt nawn leh a. Tunah pawh kan Department chungah pawh kan sawi tam dan chu hei hi a ni. Forest Department hian, “Hei

hi kan ta kan ti,' tih hi i ching lovang u, hei chu ram mipuite ta a ni zawk. A pawimawh avangin keini chu a enkawltu Department kan ni chauh zawk a ni." Mipui pawh hian hei hi an hriat chian a ngai em em a. Tawi Wildlife Sanctuary a ni emaw, Dampa Tiger Reserve a ni emaw, a to bulah hian a area Village Council an ni emaw, Wildlife Protection Act ah hian rawn hmasak a ngai lo. Entirnan, U.T. Ministry hmasa berah Pu Chawngkunga, khatih laia MLA zahawm takin Dampa Sanctuary khu siam a ngai a ni tih Resolution a pulut a. Chumi bawhzuina kal zelah chuan an rawn rin pawp mai a. Hetah pawh hian November ni 29, 1978, UT kan nih lai khan Pu Speaker, Preliminary Notification an siam daih tawh a. Chutihlai chuan Preliminary Notification an siam lai chuan he Wildlife Sanctuary hi 40 sq. miles a zau tur a ni tih a ni a. Amaherawhchu, hun a lokal zel a Final Notification te alo chhuak a, he 1978 Notification a chhuah hnuah hian a concern District Collector-in kha nungcha emaw, ngaw, thing, Environment & Forest thlirna atanga humhalh tlak anih phawt chuan Preliminary Notification an chhuah phawt a. Chumi chhunga mimal interest neite reng reng chu District Collector in a verify a, 'settle' fel ngai anih chuan a va siamfel vek a. Chumi hnuah chuan Final Notification a chhuak thin a ni, chu chu a 'step' a ni a. Chutianga Notification a chhuah hnuah chuan 40 sq.km, (sq. mile 40 tih a ni nghe nghe a), chu chu zau tak a ni a. Sq.km 35.75 tih hi November, 16th 2001-ah khan alo chhuak ta chauh a ni. Notification chhuah atanga kum 24 naah final hi a chhuak a ni. Chuvangin kan sawi tak ang khan ram hi mipui hian kan ta hlih hlih a, hei hi a lawmawm a, kan inzawm tlat bawk a, kan ta a ni.

Amaherawhchu, kan ta anih dan hi kan hmang thiam tawk lo fo thin a. Chuvang chuan sorkarin Reserve chi hrang hrang hi a siam ta a ni. Kan ta a nih rual leh mipui ta anih rualin ram chhunga thuneitu chu sorkar anih avangin Periodic Pass emaw, Land Lease emaw, LSC emaw kan neih pawhin a neitu sorkar hnenah chhiah kan chhung thin a ni. Chuvangin sorkarin humhalh tula a hriat a, Notification a chhuah hian Dan a bawhchhe lo va, Dan angin a kal zawk a. Hmun thenkhat Fringe Village ho, kha sanctuary chhehvela mite tan chuan phurrit a ni fo thin reng a. India leh khawvel hmundangah pawh sanctuary leh a chhehvela mi, mipui intai leh innawk vel chanchin hi sawi tur tam tak a awm a. Khilai Tawi chhehvel a Tawi Constituency leh Tuikum Constituency chhung a mipuite khaw eng emaw zat an awm a, anni harsatna khi kan hriatthiampui em em a. Engpawhnise, kan chhawmdawl na te kha a tawk lovang tih kan hre reng a. Mahse khi khi an ta a ni a, an tui hnar atan te a tul a anni pawh. Tu leh fa lo awm zel tur atan te anmahni ro dik tak a ni tih hria a tlawmngaih chhuaha huaisen taka min lo humhalh sak zel turin ka'n sawm nghal a ni.

Tun hnaiah khan Pu Speaker, Hrangturzo Bialah kan han kal a, Thenzawl atanga tanin Serchhipah, tichuan Khawlailungah, Vanlaiphaiyah tiang khan khawzawl thlengin, vantlang

hruaitu hrang hrangte nen, NGO hruaitute nen ‘interaction’ kan han nei a, lawmawm kan ti em em a. Chutah chuan thil kan hmuhchhuah chian em em mai chu, Mizoram laili emaw Mizoram lai tak ti te a kan sawi thin kha kan han fang a ni a. Chutah chuan tunhma chuan Reserve tih hrim hrim hi Mizoram mipuiin kan ngaithei lo thin a. Amaherawhchu, tunah chuan Reserve an lo puan te, entirnan, Khawzawl chhuah lama mualdung thui tak, Chezum Reserve te, tin, sawtah Vanlaiphai tlak lam tlangdung Khawng Park tih te a mawi em em a. Hetah, khaw hlui tlangah, Lersia Kel Khum tlangah Vanlaiphai saw a kual kung mai a ni a, saw saw NGO leh V/C ten an theihnain an lo humhalh a, “min pui rawh u,” tiin Forest Department lam an rawn hawi a. Khaw tinah hetiang hi kan hmu a, lawmawm kan ti a. Hengte hi Reserve pangngai dik tak anga India sorkar pawhin min rawn cheibawlpui theihna turin engtin nge Notification te kan siam ang tih hi tunah hian kan hotute nen kan buaipui mek a ni a. Forest lam kan sawi chuan kan sawi tam lutuk dawn a, Pu Speaker, kha kha ka’n sawilanga duh tawk rih mai ila. (interruption)

Pu T.T. ZOTHANSANGA : Pu Speaker, hemi point of clarification-ah hian tuna Forester leh Forest Guard kan rawih mek ang chi ho hi nakum kumtira tawp mai tur hi 14th Finance Commission-ah hian rawihzui leh theihna beiseina kan nei em, tih lai tak a kha.

Pu LALRINMAWIA RALTE, MINISTER : Pu Speaker, ka’n rawn sawi leh ang a. Hei hi chu 14th Finance Commission Award kha ala chhuah loh avang khan rawih zawm thei turah chuan kan ngai a, a thawk zawng zawng hi, an nih ang ang hian rawih zawm tih lam ni lovin. Finance Commission khat chhung atana lo lak an ni a, fit lem lo te pawh an awm maithei a, chung chu engpawhnise, thudang ni sela, kan rin thilthuah hi chuan hetiang thil pawimawh hi chu min chhunzawm sak ngei turin kan beisei a ni. Nia, hei hi a thawktute rilru tihreawmtu a ni ve a, kan MLA zahawm tak, Pu T.T. Zothansanga’n a rawn zawt a, a lawmawm a, kan beiseinaah chuan hei hi rawih chhunzawm ngei tura kan beisei a ni.

Tin, nichina ka sawi tak ang khan red sandal wood kan tih mai, red sanders thing chungchang hi Convention on International Trade in Endangered Species kan tih hian a control tlat a, Mizoramah pawh hian miin Andhra atangin dan angin lalut pawh ni se India ram pawnah thawncchhuah theih a ni reng reng lo a ni. Chuvang chuan tupawhin lo nei se, India ram International border a cross pui rual rualin dan a bawhchhia a ni. Andhra Pradesh-ah Auction zuk chhangin dan angin lei pawh ni se, India leh khawvel ram dang inramrina a pelh rual hian International dan a bawhchhe nghal tih hi he House zahawm tak kaltlang hian mipuite ka hrilh duh a. Lak chhuah hi an dil nasa em em maia, ni e, mi vanduai tak an ni a. Engtin nge an zuk leia, harsa

takin heng thleng thlengin an rawn phur thei a. Amaherawhchu, helaiah man a lo ni leh si a, sum tam tak an seng ang tih pawh kan ring a. Amaherawhchu khawvel ngaihah kan department pawh kan hmingchhe thei ve si a, heng hi a kalhmang kan hriat a tha awm e. Thawktu indaih lohna tih kha chu ka rawn sawi tawh a. Tikhan, Pu Speaker, Environment and Forest chungchangah pawh khan ka chhang zo thawkhatin ka hria a.

Tin, thil rawn sawilan leh hram kan duh chu bamboo, mau chungchang hi a ni. Mau hi, Pu Speaker, mithiamten chance nei se he House zahawm takah hian han sawi se ka duh khawp a. Amaherawhchu, mithiam sawi ka lo chhinchhiah ve atangin ka'n sawi anga. Mau hi thil mak deuh mai a ni a. A tuai anih atang hian carbon hi a 'store' chho char char a, a tar telh telh a, carbon kha a store theilo telh telh a. Rampui hmuna mau thi rup rup kan tih phei hi chuan leia carbon storage kha a release daih mai a ni. Chuvang chuan mau hi a tar anga, a thi hial ang tih hi Forest mithiamte thlirnaah chuan thil hlauhawm tak a ni. Tunah hian carbon sequestration an tihah hian India ramah Arunachal Pradesh leh keini hi a tha ber kan ni a. Heimi kan record tha tak hi 14th Finance Commission pawh hian award-ah hian min duhsak nan hmang hial turin kan beisei a; keini kan department phei chuan. Tin, mi thenkhat phei chuanin 'carbon trading' tihah hian beng in chhi lo lutuk te min ti a. Engpawhnise, hei tak hi kan tawng huai ve na tur a ni a. Kan bamboo forest zau siah hian mau sat miah lovin kan mau hi thih tir rem rum ta ila, tar thi ta vak sela, kan carbon storage hi a tlahniam vak dawn a ni. Hei hi thildang anglo taka mau danglam em emna a ni a.

Tin, mau hung hrim hrim hi sah miahloh chuan a chhe telh telh, a fem telh telh a, a pui chang sat taima apiangin mauhung an nei lian mai a ni, private plantation ah pawh. Chu chu kan hriat a ngaia, keimahnia resource kan mobilize ve a tul a, theih tawpin department te pawh tan la turin target te pawh min set sak ve a. Chung chu kan neih theihna tur atan chuan mau hi awmze neia kan sah a ngai a ni tih hi kan hriat a ngai a ni. Tin, a mau nungchang leh a zia hrim hrimah kan sah then thin a ngai a ni. A tuai sah chungchangah private huana mi sah chungchangah khan harsatna kan nei a. YMA leh helam veitu, thawkrimtute rilru a na em em tih kan hria a. Amaherawhchu, mimal ram a ni tlat a, khavang khan a buaithlak a. Tunah chuan kan han khar lailawk a. Engpawhnise, Reserved Forest amite pawh awmze neia sah a nih theihna turin ruahmanna kan kalpui mek a ni tih ka'n sawilang duh a. Member zawng zawng sawi ka rawn react kimlo maithei a.

Dr. Ngurdingliana, Chalfilh bialtu MLA zahawm tak khan Timber extraction chungchang kha a rawn sawia, aw, timber sawi chiah lovin khauh zawkin ram ngaw humhalh hna

te hi thawh ni rawhse a rawn ti a. Ka'n sawiduh chu, thingzai chungchangah hian, strict lehzuala hmalak kan tum a. Member zahawm takten helaiah hi chuan min lo hriatthiam hram hram kan duh a. Lehkha te pheih chu tuman in ziaik ngai lova, tuman kan ziah ka ring hauh lova. Amaherawhchu, helaiah hian, mahni bial theuhah thingte zai chereu a nih lohna tur leh dan lo taka thingzai te man chhuah a nih na turte pawha theihtawp min chhuahpui turin ka han ngen cheu a. Heng avang takte hian Forest Department hi a ngeiawm thin a ni. A chang chuan keipawn ka ti thin a, ramngawa duty peih mang silo, mi inhnuai thingzai tawh hnu man lamah chak leh viau si te pawh kan ti thin a ni. A dikna chen tam tak a awm a. Amaherawhchu, a mipuite pawhin hmun tam takah kan pawisa lo langsar ve bawk thin a. Tin, a zai lam hi chu lo zaiin working plan te pawh hi lo chhuak zelin working scheme te pawh hi nei ila, kan thing hi kit thin pawh ni ila, a phun lamah tal hian intihhmuh ta ila, mimal ang pawh hian, chu chu a hnam hian intihhmuh ila thil tha tak a niin a rinawm a. Khati kha forest lamah chuan ni mai sela, sawi tura ka han hual ve dangte chu sawilang lo ila.

Pakhat chiah, 'Externally Aided Project' ah hian tute nge funding hi min rawn tihsak dawn kan hre lova, sawi a thiang chiah lova hei hi, a tak a thlen hma chuan. Amarawhchu, kan beisei danah chuan JICA atangte pawn a ni ange kan ti a, cheng vaibelchhe 400 chuang daih kum 8 chhung atan tunah hian a hminga Planning Commission hnathawk chuanglo hi timai ila, mahse, a mihring la awm thut siah khuan a tang a. Hmanni khan kan forest hotute nen Planning Commission Secretary Pi Khullar-i pawh kan va hmu a. Ani pawn alo ti a, "A, theihtawpin ka lo ti ang, keimahni chauh in tanna a nih tawh chuan kan titlang ang a. Engpawhnise, Planning Commission min thiat a, kan awmdan tur tak hi tihfel ala ni bawk si lova, kan buai khawp asin," te pawh a lo ti ve a. Vawiinah pawh hian kan CCF (Planning) te an chhuk thla a, chak takin hei hi kan nawr a, alo chhuah chuan Mizoram tan hnemhnnpui tham, Agriculture, Horticulture, Fisheries tihte pawh huam vekin vaibelchhe 500 hnaih thuakin hma lak theih kan inbeisei. Engkim a fel thawkhat tawh a, Planning Commission-ah chiah hian kan la tang a ni.

Cooperative Movement chungchang hi Pu Speaker, tawitein, hei a junior ber, hun hmangrei ber, dak hnem berah ka tang a, in rawn sawi kha ka rawn 'react' duh bawk si a, a hrehawm khawp maia, min lo hrethiam hram mai ula, a duh chu lo mutthluk theih tho pawh aniang chu. Pu Speaker, Cooperative Movement hi: MULCO bawngnhnute tih kha chu a Nodal Department lam zawk AH&Vety lam changtu minister zahawm tak lamah hian ka pass chhawng mai anga. Khalam kha chu min lo enpui ta sela a thain ka ring a. Lunglei District Cooperative Milk Produces Union tan pawh an khawlte min 'handover' dawn a, AH&Vety department-in. Mahse, chuti chung

chuan cooperative a nihna lamah khan kan Department mah nise, a nodal department, a enkawltu leh buaipui bertu an nih avangin khang kha chu annin min lo hriatsak ang tih ka ring a. Keini pawh kan inthlahdah chuang lovang a. Cooperative Movement pawimawhna hi chu kan ngaitthla tam tawh a, amaherawhchu Mizoramah hian kan hrethiam chiah lo. Cooperation hi sorkar Department a ni ve tih hrelo hi a tam zawk an la ni hial awm e. Thingtlanga tute tangrualin emaw society an din a, dawr te an siam a, tih ang chi deuh hian kan hmu tlat mai a. Cooperative Movement hi Mizoramah chuan a bul kan tanna a rei tawh aiin a chak lova. Tunhnaiah pawh National Cooperative Week kan hmannaah pawh awareness hi beih ala ngai a ni tihte pawh kha kan la sawi a ni.

Father of Indian cooperation an tih chu kan Prime Minister hmasa ber Jawaharlal Nehru khan “Indian economy a thanna tur chuan sector pathum hi ang khat veka an than a ngai a ni. Public Sector, Private Sector, Cooperative Sector,” alo ti a. Hemi pathumte an tantlan thiamna apiangah State pawhin hma a sawn a ni tih hi chu a chiang khawp mai a. Entirnan, Maharastra tih te, Gurajat tih te, Andhra te, West Bengal te pawh a ni anga, cooperative hmangin lo nei mi, ran vulh mi kut hnathawktuten hamthatna nasa tak an dawng a ni. AMUL avang ringawt pawha bawngnute sawr chiin awlsamna nei an tam zia te kan hre theuhin ka ringa. India ramah Private Sector leh Public Sector chu kan hrethiam khawp a. Private Sector-ah pawh, India ramah mimal tan sumdawna an thlah zalen telh telh nghe nghe a. Economic Liberalization te kan neia, Industrial House ropui tak takte kan nei a ni. Mahse, kha, hmanni khan India Today-ah an rawn ziaka, ka rilrua awm chu hetiang hi a ni. Mumbai khawpui ah ringawt hian dollar multi-millionaire 2700 an awm a, khawvel khawpui multi-millionaire ngah 25 thlan chhuah zingah a tela, a ropui. Mahse Mumbai khawpuiah vek khuan Asia khawmualpuia slum area lian ber Dharavi a awm, Slumdog Millionaire an chan chhan kha. Fortune 500 company tam ber zawkin Mumbai-ah office an nei. Government of India, public sector undertaking lianpui puin hmun an nei, Mumbai ah. Mahse mipuite zawk erawh chu ka sawi tak ang khan Asia khawmualpuia Slum area lianber pawh khu khuaah tho khuan a awm a ni. Chumite tan chuan a ni Cooperative movement hi a tul ni, tih kha a ni. Cooperative movement hmanga keini a mipui, mimir hi kan intel khawm thiam ve a, kan ham thatna tura hma kan la thiam lo a nih chuan, India ram hmasawna hi a then a zar tan chauh a ni dawn a ni, tih hi Pu Nehru-ten an lo hmu lawk a ni a. Theihtawpin kan sorkar hmasa a Minsiter kal tawh zawng zawngten hma an la a, tin, RCS kan neih apiang te leh Secretariat lam leh RCS office lama kan hotuten theihtawpin hma an la a, hma sawna tam tak kan nei chho a.

Tin, tuna kan Budget-ah pawh hian lawmthu sawina tur tam tak kan neia, kum hmasa aiin cheng nuai 365 leh sang 4 laiin kan Budget allocation pawh hi atam zawk a. Kan state level society, ZOFISHFED kan tih te, MIZOFED kan tih te, PIGFED kan tihte, heng zawng zawng, nichina kan ngaihthlak tak ang khan MULCO-te, MUCO-te, Apex Bank kan tih zawng zawngte pawh in hma an sawn a. MIZOFED hmasawnnate hi ropui tak a ni a. A mal malin khang kha chu kan sawi thei lo anga. Tunah hian Central sorkar Integrated Cooperative Development Project tih, NCDC hnuaiiah vaibelchhe 45 la chhuak turin kan inbuatsaih meka, kum tin cheng vaibelchhe 11 leh nuai 25 kum li chhung, Mizorama Cooperative hmasawanna turin hman tangkai kan inbeisei a, reiloteah hei hi hmuh theih kan inbeisei a. Hei hi kan hmuh chuan Cooperative lam hmasawnnate sang tak kan hmuh theih kan inbeisei a.

Marketing lam hi ngaih pawimawh ni se tih Pu Lalrobiaka, member zahawm takin a sawi ang khan, Marketing Federation han tih ang chi te pawh kan nei a, hengte tichak tur hian nichin a ka sawi tak ang khan funding hi hmuh thuai kan inbeisei a ni. Revival Package for Primary Agricultural Credit Society tih hi a awm a, hei hi kan ruih chilh khawp a. Kan Chief Minister-in theihtawpa min beihpui chung hian India ramah hian a chapter an lo khar deuh tawh niin kan hria a. Amaherawhchu lehlamah khati khan kan hmasawanna tur thilte alo lang zel a, kan lawm hle a ni.

Pu Speaker, hun ka la rei ta hle a ngaihdam dil chungin member te mawngkham chung chungin, react tur a tam a, ka sawi tum tak phe chu ka sawi lo reng reng tluk a ni. Pu Speaker, tichuan ka Demand No. 28, Labour, Employment & Industrial Training-ah ₹ 1677.00 lakh, Demand No. 33, Soil & Water Conservation-ah ₹ 5220.97 lakh, Demand No. 36 Environment & Forest-ah ₹ 11080.95 lakh, Demand No. 37, Cooperation-ah ₹ 1646.56 lakh, avaiin ₹ 19625.48 lakh te hi he House zahawm tak hian min pass pui turin ka han ngen a ni e, Pu Speaker, ka lawm e.

SPEAKER : Awle, kan Minister zahawm takin, kan member zahawm tak te zawhna leh thil pawimawhte a ngaipawimawh thiam hle a, a lawmawm e. Tunah ziakin min ngen angin kan Demand No. 4 a pawisa hman tur a zavaia belhkhawm ₹ 19625.48 lakh hi hman theiha siam turin he House hi pass a rawn dil a, pass remti zawngin 'remti' ti rawh ule, remti lo kan awm em? kan awm lova. He Demand 4 te hman tur belhkhawm a zavaiin cheng nuai 19625.48 chu lungrual taka pass a ni e.

Pu LALRINMAWIA RALTE, MINISTER : Pu Speaker, ka lawm e.

SPEAKER : A lawmawm e. Hei member zahawm tak 27 in a tawp kan thleng a, chutah kan House Leader leh kan Deputy Leader ten a tawp min thlenpui a, a lawmawm hle a ni. Member zawng zawngin kan hriat tur chu heta kan thusawi speech hi tidik turin copy thawn kir leh vek kan ni a, ni 15 chhunga a tihdikna thawn leh turin he Secretariat-ah hian. Chu chu a thenin kan ngaihthah a, ni 15 hnuah pawh kan la thawn kir lova, chuan member-tinte khan hei hi ngaipawimawh ila, correct tur an rawn thawn zawng zawng kha ni 15 ah correct ila, Secretariat ah thawn kir leh ila, tih kan inhriattir a ni e.

Tunah chuan zanina kan tih tur kan tizo ta diama a lawmawm a, kan hawng rih anga, naktuk dar 10:30 A.M. ah kan kal khawm leh dawn nia.

“Sitting is adjourned”